

Rabila Majjaanawa k’Isa Lik yi riije

En urzi k’ono don kun t’oone adda mattup ettiyo

Ette Rabila Majjaanawa k’Isa, Lik yi riije. Lik gen yon wede daawiya. Yon ti diine don zina k’Isa ye, wo yi turguwe tan baadan ti Pool wede zina k’Isa me. Yon yi likke ti kane don izire a ita k’Isa kono y’anni tondite mummino Isa yi likke a siido me. Mattup ette yi riije a wede soo sundi Teyopil. Ti diine kane don pay i riijite mattupiyagi k’ono Raa gen, Lik siidi Yawudusu ye me.

Adda mattup ette Lik yi ruute mummino Isa an y’ehe wo ti naabo ere y’ize a siido, aakede: dooyiso ere yi duuye duwo, urzi k’untadi wo baldiyadi ti diine don unto. Isa yi kazita ono Raa a duwo ti toogo, y’an d’eliyo beeko a don k’eeni, yi lommitte siitandani wo yi d’isiyo suldi k’armika baadan.

Kane Yawudiyagi an delliyo mozigo wede etto y’an di’n utta. Yon gen Wede k’Uttiyo Raa y’a t’igibo, aa nebiyagi an ruute ti kaaga adda mattup ki Raa. Raa gen yi suune Wede k’Uttiyo umbo man, kine duwo pay en in digge. Inkino y’a t’igibo Uli soo danjal, kono y’a utta don i ziipe addan a yode adda siidiyagi pay. Ulo gen, yon Isa Almasi.

Toose ki Lik

¹⁻² Teyopil mee'ki nuŋ, doŋ ongo an wulle t'edayan suldi doŋ Raa y'ize t'ume k'eesiyo a diinayin me. Saŋ kane an t'ize doŋ kazita k'ono wo an in t'iide taaya a suldi geŋ me, maŋ doŋ baadan ti diinayin an d'iise raaniya ki taaya gettiyo.

³ Wo aame ni zidde ita mekk'ono a suldi doŋ pay ize t'ume k'eesiyo geŋno maŋ, Teyopil nuŋ toŋ o d'ize uŋse n'a di raane a kee ita ki suldi geŋ, soŋ k'ita bakadi bakadi.

⁴ Nuŋ n'a raaniya kono k'a suune beehiye, dooyiso ere an ki duuye gette tod'te derec.

Urzi wede an di t'eha Zaŋ Batis

⁵ A ozzinagi doŋ Erod yoŋ mozigo ki siido Ziide, i d'ede wede sedefe sundi Zakari, yoŋ geŋ ti diine doŋ sedefe doŋ k'Abbiya*. Wo to eddi sundutu Elizabet, ti ita k'inŋi k'Aron mozigo goole doŋ sedefe.

⁶ Kane geŋ sirwan pay ki diine a daana Raa, an ollige onami wo an sooru a urzi wede pay k'oogoro ki Galmeega Raa, duwo an an ki zaapu ono a eedan ye.

⁷ Wo kane ulo an k'ede ye kono Elizabet tod'te karta, kane sirwan pay an ti guulike.

⁸ Onniyo soo Zakari y'a t'iide k'adda Boy Raa isiyo naabo ki sedefe, kono iina a kaabadan an d'ise.

⁹ A urzi k'oogoro, kane doŋ sedefe an t'ize teltel muntelliyo maŋ, i-t'iire a yode a ogge suldi

* **1:5 1.5** Kun wollo adda mattup ki 1 Koronik 24.7.

koddiyo eediyadaŋ unse† adda Boy Galmeega Raa wede k'adda me.

¹⁰ A peeŋo ere an d'oggiyo sulŋi koddiyo eediyadaŋ unse, kane ɗoŋ duuru pay ti paate an tonɗiyo Raa.

¹¹ A kaamiki, maaleeka ki Galmeega Raa y'a iide tukki Zakari, wo y'a t'ihira a kese k'ammade ki munda aa sandup an d'oggiyo sulŋi koddiyo eediyadaŋ unse.

¹² Aame Zakari yi y' wulle maŋ, eedí t'a digge wo orgiso t'a yi ziiɗa.

¹³ Wo ɗe maaleeka yi di ruute, y'ede: «Zakari kee k'orgiɗe ye, kono tonɗiyadá a Raa gette, yoŋ y'illiga. Eddá Elizabet t'a t'eha ulo, wo ki di-zaapa sunɗi Zan.

¹⁴ Kee addá a ôona t'unŋsuwo kono yode, wo ɗoŋ baadaŋ ulbaŋ an d'isa unse a ehiyaɗi te.

¹⁵ Yoŋ y'a t'isa wede goole a ɗaana Galmeega Raa, toote k'inŋi biŋ yi ki siba ye, ise toote ti doolo wede i-d'ede orme toŋ maŋ‡. Yoŋ t'adda k'adde meedí geŋ miŋ, addí ôoniyo t'Unde Kamilen.

¹⁶ Doŋ k'Izirayel baadaŋ y'a ti'n kimo ki tukki Galmeega Raazaŋ§.

¹⁷ Ettiyadí y'etto yoŋ wede zina Raa, ti toogo k'Unde Kamilen ere i-dokkiyo nebi Eli. Inŋino maŋ maawi ti inŋizaŋ y'a ti'n sella an di t'okkiya, wo ɗoŋ i k'ollige ono ye toŋ y'a ti'n kimo a suuniyo k'ono ere ki ɗoŋ ki diine, kono

† **1:9 1.9** Kun wollo adda mattup ki Egzod 30.7-8. ‡ **1:15 1.15** Kun wollo adda mattup ki Nombire 6.3. § **1:16 1.16** Kun wollo adda mattup ki Malasi 2.6.

y'an isa donj i t'ikkima tuddan a Galmeega*.»

¹⁸ Zakari yi di ruute a maaleeka, y'ede: «De kanj mummino n'a suuna ono genj d'erec me? Derec, nuñ ni t'ize gôole wo eddó tonj ozzinagutú ñide, ti ki t'ehe ye.»

¹⁹ Mañ maaleeka yi di'n gime onamí, y'ede: «Enj nuñ maaleeka Gabiriyel wede ôhire a ðaana Raa ni di naabiya, yi n'igibo n'a-d'uido ti rabila majjaanawa kono n'a-di kize.

²⁰ Wo kee onamó ki k'umbe ye, injkino mañ bizá a di t'ippa ki rootiyo umbo bini onniyo ere suldi pay genj a-t'etta. Eyye, ono donj ni ruute genj a t'isa aame onniyo t'uida mañ.»

²¹ Aame genj kane donj duuru an delliyo Zakari, wo an ziida giggiranj kono t'adda Boy Raa wede k'adda genj yi ki t'adfiya kesiko ye.

²² Aame yi t'uddo kotto mañ, yi k'aaniya rootiyo ye a donj duuru genj me. Wo kane an di zuune yonj i-iido munda aa suniye adda Boy Raa wede k'adda genj me, y'an ooyisito dugiyko ðanjal wo bizí ki rootiyo umbo.

²³ Aame Zakari y'a ti ðinge onniytagi donj ki naabadí adda Boy Raa mañ, y'a aahe boozí.

²⁴ Bini mañ eddí Elizabet ti t'umbe adde, tere paat genj t'ombide tuddutú. Wo tod' t'a ruute t'adda k'addutú, t'ede:

²⁵ «Enño munda wede Galmeega Raa y'ize a tukki nuñ te: Nuñ te sukiyagi a ðaana donjó me, kono o k'ede ulo ye. Wo ankenj y'a dihe y'o di booye sukiyagó a ðaana ðuwo pay.»

Urzi wede an di t'eha Isa

* **1:17 1.17** Kun wollo adda mattup ki Malasi 3.23-24.

²⁶ Elizabet mahiwatú îide tere zoot man, Raa y'a igibe maaleeka Gabiriyel k'adda geeger soo ki siido Galile sundutú Nazaret.

²⁷ Yi y'igibe ki tukk'uto konso, tod' t'ibire ulo obulso sundí Yusup, yon gen ti biza bumbu Dawut. Wo to uto konso gette sundutú Mariyam.

²⁸ Maaleeka yi-t'iide di tode, y'a t'uuney wo yi di ruute, y'ede: «Kon ulbí i iso unse, kon ere Raa yi ize beeko, Galmeega Raa yon ti kon.»

²⁹ A onamí gen ettú a digge, ti d'elkiso t'adda k'addutú wo t'ede: «Toose kino ettin i-kaza moo me?»

³⁰ Inkino man maaleeka yi di ruute, y'ede: «Mariyam kon m'orgide ye, kono kon m'uune beeko ti Raa.

³¹ Kon m'ollo kofuwo, m'a seeda mahuwe, m'a t'eha ulo wo mi di zaapa sundí Isa.

³² Yon gen y'a t'isa wede goole, an di y' waaka Ulo ki Raa goole a jiire pay. Galmeega Raa yi di t'ela kaakido moziko ere ki mugiyí Dawut,

³³ wo y'a lekka a moziko ki daayum a tukki fon k'Izirayel, wo mozikadí ti ki fanga ye.»

³⁴ Mariyam ti di ruute maaleeka, t'ede: «Gen aasa mummino, kono nun ti kule kan soo ton ay k'ikkima ye me?»

³⁵ Maaleeka yi di'n gime onamtú, y'ede: «Unde Kamilen t'a deega eedí, wo toogo ki Raa goole a jiire pay ti-ki ti'n diiba aa lukkise. Kono kamo ulo wede mi t'eha gen yon kamilen, wo son an di y' waaka Ulo Raa.

³⁶ Wo m'ollo, Elizabet taasadí ton ti uune adde ki tere zoot, t'a t'eha ulo a goolikatú gen me, tode ere an'de karta ton man.

³⁷ Derec, munda wede Raa yi k'aane ye umbo.»

³⁸ In'kino maŋ Mariyam t'a ruute, t'ede: «Nun te ere naabo Galmeega Raa, pay geŋ o t'iso aa kee k'o ruute.» Saŋ maaleeka yi-t'iili, y'a ingile.

Mariyam tod' daŋ Elizabet

³⁹ Onniyto miibi k'ita maŋ, Mariyam t'a t'iiziga, t'a ingile ti naariya k'adda geeger ki siido Ziide ere adda diine moŋgali.

⁴⁰ T'iide'ŋ ti t'iide adda boy Zakari wo t'a ruute, t'ede: «Elizabet toosadi.»

⁴¹ Aame Elizabet t'illiga toose ki Mariyam kotto maŋ, ulo adda k'addutú y'a iise arbu wo tod' Elizabet addutú a ûune t'Unde Kamilen.

⁴² Tod' t'a idili ti golla awwa, t'ede: «Koŋ te Raa yi ti ziipe beeko a jire erayi pay, wo ulo wede adda k'addi toŋ beeko Raa a eedí.

⁴³ Nun te wee te doo miŋ mekki Galmeegó t'a iido wolliyadó me?

⁴⁴ Ki kotto m'ollo, aame n'illiga toose ki koŋ geŋ, ulo adda k'addó toŋ i-d'ize unse, y'a iise arbu.

⁴⁵ Unsuwo a tode ere umbe a ono doŋ iido t'urzi Galmeega Raa, kane geŋ a-t'etta.»

Ôoro ki Mariyam

⁴⁶ In'kino maŋ Mariyam t'a ruute, t'ede: «Nun t'addó pay n'a t'imme Galmeega.

⁴⁷ Raa yoŋ Wede k'Uttiyadó, kono k'in'kino addó a ûune t'un'usuwo,

⁴⁸ kono y'a dihe y'a zibbe edayi a tukki nun ere naabadí ere umbadó ettiyo.

Eyye, ti anki wo ki daayum duwo pay an di roota kereɗ, nuɗ te ere ulbutú unse,

49 kono Raa toogo a jiire pay, a nuɗ te y'o ize sulɗi ɗoɗ beehiye a jiire,

yoɗ sundi kamileɗ.

50 Y'isiyo adde kofuwo k'eda k'inɗi

a tukki ɗoɗ i ottilso me.

51 Ti toogo ere pay ki beezí, y'aaze sulɗi ɗoɗ a jiire, aakede:

Y'a ti'n tiipe kane ɗoɗ an ede elkiso ere ki koliyo tuddaɗ gette,

52 kane mozagi yi ti'n gippirɗe t'ekki kaakidagaɗ me,

wo ɗoɗ i ki koliyo tuddaɗ ye, yi-ti'n gili t'awwa.

53 Kane ɗoɗ mosogo yi di'n ûune ti sulɗi ɗoɗ majjandani,

wo ɗoɗ bey y'an ilmi daa munda beezaɗ.

54 Yo y'a iide noogiyo ɗoɗ k'Izirayel ɗoɗ naabadi, wo y'aaze adde kofuwo a kane i-ki dunde ye.

55 Geɗɗo munda wede Raa y'an ruute y'aasa a maawiɗ,

a Ibirayim wo a ita k'inɗizí ki daayum me.»

56 Mariyam t'a likke ti Elizabet suma tere aɗo, saɗ t'a aahe boytú.

Ehiyo Zaɗ Batis

57 Aame Elizabet onniyatú iide k'ehiyo maɗ, t'a t'ehe ulo.

58 Kane ɗoɗ k'ita waayatú ti taasiyagutú an di zuune Galmeega Raa yi ize adde kofuwo a tod'te, wo kane toɗ an d'isiyo unsuwo ti tode.

⁵⁹ T'ume an ti y'ehe îide onniyo gessire† mañ, kane an t'îide ulo an i di walda ponde wo an i di zaape sundí Zakari aa suma meegí.

⁶⁰ Wo mañ meedí t'an di ruute kereñ, t'ede: «Aha, ulo an di y' waaka sundí Zañ.»

⁶¹ Mañ kane an i di ruute, an'de: «A biza bumbugun wede sundí injkinno umbo.»

⁶² Mañ an i di ruute a meegí kañ dugiyko, kono an di suune ulo'ñ yi dehu an di y' waake wee wee?

⁶³ Yoñ y'a tunde pakirte, mañ an i d'ele wo y'a riñe: «Sundí te Zañ.» Kane pay geñ an ziida giggirañ.

⁶⁴ A kaamiki bizí a t'ihina, y'a iise ono wo yi tamma Raa.

⁶⁵ Injkinno mañ kane ñoñ pay a ita waaya geñ orgiso t'anni ziida, wo adda siido Ziide ere pay adda diine moñgali gette, an tówwo taaya a suldí ñoñ pay ize geñ me.

⁶⁶ Kane ñoñ pay illiga suldí ñoñ ize geñ, an d'elkiso eego wo an di tondiso tuddañ, an'de: «Sañ mañ yo ulo eñ y'a t'isa moo me?» Injkinno mañ ki kotto toogo Galmeega Raa gette ti yode.

Ono ñoñ Raa y'igibo t'urzi Zakari

⁶⁷ Zakari meek'ulo geñ addí a ûune ti Unde Kamileñ, wo y'a iise rootiyto ki ono ñoñ Raa y'igibo, y'ede:

⁶⁸ «Tamma a Galmeega, yoñ Raa ki ñoñ k'Izirayel, kono ñoñzí geñ y'a ukko noogiyadañ, yoñ y'an udde.

† 1:59 1.59 Kun wollo adda mattup ki Lebitik 12.3.

69 Wo a kine y'in d'ufdo Wede k'Uttiyo i-d'ede toogo,

ti biza bumbu ki mozigo Dawut wede naabo Raa.

70 Enj onamí ñonj y'a ruute ti kaaga ti bize nebiyagí ñonj kamilenj:

71 Yi ruute y'in di'n utta ti bey ñonj k'aduzinj wo ti bey kane ñonj pay in olmide.

72 Y'aaze adde koduwo a mongidaginj, wo i ki dunde ye a taasuwadí ere kamilenj yi gitte ti kane gette.

73 Gette nâamiya ere Raa y'a-ti nîime tuddí ti mugiyinj Ibirayim,

74 y'in di'n adde ti bey ñonj k'adu.

Injino manj in d'oola urzi in i di naaba daa k'orgiso,

75 kono in t'ise ñonj kamilenj wo ki diine a ñaanadí me adda k'onniytagi ñonj pay ki lekkiyadinj gette.

76 Wo ulo ki nunj, kee k'a ozira a ñaana Galmeega kono ki-d'okkima urzizí, genj injino k'a t'isa nebi ki Raa goole a jüre pay,

77 wo k'an di kiza a ñonjizí an di suuna yonj y'an utta t'urzi tambobino k'oldikadanj.

78 Eyye, Raazinj yonj ôoniyo t'isiyo k'adde koduwo.

Y'in ti'n tuure ti toore wede iido t'awwa, aakede toore peedo ti koliyo.

79 Yo y'a toora a tukki kane ñonj i lekkiyo adda zimolo wo ñonj i lekkiyo a biza k'olde, kono y'a dokka zonjđinj a urzi wede ki toose.»

80 T'ume genj minj ulo yi d'ohire a urzi tudde wo a urzi k'Unde Raa. Yi lekkiyo adda balda bini a

îide onniyo ere tuddí y'an ti gize kereŋ a ðaana ðoŋ k'Izirayel.

2

Ehiyo k'Isa

¹ Aame geŋ mozigo goole ki Romenŋ Ogust* yi d'ize oogoro ki kaza ðuwo adda siidíyagi pay ðoŋ Romenŋ ge-dokkiyo.

² Ette kaza ere ki poone, tod' t'iise aame Kiriniyus yoŋ goole ki siido Siiri.

³ Doŋ pay an t'ette an di-kizo tuddaŋ, wede tuuku toŋ yi d'aahiya ki siido k'ehiyadí k'ehiyadí.

⁴ Wo yode Yusup toŋ y'a t'iiziga ti geeger Nazaret siido Galile, y'a ingile ki geeger Betilehem siido Ziide, ume wede an d'ehe mozigo Dawut, kono yode Yusup toŋ y'udfo t'adda boy wede k'ita k'inŋi Dawut.

⁵ Y'a t'iide, an di-kizo kaŋ soo ti Mariyam ere k'ebirayí te, aame geŋ tod'te t'adde.

⁶ Koore kane a Betilehem geŋ onniyatú k'ehiyo a îide,

⁷ t'a t'ehe ulo ki kaðbatú me. Ti di mulpite sotor, t'a ti y' duwwe a kulaaye kono ume adda biino torgagi umbo.

Maaleeka ti doŋ k'elso

⁸ Adda siido gettiyo batum, i d'ede doŋ k'elso an lekkiyo a balða an boohiyo maaladaŋ.

* **2:1 2.1** Ogust y'iise mozikadí ti ozzine ada sire makumu gessat ki poone an t'eha Isa botto, bini ozzine koomat makumu piðe, saŋ Isa an di y'ehe.

9 Onniyo soo a didfo mañ, maaleeka ki Galmeega Raa y'a d'iide tuddaṅ wo toore Galmeega Raa yi-tooriyo eedaṅ. Injino mañ orgiso t'an di'n ziida baadaṅ.

10 Wo maaleeka y'an di ruute, y'ede: «Kun orgide ye, kono kun ollo, n'un d'iido n'un di kize rabila majjaanawa aasa unṣuwo baadaṅ a doṅ pay, tod'te ettiyo:

11 Anki adda didfo ette adda geeger Dawut, an un ehe Wede k'Uttiyo, yoṅ Almasi Raa yi biire, yoṅ Galmeega.

12 Enno munda wede un kizey kun di y' suuney me: kun t'ooney ulo neṅku mulpiyo ti sotor, duwwiyo adda kulaaye†.»

13 A kaamiki a sirpa maaleeka geṅ, i d'udfo maaleekiyagi baadaṅ ti kandaane an tamma Raa, an'de:

14 «Tamma a Raa t'awwa a kandaane, wo a siidfo toose t'a koone a doṅ yi giyye.»

Ettiyo doṅ k'elso ki Betilehem

15 Aame maaleekiyagi an iili an ti gime ki kandaane mañ, kane doṅ k'elso an d'iise rootiyto tuddaṅ, an'de: «Injino in t'ette Betilehem, in di wollo munda wede iido, wede Galmeega Raa y'in gize.»

16 Mañ an d'ingile an di naariya. An iiney mañ, an di dihite wo an di'n uune Mariyam ti Yusup, wo ulo neṅku duwwiyo adda kulaaye me.

† **2:12 2.12 Kulaaye:** Di Yawudiyagi an okkime k'inda, wo di kine kulaaye geṅ yoṅ ume lawiya ti garbe k'obe seemi a maala.

17 Aame ulo an ti y' wulle mañ, an d'iise tôwwo taaya ere maaleeka y'an ruuto kono k'ulo geñ me.

18 Wo ñon pay illiga geñ an di ziida giggerañ a rabila ere ki ñon k'elso gette.

19 Wo ki tode Mariyam mañ, suldi pay geñ t'a ti'n buuhe adda k'addutú, wo ti d'elkiso baadan eego.

20 Sañ mañ ñon k'elso an di-gime, an di tamma Raa wo an di ruute koñuwo a yode a suldi ñon pay an illiga wo an wulle, kono suldi pay geñ a-t'iide aakede maaleeka y'an ruute.

Zaapu suma a Isa

21 T'ume an ti y'ehe ñide onniyo gessire mañ, ulo an i-di wilña ponde, wo yoñ an i-di ziipe sundi Isa aa maaleeka y'a ruute, ti poone meedi t'a seeda mahuwe botto.

Isa ti maawí adda booro Boy Raa

22 Sañ mañ onniyo t'a ñide ere añ Yusup ti eddi Mariyam an ti t'ise tuddañ kamileñ a ñaana Raa, aakede oogoro Muusa ti rootiyo‡. Inkino mañ ulo an t'umbe k'adda booro Boy Galmeega Raa a geeger Zeruzalem, kono an i-ti y' zaapey a ñaanadi.

23 An ize inkino a-t'iide a ono ñon an riine ti kaaga adda mattup k'oogoro Galmeega Raa, an'de: «Inñi kuuli ñon pay ki kabba geñ, kane kun i di'n ooye kese a Galmeega Raa§.»

24 Wo soñ kane maawí an d'ise sefeke ere tode oogoro gettiyo batum ti rootiyo, t'ede: «An

‡ 2:22 2.22 Kun wollo adda mattup ki Lebitik 12.3,6. § 2:23 2.23 Kun wollo adda mattup ki Egzod 13.2.

di seɗɗe deere sire ere ki balɗa umbo ere ki modɗiyo toŋ sire wo inŋi*.»

²⁵ A Zeruzalem geŋ i d'ede wede inŋino sundi Simeyoŋ, yoŋ wede ki diine wo y'orgiso a Raazi, yi delliyo wede y'a utta ɗoŋ k'Izirayel. Unde Kamileŋ ti yode

²⁶ wo tod' ti di t'iidfiba ita ki poone, t'ede: «Kee ki ki t'inda ye, daa ki ki wulla Almasi Galmeega Raa yi biire geŋŋo ye maŋ.»

²⁷ Inŋino maŋ t'urzi k'Unde Raa, Simeyoŋ y'a t'iide k'adda booro Boy Raa aame Isa maawí an ti y'umbo, kono an d'ise munda wede aa oogoro ti rootiyo.

²⁸ Maŋ Simeyoŋ y'a t'umbe ulo a beezí wo yi tamma Raa, y'ede:

²⁹ «Ankenŋo eŋ Galmeega Raa, kee onamá ɗoŋ ki ruute a t'iide, nuŋ wede naabadá ki n'oolo n'a t'inda ti toose.

³⁰ Ki kotto ni y' wulle t'edayó wede k'igibo a utta ɗuwo me,

³¹ yode wede k'igibo ɗuwo pay an di y' wolla.

³² Yoŋ geŋ toore, wede a kiza a ɗoŋ Yawudiyagi ye an di suuna kee Raa,

wo t'urzi yode geŋ ɗuwo an di t'imma ɗoŋ k'Izirayel.»

Ono ɗoŋ Raa y'igibo t'urzi Simeyoŋ

³³ A ono ɗoŋ Simeyoŋ yi rootiyo a tukk'ulo geŋ, kane maawí an ziidfa gaggiraŋ.

³⁴ Simeyoŋ y'an di ziipe beeko, wo yi di ruute a Mariyam meek'ulo, y'ede: «Koŋ m'ollo, ulo eŋ Raa yi ziipo y'a koona urzi wede ɗoŋ baadan

* **2:24 2.24** Kun wollo adda mattup ki Lebitik 12.8.

adda siidfo k'Izirayel an di dagga, wo dɔŋ onɔŋ an t'oonna uttiyo. Wo yoŋ y'a koonna munda wede a kiza Raa a duwo, wo kane an di y' kiigira.

³⁵ Inkiino maŋ elkiso ere ombide adda k'adde dɔŋ baadaŋ gette y'a-t'oorra kereŋ, wo koŋ Mariyam dabar t'a ki'n seeda baadaŋ aa an ki'n giira ti kasigara.»

Nebi erewo sundutú An

³⁶ I d'ede soŋ nebi erewo sundutú An uto ki Peenuwel, tode gette ti biza bumbu k'Aser. Tod' ti gûulike baa. Ti kule wede ti ziida ki koŋsuwatú geŋ, an di likke ozzine sarat d'anaŋ, maŋ y'a inda.

³⁷ T'ume geŋ t'a likke mandaayawa bini ozzinagutú a iide ada gessire makumu pide. Ti booro Boy Raa ti ki d'ekkiyo ye, ti naabiya diddo onnu a Raa me, onniyo muno ti lekkiyo daa k'ombo wo ti tonديو Raa.

³⁸ Aame Simeyoŋ yi rootiyto geŋ, tode toŋ maŋ t'a d'iiney wo t'a iise tamma Raa. Wo ti tôwwo taaya k'ulo a dɔŋ Zeruzalem pay, dɔŋ i delliyo Raa y'an adfa ti dabaradaŋ.

Kama ki Nazaret

³⁹ Aame kane maawi k'Isa an t'ize pay suldi dɔŋ oogoro Galmeega Raa ti dehu an d'ise me maŋ, an di-gime ti ulan ki Nazaret geeger ere an di lekkiyo adda siidfo Galile.

⁴⁰ Wo ulo geŋ yi d'ohire a urzi tudde wo a urzi k'Unde Raa, eedí ôoniyo boo ti suuniyo k'ono, wo beeko Raa a eedí.

Ettiyo k'Isa ki Zeruzalem ti maawí

41 Ozzine ti ozzine maawi k'Isa an di-koliyo ki Zeruzalem kono an d'isiyo tarnaape Pak ki Yawudiyagi.

42 Wo aame Isa i îide ozzine koomat makumu sire† maŋ, maawí an ti y' wiike ti kane ki Zeruzalem, aa oogoro ki tarnaape ti rootiyo.

43 Aame onniyto tarnaape i t'ingile maŋ, kane an di-gime, wo yo ulo Isa y'a uupe a Zeruzalem, maawí an ki suune ye.

44 Kane an elkiyo ulo'ŋ ti dŋ an ziidŋ urzizaŋ soo. Injino aame an izire bini peedŋ t'ette k'ooriyo maŋ, an d'iise dehuzí adda diine taasiyagaŋ ti laŋziyagaŋ.

45 Umbo an ki y'uune ye, maŋ an di dehutu an di-gime ki Zeruzalem.

46 Onniyo sire k'aduwe maŋ, an di y'uuno adda booro Boy Raa, yi-guune adda diine dŋ suuniyo k'oogoro, yi'n ollige wo yi di'n tondiyto.

47 Wo kane dŋ pay i y'ollige an ziidfa giggiraŋ a eedí soodo a elkiso ere i-d'ede, ti kama k'ono dŋ y'anni kama geŋ me.

48 Kane maawí an yi wulle maŋ, an ziidfa giggiraŋ wo meedí ti di ruute, t'ede: «Ulo ki nuŋ, k'isiyo kino moo me a kaye maawá me? Ki wollo, nuŋ ti meegá ay ki dehutu eŋ undey i t'udfe.»

49 Yoŋ y'an di ruute, y'ede: «De kun ni dehutu injino moo me? Kun ki suune ye ko, i dehu nuŋ n'a lekke adda Boy Meegó me?»

50 Wo kane eedaŋ ti ki seedu ye onamí dŋ y'an rootiyo geŋ me.

† 2:42 2.42 *Ozzine koomat makumu sire:* I-kaza ki kane Yawudiyagi wede i îide ozzine injino maŋ, y'aane y'a naabe ki Raa.

⁵¹ Saŋ maŋ y'a t'iiziga, an di-dfiige ki Nazaret ti maawí soo. Yo yi d'ollige onamaŋ, wo meedí gette suldí doŋ pay ize geŋ ti di'n boohiyo addutú.

⁵² Isa geŋ yi d'ohire a urzi tudde, a urzi suuniyo k'ono, ti beeko a daana Raa wo a daana duwo pay.

3

Zaŋ Batis wede zina Raa

(Matiye 3.1-6; Markus 1.1-6)

¹ Kun ollo, t'ume Tiber yoŋ mozigo goole ki Romen, wo fiide ozzine koomat makumu paat maŋ, goole ki siido Ziide sundí Pons Pilat. Goole ki siido Galile sundí Erod Antipas, leemadí Pilip yoŋ goole yi dokkiyo siido k'Iture ti siido Tirakoni. Goole ki siido k'Abilen sundí Lizaniya,

² wo mozagi deero doŋ sedefeke sumbiyagaŋ Anne ti Kayip. A ozzine geŋ Raa yi-d'ele onamí a Zaŋ ulo Zakari, aame yi lekkiyo adda balda.

³ Wo yo Zaŋ geŋ yi soorutu adda siidfiyagi doŋ pay a biza k'ooye Zurden, yi kazita yi d'eesiyo: «Kun ti kama lekkiyagaŋ, an un ti'n suyyo batem wo Raa y'un t'isa tambobino a oldfikagaŋ te.»

⁴ Geŋ a-t'iide a ono doŋ nebi Ezayi yi riine ti kaaga adda mattupadí, y'ede:

«Doŋ an d'ollige golla ki wedusu yi d'ollite adda balda, yi d'eesiyo:

Kun i t'okkoŋ urzi Galmeega,
erkiyagi kun i ti'n okkoŋ ki diine d'elele.

⁵ Poldagi kun ti'n ôono pay,
moŋgali ti kessagi pay kun di bursidito,
urzi guudiyto kun ti y'ahan d'elele,

wo urzi wede moŋgali toŋ kun ti y'iso patal.

⁶ Inŋkino d̄uwo pay an di y' suuna urzi k'uttiyo wede Raa y'an ele me*.»

⁷ A d̄oŋ duuru i dihimō ki tukki Zaŋ y'a ti'n suyye batem geŋ, y'an di rootiyo, y'ede: «Kune d̄oŋ ulpi aakede maŋkikagi! Wee wee un gize urzi wede kun t'alda ti booro ki Raa ere ettiyo goppon te?

⁸ Inŋkino maŋ kun iso naabo ere beehiye, geŋ a kize kun ti gime lekkiyagun. Wo kun roote ye adda k'addugun: “Kaye mugiyey Ibirayim me”, kono kun t'alda ti booro Raa te. Wo kun ollo, n'un di rooto: Ti moŋgali en miŋ, Raa y'aane yi d'adde d̄uwo a t'ise ita k'in̄ni k'Ibirayim me.

⁹ Anken̄no booro Raa i guute goppon, tod'te aa wede yi t'umbe ulpaasi y'a-dokkida inda ti sondayzaŋ pay: Undumu tuuku yi k'ehiyo in̄ni beehiye ye maŋ, an di-d̄ekka an di sed̄da adda k'uwwō mend̄i.»

¹⁰ Inŋkino maŋ kane d̄oŋ duuru Zaŋ an di y' tunde, an'de: «De ay d'ise mummino me?»

¹¹ Maŋ y'an di ruute, y'ede: «Aame wede i-d'ede kallagi sire maŋ, soŋ yi elo a wede i-k'ede ye. Aame wede i-d'ede ombō maŋ, y'an ti dooko ti wede i-k'ede ye.»

¹² A ume geŋ i d'ede d̄oŋ sed̄du jibaaye toŋ an iido y'a ti'n suyye batem, wo Zaŋ an di y' tunde, an'de: «Wede dooyisadey, ay d'ise mummino me?»

* **3:6 3.6** Kun wollo adda mattup ki Ezayi 40.3-5.

¹³ Maɗ yon y'an di ruute, y'ede: «Kune a munda wede an un d'ikke geɗ, ti doolo kun a amba ye.»

¹⁴ In'kino asigiryagi ton an di y' tunde, an'de: «Wo d'e kaye me, ay d'ise mummino?» Yon y'an di ruute, y'ede: «Munda wedusu kun ambe ki toogo ye, ise ombo bize ti suma duwo ton ulu, ulbuguɗ iso unse a ranɗaguɗ.»

*Kaza ki wede ettiyo k'ita
(Matiye 3.11-12; Markus 1.7-8)*

¹⁵ Kane don duuru geɗ an di delliso wo an di zaapu elkisadan ekki yode, wede tuuku ton yi rootiyo adda k'addi a urzi Zan geɗ me, an'de: «Kunuɗ eɗ miɗ aasa Almasi Raa yi biire ko?»

¹⁶ In'kino maɗ Zan y'an di ruute a kane pay, y'ede: «Nuɗ n'unni suyyiso batem t'ahu, wo d'e wede ettiyo k'ita geɗ yon toogo yi jiiere nuɗ, ni k'iide n'a ki t'eeze sibe tobiyagi ye. Yon y'unni suyya batem t'Unde Kamileɗ wo ti uwwo.»

¹⁷ Wo yon y'a d'ekka booro aakede wedusu yi t'umbo munda ki solde a beezí, y'a silfa koduwo, in'ni yi-t'oba giyyayi, wo odfo y'a t'ogga mentu adda k'uwwo ere i k'unto ye.»

¹⁸ A don duuru Zan y'an d'eele kooke ti doolo ton baadan. Geɗ in'kino y'an di kazita urzi Rabila Majjaanawa me.

¹⁹ Wo aame geɗ Erod wede i dokkiyo siifo Galile, Zan y'a y'iipide kono yi ziida ere leemadi sundutu Erodiyas, wo kono son y'ize suldi don ulpi baadan ti doolo.

²⁰ Wo t'ekki suldi don pay ulpi Erod y'ize geɗ, Zan y'a-ti y' ziida dangay.

Suyyiso batem k'Isa
(*Matiye 3.13-17; Markus 1.9-11*)

²¹ Don pay Zan yi ti'n zuyye batem man, Isa ton y'a-ti y' zuyye batem. Wo aame Isa yi ton diyo Raa geŋ, kandaane a t'ihina,

²² wo Unde Kamileŋ t'a dīigo a tuddi, ti tudde ere aa deere. Wo golla t'a ruute ti kandaane, t'ede: «Kee ulo nuuno, ni ki giyye baadan, ulbó unŋe ti kee me.»

Ita moŋgidagi k'Isa
(*Matiye 1.1-16*)

²³ Aame Isa i iide suma k'ozzine ada g'ado man, y'a iise kazita Rabila Majjaanawa. Aa in di rootiyo yoŋ ulo ki Yusup, geŋ ita moŋgidagi ettiyo: Yusup yoŋ ulo k'Eli,

²⁴ Eli ulo ki Matat, Matat ulo ki Lebi, Lebi ulo ki Melki, Melki ulo ki Yanay, Yanay ulo ki Yusup,

²⁵ Yusup ulo ki Matatiyas, Matatiyas ulo ki Amos, Amos ulo ki Nahum, Nahum ulo ki Esili, Esili ulo ki Nagay,

²⁶ Nagay ulo ki Maat, Maat ulo ki Matatiyas, Matatiyas ulo ki Simeyin, Simeyin ulo ki Yosek, Yosek ulo ki Yoda,

²⁷ Yoda ulo ki Yohanan, Yohanan ulo ki Resa, Resa ulo ki Zorobabel, Zorobabel ulo ki Salatiyel, Salatiyel ulo ki Neri,

²⁸ Neri ulo ki Melki, Melki ulo ki Addi, Addi ulo ki Kosam, Kosam ulo ki Elmudam, Elmudam ulo ki Er,

²⁹ Er ulo ki Zozuwe, Zozuwe ulo ki Eliyezer, Eliyezer ulo ki Yorim, Yorim ulo ki Matat, Matat ulo ki Lebi,

³⁰ Lebi ulo ki Simeyon, Simeyon ulo ki Ziida, Ziida ulo ki Yusup, Yusup ulo ki Yonam, Yonam ulo ki Eliyakim,

³¹ Eliyakim ulo ki Meleya, Meleya ulo ki Menna, Menna ulo ki Matata, Matata ulo ki Natan, Natan ulo ki Dawut,

³² Dawut ulo ki Zeese, Zeese ulo ki Ibet, Ibet ulo ki Booz, Booz ulo ki Sala, Sala ulo ki Nason,

³³ Nason ulo ki Aminadap, Aminadap ulo ki Adimin, Adimin ulo ki Arini, Arini ulo ki Eziron, Eziron ulo ki Pares, Pares ulo ki Ziida,

³⁴ Ziida ulo ki Yakup, Yakup ulo k'Isaaka, Isaaka ulo k'Ibirayim, Ibirayim ulo ki Tera, Tera ulo ki Nahor,

³⁵ Nahor ulo ki Serug, Serug ulo ki Regu, Regu ulo ki Pelek, Pelek ulo ki Eber, Eber ulo ki Sala,

³⁶ Sala ulo ki Kenan, Kenan ulo ki Arpazad, Arpazad ulo ki Sem, Sem ulo ki Nowe, Nowe ulo ki Lemek,

³⁷ Lemek ulo ki Matusalem, Matusalem ulo ki Enok, Enok ulo ki Yered, Yered ulo ki Malaleyel, Malaleyel ulo ki Kenan,

³⁸ Kenan ulo ki Enos, Enos ulo ki Set, Set ulo ki Adum, Adum ulo ki Raa.

4

Naamiya daggiya k'Isa

(Matiye 4.1-11; Markus 1.12-13)

¹ Isa yi kama ti biza k'ooye Zurden ôoniyo t'Unde Kamilen, man Unde Raa gette t'a-di t'iide k'adda balda.

² A ume geŋ Meeda siitanɗani t'a yi niime daggiya adda k'onniyo ada pide geŋ me. Adda

k'onniytagi geŋ yon y'a likke daa k'omɓo, wo aame onniytagi geŋ an t'ingile maŋ, mosogo t'a yi ziida.

³ In kino maŋ Meeda siitandani ti di ruute, t'ede: «Aame kee Ulo Raa kotto maŋ, k'elo urzi a makkolo ette t'a-kime omɓo.»

⁴ Isa yi di'n gime onamtú, y'ede: «Koŋ te m'ollo, ono eŋ an riije ti kaaga adda mattup ki Raa, an'de: "Lekkiyo wedusu, tod'te t'urzi k'omɓo biziɗiɗaŋal ye*."»

⁵ Maŋ Meeda siitandani t'a-di t'iide k'ekki makkolo sohero, wo a kaamiki ita moziko pay ki duniya ti di gizite,

⁶⁻⁷ wo ti di ruute, t'ede: «Aame ki-dikka wo k'o uttila maŋ, n'a di t'ela a kee toogo ti laale wede ki moziko pay ette, kono kane pay eŋ an oo n'ele a nuŋ, wo ni-t'ele a wede aa ni dehu.»

⁸ Maŋ Isa yi di ruute, y'ede: «M'ollo, ono eŋ an riije ti kaaga adda mattup ki Raa, an'de: "Kee k'ottilo a Galmeega Raazá, wo geŋ a yodeɗaŋal ki naabo me†."»

⁹ Saŋ maŋ Meeda siitandani t'a-di t'iide Zeruzalem t'a-ti y' ziipe t'ekki Boy Raa a ume wede awwa, wo ti di ruute, t'ede: «Aame kee Ulo Raa kotto maŋ, t'awwa geŋ k'oldi k'a zabbá siido,

¹⁰ kono ono eŋ an riije ti kaaga adda mattup ki Raa, an'de: "Raa y'an di roota maaleekiyagí kono kee, an gi di booha."

¹¹ Wo soŋ an riije, an'de:

* **4:4 4.4** Kun wollo adda mattup ki Deeterenom 8.3. † **4:8 4.8** Kun wollo adda mattup ki Deeterenom 6.13.

“an gi di seeda beezan,
kono k’a t’alda zonɗá a ki t’oggo ekki mukkolo
ye‡.”»

¹² Isa yi di ruute, y’ede: «M’ollo, ono en an
riiŋe ti kaaga adda mattup ki Raa, an’de: “Kee
Galmeega Raazá ki y’ naame yeŦ.”»

¹³ Inkino aame Meeda siitandani ita naamiya
daggiya ere tuuku ton pay ti ti d’iŋge man, t’a
t’irga ti tuddí bini onniyo ere ti t’oona ti doolo.

Naabo k’Isa a siido Galile
(*Matiye 4.12-17; Markus 1.14-15*)

¹⁴ Isa geŋ òoniyo ti toogo k’Unde Kamilen y’a-
gime ki siido Galile, wo sundí t’a ñile adda siido
pay gette.

¹⁵ A ume geŋ yi dooyisito adda boydî don
Yawudiyagi ge dooyiso, wo don pay an di y’
tamma.

Don Nazaret an koogire Isa
(*Matiye 13.54-58; Markus 6.1-6*)

¹⁶ Isa y’a t’iiziga, y’a iŋgile ki Nazaret geeger
ere y’a ihira. A onniyo ere ki puukiyo
Yawudiyagi man, aa daayum yi d’isiyo yi-t’iide
adda boy wede Yawudiyagi ge dooyiso, man y’a
t’iiziga y’an di gare mattup ki Raa ere ti kaaga.

¹⁷ An i d’ele mattup lobide ki nebi Ezayi. Aame
yi t’ihina man, yi d’uune ume wede an riine,
an’de:

¹⁸ «Unde Galmeega Raa ti konso a eedó,
yon yi ni biire kono n’a kizite Rabila Majjaanawa
a don an k’ede munda ye.

‡ **4:11 4.11** Kun wollo adda mattup ki Soom 91.11-12. § **4:12**
4.12 Kun wollo adda mattup ki Deeterenom 6.16.

Y'a n'igibe kono n'a kizite a don an zidfo bulagi an t'adde,
 a don konzayi edayan a-t'ihina an di wolle kereṅ,
 wo a don an an oodibe yeebadan an t'adde ti dabaradan te,

19 kono n'an di kize ozzine wede an di wolle beeko Galmeega Raa*.»

20 Aame yi dinge gariya man, mattup y'a-t'ilbida umatú, yi-di t'ele a wede i naabiya adda boy geṅṅo, yoṅ y'a-guune. Wo don pay adda boy geṅ edayan ki tukki yode.

21 Inkino man y'an d'iise rootiyo, y'ede: «Anki batum ono don an riije ti kaaga adda mattup ki Raa don kun illiga eṅ, a t'iide a kune.»

22 Don pay an di y'imme, an ziida giggiran a ono don majjandani udde ti bizi geṅ me, wo an di rootiyo, an'de: «Yo eṅ ulo Yusup de me!»

23 Man Isa y'an di ruute, y'ede: «Ki kotto n'elkiyo kune kun o roota ono ombide enno, kun t'eesa: "Wede daawiya no, ki daawo tudda do." Wo kun o di roota soṅ: "Kaye ay y'illiga suldi don pay kee k'izo a geeger Kapernayim me, wo a enno adda siidadá ton k'iso suldi don inkino kay."»

24 Wo y'a ruute sey, y'ede: «Derec inkino wo n'un di rooto: Nebi geṅ don a geeger ere y'a ihira danjal, onamí an k'olliga ye me.

25 Derec inkino wo n'un di rooto: Ti kaaga a ozzinagi ki nebi Eli geṅ, ozzine ado ti gootiyo mizzi yi ki guppe ye, i d'ize mosogo baadan adda

* 4:19 4.19 Kun wollo adda mattup ki Ezayi 61.1-2.

siido pay. A ozzine geŋ mandaydayi baadaŋ a siido k'Zirayel me,

²⁶ wo toŋ nebi Eli Raa yi ki y'igibe ye, y'a nooge ere soo ti diine kane geŋ me. Y'a y'igibe k'ume mandaayawa ere soo Yawudowo ye ti lekkiyo a Sarepita adda siido ki Sidon†.

²⁷ Soŋ a ozzinagi ki nebi Elize geŋ, i d'ede doŋ bintidagi baadaŋ a siido k'Zirayel me, wo ti diinayan wenda soo toŋ i k'ize ye kamileŋ me, a t'ize kamileŋ Naama danŋal yoŋ ti siido Siiri‡.»

²⁸ Aame an illiga onamí inŋkino maŋ, kane doŋ pay i t'ugiyi adda boy wede Yawudiyagi ge dooyiso geŋ, an di gulkuwe baadaŋ.

²⁹ Maŋ kane an t'iiziga, Isa t'adda geeger an di y'udde, an di-t'iide neere tokomo ere geegirzan eego, kono Isa an ti y' kibiro k'ekki zire.

³⁰ Wo yoŋ yi t'udde ti diinayan, y'a ziida urzizi y'a inŋile.

Isa yo a Kapernayim

(Matiye 7.28-29; Markus 1.21-28)

³¹ Inŋkino maŋ Isa y'a-diiŋe ki Kapernayim geeger ki siido Galile. A onniyo ere ki puukiyo Yawudiyagi maŋ, duwo yi di'n dooyiso,

³² wo kane dooyisadi gette t'an di'n ziida, kono yi dooyiso ti toogo suuniyo ere ki yode batum.

³³ Adda boy wede Yawudiyagi ge dooyiso geŋ i d'ede wedusu i-d'ede siitan a eedi, y'a idili ti golla awwa, y'ede:

³⁴ «Wayya Isa wede ti geeger Nazaret no, ki dehu moo me a tukki kaye me? Ay suune kee

† 4:26 4.26 Kun wollo adda mattup ki 1 Mozagi 17.1,8-16. ‡ 4:27

4.27 Kun wollo adda mattup ki 2 Mozagi 5.1-14.

k'iido kono k'ay di'n dagge. Kee nuñ ni ki suune, kee Wede Kamileñ Raa y'igibo.»

³⁵ Mañ Isa yi di ruute ti golla zakidí, y'ede: «Koñ m'a t'appa bizí wo mi t'adfo ti tukki wede me.» Wede geñ siitan t'aa diine siido a diinayan wo t'a t'udfe ti tuddí, ti-k'ize munda ulsu ye.

³⁶ Kane doñ pay orgiso t'anni ziida wo an d'iise rootiyto ti tuddañ, an'de: «Urzi k'ono doñ kino eñ miñ mummino me! Wede eñ t'urzi wede an i ele wo ti toogo ere i-d'ede gette, siitandani y'an di rootiyo an t'adfe, wo an t'adfiya.»

³⁷ Wo Isa sundí ti môolo adda siido gette pay.

*Eliyo beeko a doñ k'eeni baadañ
(Matiye 8.14-17; Markus 1.29-34)*

³⁸ Isa geñ t'adda boy wede Yawudiyagi ge dooyiso yi-t'udfe, y'a t'iide danj Simo. Aame y'iiney mañ yi-t'uuney ande Simo i-ti d'iire girgir, wo an tunde Isa, an'de: «Erewo ette mummino ki iso!»

³⁹ Mañ Isa y'aa d'uttile ki tuddutú, wo y'a ruute ti golla zakidí a ooriyo t'a t'ooli. A kaamiki ooriyo t'a t'iili, tod' t'a t'iiziga wo t'an d'iise naabiya.

⁴⁰ A peedo t'a t'iire mañ, kane doñ pay an d'ede doñzanj eeni wede tuuku toñ t'ita k'eenizí k'eenizí geñ, an i di ziko a Isa. Yoñ a wede tuuku toñ yi di zaapu beezí beezí, wo kane an d'ooniyo bee.

⁴¹ Injino kane siitandani toñ an t'adfiyta kay ti tukki doñ baadañ kañ d'ollite, an d'eesiyo: «Kee Ulo Raa! Kee Ulo Raa!» Wo yo Isa y'an di rootiyo ti golla zakidí wo y'an k'ooliyo urzi an

ki d'orba ye, kono kane an yi suune yoŋ Almasi Raa yi biire me.

Engilso k'Isa ki siido Ziide
(*Matiye 4.23; Markus 1.35-39*)

⁴² Aame ume i t'umpile maŋ, ti Kapernayim Isa y'a t'udde y'a ingile k'adda balda. Kane doŋ duuru an di y' dehu. Aame an y'uune maŋ, kane an dehu y'a lekke a sirpadaŋ wo an di y'eegire yi ki'n ooli ye.

⁴³ Wo Isa y'an di ruute, y'ede: «A geegiryagi doŋ ti doolo toŋ, i dehu n'an kizite Rabila Majjaanawa ki Moziko Raa t'iina, kono yi n'igibo miŋ k'in kino.»

⁴⁴ Maŋ adda siido Ziide yi kazita adda boydi doŋ Yawudiyagi ge dooyiso.

5

Sanalliyagi k'Isa doŋ ki poone
(*Matiye 4.18-22; Markus 1.16-20; Zaŋ 21.1-11*)

¹ Onniyo soo Isa yoŋ a biza bar ki Zenezaret, wo kane doŋ duuru an di-t'ugiye, an di ŋaayu ti tuddaŋ kono an dehu an d'olliga ono Raa.

² Maŋ a biza geŋ yi wulle tookiyagi sire, doŋ sawwiya an ti diggite an opilsito lembidagaŋ.

³ Isa geŋ yi di gili adda tooke ere soo, tod'te ki Simo, wo yi di ruute a yoŋ, y'ede: «Ti zenje k'in odo k'adda k'ahu booloŋ.» Aame an a iide k'adda maŋ, Isa y'a-guune ekki tooke wo y'a iise dooyiso doŋ duuru.

⁴ Aame y'a ti diŋge dooyisadi maŋ, yi di ruute a Simo, y'ede: «Kun a odo k'adda mohita gettiyo,

wo kun ti kakko lembidagan, kun sawwoy puuni.»

⁵ Mañ Simo yi di'n gime onamí, y'ede: «Wede dooyiso, didfo ette kaye ay niite bini bini ton, munda ay k'uune ye, wo a onamá geñ kaye ay di-kakke lembidagey me.»

⁶ Aame an ti gikke mañ, an di ziki puuni lembidagan bokbok aa a sittite.

⁷ Injino mañ kane an d'umbe beezan, i-kaza lanziyagan don adda tooko ere ti doolo an t'okko noogiyadan. Kane an iido mañ, ti kane pay an t'ûunite bokbok ti puuni tookiyagi sire geñ aa i di sooyite.

⁸ Aame Simo Piyer yi wulle injino mañ, y'a-dikke a daana k'Isa wo y'a ruute, y'ede: «Galmee'ki nun, k'a ledfo ti tuddó me, kono nun wede k'oldiko.»

⁹ Yi rootiyo injino kono yode ti don a itadí pay orgiso t'anni ziida baadan, a baadika puuni don an ziki geñ me.

¹⁰ Wo Zak ti Zan inñi Zebede, kane don naabadan kan soo ti Simo me, ton injino kay orgiso t'anni ziida. Wo de Isa yi di ruute a Simo, y'ede: «Kee k'orgide ye, ti anki en k'a t'isa wede dehutu duwo an d'etto k'urzizó.»

¹¹ Injino aame ti tookiyagan an iiney biza zenge mañ, suldizan pay an d'iili genno, an di diine Isa.

Eliyo beeko a wede bitide

(Matiye 8.1-14; Markus 1.40-45)

¹² Onniyo soo Isa yi t'iide k'adda geeger soo ki siido Galile, a ume geñ i d'iido wede bitide

tuddí risimik. Aame yi wulle Isa mañ, y'a t'uttile zumayí a siidfo, wo y'a yi tunde, y'ede: «Galme'e'ki nuñ, ki dehu mañ, k'o eli beeko n'a t'ise kamileñ a d'aana Raa.»

¹³ Mañ Isa y'a igibe beezí, y'a yi butte wo y'a ruute, y'ede: «Nuñ ni dehu, ki t'iso kamileñ!» A kaamiki bitid'ayí a ñukkide.

¹⁴ Wo Isa yi di ruute, y'ede: «K'ollo koduwo, a munda wede ize eñ, a wenda soo toñ ki rootey ye! Wo de k'odo deddet, ki-ti kazoy tuddá a wede sedefe y'a ki ti wolley, wo k'a eloy munda ki sedefe a kize ki t'ize kamileñ aa Muusa y'a ruute adda k'oogoro in d'ise*, kono d'oñ pay an di wolle kee k'uune bee.»

¹⁵ Aame geñ rabila k'Isa ti-teepiyo ki teepiyo, wo d'oñ baadañ an d'ettiyo ki tuddí kono an d'ollige onamí wo an d'ooniyo beeko k'endanzañ.

¹⁶ Wo yo Isa yi t'argu k'adda balda kono yitondiyo Raa.

*Eliyo beeko a wede runguyun
(Matiye 9.1-8; Markus 2.1-12)*

¹⁷ Onniyo soo Isa yi dooyiso duwo. Kane Pariziyen ti d'oñ suuniyo k'oogoro, an iido ti illiyagi d'oñ pay ki siidfo Galile, ki siidfo Ziide, wo ki Zeruzalem, an di-guune a sirpadí. Wo toogo Galmeega Raa ti yode, ti-d'eliyo urzi y'an d'eliyo beeko a d'oñ k'eeni.

¹⁸ Aame geñ i d'iido duwo an d'umbo wede runguyun ti zaade, an dehu an ti y' t'ele k'adda boy an ti y' zaape a d'aana k'Isa.

* **5:14 5.14** Kun wollo adda mattup ki Lebitik 14.1-32.

19 Wo kono ɗuwo baadan geɗ urzi an ti y' t'ele k'adda boy umbo, inkinno maɗ an a-ti gili t'ekki boy geɗɗo, an d'ihina bulɗo, runɗuyun an ti y' zuuye ti zaadɗayí pây a diine ɗon duuru a ɗaana k'Isa.

20 Isa yi wulle kane an ziipe addan a yode maɗ, aame geɗ y'a ruute, y'ede: «Oldikadá n'a y' t'ize tambobino.»

21 Maɗ kane ɗon suuniyo k'oogoro ti Pariziyen, an d'elkiso adda k'addan, an'de: «Yo wede en miɗ wee wee yi kaldita suma Raa inkinno me? Wee wee aane aase tambobino a oldiko wede, daa ki Raa siidí ye maɗ?»

22 Isa elkisadan y'a ti zuune wo y'an di ruute, y'ede: «Ki moo me kun d'elkiso adda k'addugun inkinno me?»

23 Ise laylay a jiiire miɗ too me a nuɗ n'a roote: «Oldikadá Raa y'a y' t'ize tambobino†» kunun, n'a roote: «Ki t'oozo wo k'a oziro‡» me?

24 Wo ni dehu kun di suune, nuɗ wede an n'ehe aa ulo wede en, adda duniya ette o d'ede toogo k'isiyo tambobino a oldiko.» Maɗ yi di ruute a wede runɗuyun, y'ede: «Nuɗ n'a di rooto, ki t'oozo, ki t'ambo zaadɗayá, k'a aaho boozá.»

25 A kaamiki geɗ wede y'a t'iiziga a ɗaana ɗuwo pay, y'a t'umbe zaadɗayí wede yi moone eego, wo y'a aahe boozí yi tamma Raa.

26 Kane ɗon pay geɗ an ziidfa giggiran wo an tamma Raa. Ti orgiso baadan adda k'addan an

† 5:23 5.23 *Oldikadá Raa y'a y' t'ize tambobino:* I-kaza munda wede ɗon duuru t'ersadan an ki y' wolle ye. ‡ 5:23 5.23 *Ki t'oozo wo k'a oziro:* I-kaza munda wede ɗon duuru an di wolle t'ersadan.

di rootiyo, an'de: «Anki kaye ay wulle suldfi d'ofon ki k'aane ki ki ti'n roote ye!»

Waaku Lebi

(Matiye 9.9-13; Markus 2.13-17)

²⁷ Saŋ maŋ tiŋ geŋ Isa y'a t'ud'ede wo yi wulle wede sed'fu jibaaye sundi Lebi, yi-guune a ume naabadí yi sed'fu jibaaye. Isa yi di ruute, y'ede: «Ki ni daani.»

²⁸ Maŋ yoŋ y'a t'iiziga, suldfizi pay yi d'iili, wo y'a yi diine.

²⁹ Lebi yi d'ize omb'o baadaŋ a boozi a suma k'Isa, i d'ede d'ofon sed'fu jibaaye baadaŋ wo d'ofon ti doolo toŋ ede, an di-guune omb'o ti kane kaŋ soo.

³⁰ Kane Pariziyen ti d'ofon suuniyo k'oogoro a diinayan an d'orbe sunni sunni, an an di ruute a sanalliyagi k'Isa, an'de: «Ki moo me kun d'omb'o wo kun di sobo ti d'ofon sed'fu jibaaye wo ti d'ofon k'oldfiko ongo me?»

³¹ Maŋ Isa y'an di'n gime onamaŋ, y'ede: «Kane d'ofon waaliŋ an ki y' dehe ye wede daawiya me, wo i yi dehe d'ofon k'eeni.

³² Nuŋ ni k'iido'ŋ waaku kane d'ofon ki diine ye, wo de n'iido'ŋ waaku kane d'ofon k'oldfiko kono an di-kime lekkiyadaŋ.»

Tondiyo a urzi lekkiyo onniyo muno daa k'omb'o

(Matiye 9.14-15; Markus 2.18-20)

³³ Kane Pariziyen an i di ruute a Isa, an'de: «Sanalliyagi ki Zaŋ ti d'ofon ki kaye, onniyo muno an di lekkiyo daa k'omb'o wo an ton-diyo Raa, wo kacin kane sanalliyagá an d'omb'o wo an di sobo me.»

³⁴ Isa y'an di ruute, y'ede: «Kun elkiyo min ɗuwo ɗon an'ni wiiko a tarnaape ki seedu, kun di'n ise ki toogo an di lekke daa k'ombo ko, aame kule k'ere yon a sirpadaŋ geŋ me? Aha, inkiyo ye!

³⁵ Wo saŋ onniytagi an d'aana, aame kule k'ere ti diinayaŋ an ti y'umba maŋ. A onniytagi geŋ kane onniyo muno an di lekka daa k'ombo kollo.»

*Sulɗi ɗon mazzini ti ɗon aware
(Matiye 9.16-17; Markus 2.21-22)*

³⁶ Isa y'an di ruute ono ombide enno sey, y'ede: «Beehiye ye wenda yi sitte buude kalle aware kono y'a-t'obbira ekki kalle mazzini me, para maŋ kalle wede aware ki ti y' zitto wo buude kalle wede aware ki zitto'ŋ geŋ, ti kalle mazzini an ki t'okkiya ye.

³⁷ Wo beehiye ye wenda yi t'eepe toote k'inŋi biŋ wede oozige botto adda riitile wede mazzini me, para maŋ toote wede oozige botto geŋ y'a-batte riitile, toote a t'obi siido wo riitile a latte pây.

³⁸ Ki too maŋ i dehu toote wede oozige botto geŋ eepiyadí adda riitile wede aware.

³⁹ Geŋ wede tuuku yi t'iibe toote wede iine maŋ, toote wede oozige botto geŋ yi ki y' dehe ye kono y'a t'eeese: “Wede iine unse a jiire.”»

6

*Isa ti onniyo ere ki puukiyo
(Matiye 12.1-8; Markus 2.23-28)*

¹ Onniyo soo ere ki puukiyo Yawudiyagi mañ, Isa yi doopide t'adda dombi d'oñ ki geme ti sanalliyagí. Aame geñ kane sanalliyagí an sattita geme, an t'ad'ufuzu an t'aydu.

² Kane Pariziyen ongo an di ruute, an'de: «Ki moo me kun d'isiyo munda wede oogiradinj ti k'ele urzi k'isiyo ye, a onniyo ere ki puukiyadinj te?»

³ Mañ Isa y'an di'n gime onamañ, y'ede: «Ki kotto kun gire munda wede ti kaaga onniyo soo yode Dawut y'ize ti d'oñ a itadí, aame mosogo ti'ni ziida geñ me.

⁴ Yi-t'iide adda Boy Raa wede an ikkima ki golmodo, y'a ziki mappa wede an i ele sedefe a Raa, wo yode ti d'oñ a itadí an d'iimi*. Wo Raa y'an k'ize munda ye, ki too mañ kane an k'ede ye urzi an d'oomi me, oogiradinj t'ele urzi a d'oñ sedefe danjal†.»

⁵ Mañ Isa y'an di ruute, y'ede: «Nuñ wede an n'ehe aa ulo wede eñ, o d'ede urzi k'isiyo munda wede aa addó i dehu ekk'onniyo ere ki puukiyadinj te.»

Wedusu beezí unto
(*Matiye 12.9-14; Markus 3.1-6*)

⁶ A onniyo ere ki puukiyo Yawudiyagi ti doolo mañ, Isa yi-t'iide adda boy wede Yawudiyagi ge dooyiso, y'a iise dooyiso duwo. Adda boy geñ i d'ede wedusu soo injkino beezí wede k'ammade unto.

* **6:4 6.4** Kun wollo adda mattup ki 1 Samiyel 21.2-7. † **6:4 6.4** Kun wollo adda mattup ki Lebitik 24.9.

⁷ Kane donj suuniyo k'oogoro ti Pariziyen, an dehu an t'oone urzi an di sakiya Isa, kono kamo an di woliyo koomadi, a onniyo ere ki puukiyo Yawudiyagi a wede yi-t'ela beeko ko?

⁸ Wo yo Isa yi suune elkisadan te, injino man yi di ruute a wede beezí unto genj, y'ede: «Kee ki t'oozo, ki t'ôhor a daana d'uwu pay kino.» Man wede y'a t'iiziga, y'a t'ihira a umayí genno.

⁹ Sanj Isa y'an di ruute, y'ede: «N'un di'n tondo do, oogiradinj t'ele urzi k'isiyo ki moo me a onniyo ere ki puukiyadinj te? A wedusu ki-d'ise beehiye kunun, ki-d'ise ulsu ko? Wedusu k'a y'utte kunun, k'a yi t'ide ko?»

¹⁰ Aame genj kane donj pay Isa yi di'n woliyo adda k'edayan, wo sanj yi di ruute a wede genj, y'ede: «Beezá ki y'ondo.» Manj y'a y'unde, wo beezí a t'ikkima.

¹¹ Wo kane donj suuniyo k'oogoro ti Pariziyen genj addan a ûune ti kulkuwo, an di rootiyto ti tuddan a munda wede an aane an i d'ise a tukk'Isa genj me.

Beeriyo donj zina k'Isa

(Matiye 5.1; 10.1-4; Markus 3.13-19)

¹² Aame genj sanj Isa y'a-gili k'ekki kesse kono y'a tonde Raa, wo diddo y'a-t'umpile pay ti tondiyoo Raa.

¹³ Aame ume i t'umpile manj, Isa y'a wiike sanalliyagi, wo yi biire ti diinayan donj koomat makumu sire y'anni wiike sundan donj zina.

¹⁴ Kane sumbiyaganj: Simo wede Isa y'a yi wiike sundi soo te Piyer, wo leemadi Andire; Zak, Zan, Pilip, Bartelemi,

15 Matiye, Toma wo Zak ulo k'Alpe; Simo wede an yi waaku wede addí wehini kono siifadí me;

16 Ziidas ulo ki Zak, wo Ziidas Iskariyot wede saŋ y'a t'owila Isa.

17 Saŋ maŋ t'ekki kesse Isa ti kane doŋ yi biire an di d̄iigo ki bere wede ekki kesse geŋŋo batum, a ume wede sanalliyagí doŋ baadaŋ an t'ugiyē. A ume geŋŋo toŋ i d'ede doŋ duuru baadaŋ an iido ti siido Ziide pay, ti geeger Zeruzalem, wo ti geeger Tir ti Sidon doŋ a biza bar.

18 Kane an iido kono an dehu an di y'olliga wo y'an t'ele beeko a endanzaŋ. Wo kane doŋ siitandani an'ni dabirsa geŋ, y'an d'ele beeko.

19 Kane doŋ duuru pay an dehu an di botte tudde k'Isa, kono toogo i d'ad̄fiya ti tuddí, an d'ooniyo beeko pay.

*Uŋsuwo wo dabar
(Matiye 5.1-12)*

20 In̄kino maŋ Isa y'a zibbe edayí k'ume sanalliyagí wo y'a ruute, y'ede:

«Uŋsuwo a kune doŋ un k'ede munda ye, kono Moziko Raa tod'te ki kune.

21 Uŋsuwo a kune doŋ aŋken̄ŋo mosogo t'unni t̄owwo,

kono saŋ maŋ ombo t'un di'n pildfey.

Uŋsuwo a kune doŋ aŋken̄ŋo kun m̄olo, kono saŋ maŋ kun di koobitey.

22 Uŋsuwo a kune aame d̄uwo an un olmidē, an unni koogire, an unni kaldita wo an un rootiyto ono doŋ ulpi a eggun, kono kun ziipe addugun a nuŋ wede an n'ehe aa ulo wede eŋŋo.

23 Aame suldfi geŋ an iina maŋ, kune ulbuguŋ un iso uŋse wo kun oldfito uŋsuwo k'awwa, kono munda wede Raa yi dehu y'un t'eley geŋ, yoŋ baadaŋ y'unni delliyo a kandaane. Geŋ inkiŋo kay kane maawaŋ an'ni dibire nebiyagi d'oŋ ti kaaga me.

24 Wo de dabar a kune d'oŋ bey, kono uŋsuwaguŋ kun t'uune baa.

25 Dabar a kune d'oŋ aŋkenŋo ombo t'unni palda, kono saŋ maŋ mosogo t'un di'n t'idey. Dabar a kune d'oŋ aŋkenŋo i koobiyto, kono saŋ maŋ kun di lekkey adda m'olo wo kun d'oley ti zumari a edaguŋ.

26 Dabar a kune aame duwo pay an unni tamma maŋ, kono geŋ inkiŋo kay kane maawaŋ an ize ti d'oŋ an ti t'isiyo tuddaŋ aa nebiyagi.»

Geyyiso d'oŋ k'aduguŋ
(Matiye 5.39-47)

27 «Wo n'un di rooto a kune d'oŋ i n'ollige: Kun geyyo kane d'oŋ ti kune adu, kun an iso beehiye a d'oŋ unn'olmide me.

28 Kun zaapo beeko a d'oŋ unni duudiyto, wo kun tondo Raa kono d'oŋ i rootiyto ono ulpi a tukki kune.

29 Aame wede yi ki diiŋe a tofbiŋa ki bita maŋ, ki kama tofbiŋa ere soo toŋ maŋ y'a ki ti daaŋa. Aame wede yi t'umbe kallayá wede goole maŋ, ki-oolo kallayá wede ŋeŋku t'adda toŋ y'a t'ambo pây.

30 Wede tuuku yi tonduyo munda ti beezá maŋ, ki eelo, wo aame wede yi t'umbe mundazá maŋ, ki y' tonda ye.

31 Munda wede kun dehu ɗuwo an un d'ise geɗ, a kane toɗ kun an iso injkino kay.

32 Aame kun geyyiso ɗoɗ unni geyyiso ɗaɗɗal maɗ, sundugun ede ɗey ko? Derec, ɗoɗ k'oldiko toɗ kane an geyyiso ɗoɗ an'ni geyyiso kay.

33 Wo aame kun isiyo beehiye a ɗoɗ unn'isiyo beehiye ɗaɗɗal maɗ, sundugun ede ɗey ko? Derec, kane ɗoɗ k'oldiko batum toɗ an isiyo injkino kay.

34 Aame kun eliyoo see a wede kun elkiyo y'un yi kima ɗaɗɗalaɗ maɗ, geɗ sundugun ede ɗey ko? Derec, ɗoɗ k'oldiko toɗ kane an eliyoo see a ɗoɗ k'oldiko ɗoɗ aana an yi kima.

35 Wo ki too maɗ kun geeyoo kane ɗoɗ ti kune adu, kun an iso beehiye, kun an elo see me wo kun zaape addugun eego ye aame an un ki y' gime ye toɗ maɗ. Injkino maɗ munda wede Raa yi dehu y'un t'eley geɗ yoɗ baadaɗ, wo kun t'isey inɗi ki Raa goole a jiire pay. Derec, yoɗ wede beehiye a ɗoɗ i ki rootiyo koɗuwo a yode ye, wo a ɗoɗ bundidi pây.

36 Kun t'iso ɗoɗ i wolleiyo sommagi ɗuwo, aakede Meegugun Raa toɗ yi wolleiyo sommagi ɗuwo.»

Ki ɗekke booro a tukki bakadâ ye

(Matiye 5.48; 7.1-12; 15.14; 10.24-25; 7.3-5)

37 «Kun ɗekke booro a tukki wede tuuku toɗ maɗ ye, geɗ Raa toɗ yi ki ɗekka booro eggun ye. Kune ɗoɗ oɗoɗ kun i seeda ti booro ye, geɗ booro Raa toɗ t'un ki'n seeda ye. Kun oyyo isiyo tambobino a wede tuuku toɗ maɗ, geɗ Raa toɗ y'un t'isa tambobino.

³⁸ Kune a wede tuuku toŋ kun i elo, geŋ Raa toŋ y'un t'eela. Y'un t'eela baadaŋ adda mundaguŋ boo, sokkiyo wo a pildita. Derec, dooziyo ere kun dooziyo a duwo gette, Raa toŋ y'un ti dooza a kune inŋino kay.»

³⁹ Isa y'an di ruute ono ombide sey, y'ede: «Kun ollo, wede koosiyo'ŋ bakadí koosiyo yi y'arkide ko? Para maŋ sirwaŋ pay an di silditi adda k'olde.

⁴⁰ Sanallusu geŋ, yoŋ t'ekki wede dooyisadí ye, wo de wede tuuku yi-duuye beehiye maŋ, y'a t'ise aa wede dooyisadí.

⁴¹ Ki moo me ki woliyo uŋumu wede adda k'ersa leemadá, wo undumu wede adda k'ersa kee, ki gi di y'owwiyo ye me?

⁴² De mummino k'a aane ki di roote a leemadá, k'a t'eese: “Leema ki nuŋ, k'oolo n'a di t'ambo uŋumu wede adda k'ersadá eŋŋo”, wo undumu wede adda k'ersadá, kee batum ki ki y' woliyo ye me? Kee wede biza sire sire, ki t'ambo undumu wede adda k'ersadá doo, inŋino k'a wolla kereŋ, saŋ k'a t'amba uŋumu wede adda k'ersa leemadá kollo.»

Undumu ti inŋizí
(*Matiye 12.33-37; 7.16-21*)

⁴³ «Undumu wede beehiye'ŋ, inŋi ulpi yi ki t'ehe ye, wo undumu wede ulsu toŋ, inŋi beehiye yi ki t'ehe ye.

⁴⁴ Undumu tuuku toŋ ki y' suune t'urzi k'inŋizí. Geŋ inŋino inŋi tormo ki ki rakke ye ekk'undumu k'ahimagi me, wo inŋi k'inda biŋ ki ki rakke ye ekki woskani me.

⁴⁵ Wedusu wede beehiye’η, beehiyko t’ettiyo ti suldi dɔŋ beehiye y’ukume adda k’addí, wo wedusu wede ulsu’η, munda ulsu y’ettiyo ti suldi dɔŋ ulpi y’ukume adda k’addí. Derec, munda wede wedusu y’okumso adda k’addí geŋŋo adfiya ti bizi me.»

Boydí sire
(*Matiye 7.24-27*)

⁴⁶ «Ki moo me kune kun di n’ waaku “Galmeegey, Galmeegey”, wo kun ki t’isiyo ye munda wede n’un rootiyo me?

⁴⁷ Wede tuuku y’ettiyo ki tuddó, y’ollige onamó wo yi sooru eego maŋ, nuŋ n’un di roote yoŋ geŋ yi deeyiso aa wee wee.

⁴⁸ Yode geŋ yi deeyiso aa wede y’oozige boy. Yoŋ geŋ yi d’ittiba olde sohuru wo ita boy y’a di ziipe eego paŋgiragi. Kuyyo ti gilo wo ooye y’a ûune i palɔita waawiye. Bormo gette t’a ŋiiya boy geŋŋo wo toŋ maŋ y’a k’iddira ye, kono boy geŋ oozigayí koduwo.

⁴⁹ Wo de wede y’ollige onamó wo yi ki sooru eego ye maŋ, yoŋ geŋ yi deeyiso aa wede y’a t’iiziga boy a siido daa ki zaapu k’ita boy. Ooye y’a ûune i palɔita waawiye. Bormo gette t’a ŋiiya boy geŋŋo, wo a kaamiki boy a ruuge, a ŋulile pay.»

7

Zaapu k’adde ki goole k’asigiryagi
(*Matiye 8.5-13; Zaŋ 4.46-54*)

¹ Aame Isa onamí a dɔŋ duuru y'a ti'n dɛnge pay maŋ, y'a t'iiziga y'a ingile geeger Kaper-nayim.

² A ume geŋ i d'ede goole k'asigiryagi meeda ki Romen, yoŋ i-d'ede wede naabo yi y' giyye baadan wo yi-t'iire eeni y'unto.

³ Aame goole k'asigiryagi geŋ y'illiga taaya k'Isa maŋ, yi d'igibe dɔŋ i dokkiyo Yawudiyagi miibi ki tukki yode, an i-d'obo bey kono y'a ette y'a uttey wede naabadí.

⁴ Kane deero geŋ an iiney a sirpa k'Isa maŋ, an i-d'iise obe bey an koddime, an'de: «Wede eŋ, y'iide kee k'a ette k'a di y' noogey,

⁵ kono yoŋ geŋ siidadey yi ti giyye, wo boy wede in di dooyiso toŋ ay iiziga yode.»

⁶ Inkino maŋ Isa an di giyye ti kane kaŋ soo, an d'ingile. Aame yoŋ y'iiney goppon ti boy maŋ, goole k'asigiryagi meeda yi d'igibe lanziyagi, an i-di ruute, an'de: «Goolayey y'ede: Galmee'ki nuŋ, kee ki naate ye, kono nuŋ ni k'iide ye k'a ette ki boozó me.

⁷ Geŋ kono k'in kino ni wulle tuddó maŋ, nuŋ batum o k'ede urzi n'a k'ette ki tuddá ye. Wo tin geŋ miŋ ki rooto munda soo kono wede naabadó y'a t'oone bee.

⁸ Inkino nuŋ batum n'ottilso a dɔŋ deero t'eedó, wo i d'ede asigiryagi dɔŋ nuŋ goole t'eedaŋ. Aame ni rootiyo a wede soo: "K'odo!" maŋ, geŋ yi d'en gilso. Aame ni rootiyo a wede doolo: "K'edi!" maŋ, geŋ yi d'ettiyo. Wo aame ni rootiyo a bulayó: "Naabo ette ki-t'iso!" maŋ, geŋ yi-ti t'isiyo.»

⁹ Aame Isa y'illiga ono geŋno maŋ, y'a ziifá

giggirí kono yode geŋ me, wo y'a-gime ki tukki dŋŋ duuru dŋŋ i yi daaniya, y'an di ruute, y'ede: «Kun ollo, n'un di rooto: Adda siido k'Izirayel batum toŋ, ni k'uune ye wede a zaape addí a Raa aa yode kino eŋ me.»

¹⁰ Wo kane dŋŋ zina an di-gime ki boy, an iide maŋ an y'uuneŋ wede naabo y'uune bee.

Baldíya k'ulo obulsu ki mandaayawa

¹¹ Saŋ maŋ tiŋ geŋ Isa y'a iŋgile ki geeger sundutú Nayin, sanalliyagí ti dŋŋ duuru baadan an di y' daaniya.

¹² Aame y'iineŋ gopponŋ ki biza bumbu ki geeger gettiyo maŋ, an a-t'ikkima ti dŋwo an t'ette ottibe nuune k'ulo obulsu ki mandaayawa yoŋ soo d'añjal y'inda. Wo dŋŋ baadanŋ ti geeger gette a itatú.

¹³ Aame Galmeega yi wulle erewo gettiyo maŋ, i di t'ize sommagi, wo yi di ruute, y'ede: «Koŋ m'anna, m'ôole ye.»

¹⁴ Saŋ y'a d'iide gopponŋ ki sirpa saŋgali y'a-butte, maŋ dŋŋ i sarkiya an t'ihira, wo Isa y'a ruute, y'ede: «Ulo ki nuŋ n'a di rooto, ki t'onno!»

¹⁵ Maŋ wede inda y'a t'iizi, y'a-guune, y'a iise rootiyto, wo Isa yi di y'ele a meedí.

¹⁶ Kane dŋŋ pay orgiso t'anni ziidfa, wo an tamma Raa, an'de: «I udfdo nebi goole a diinayin, wo Raa y'ukko noogiyo dŋŋzí!»

¹⁷ Wo a munda wede Isa y'ize geŋ, rabiladí a-tiipe adda siido Ziide pay, wo ti siidiyagi pay dŋŋ i ti dŋwo.

*Doŋ zina ki Zaŋ Batis
(Matiye 11.2-6)*

¹⁸ A sulfdi donj pay ize genj, a goolayanj Zanj Batis sanalliyagi an i-di t'iide taaya. Manj yonj yi wiike donj sire ti diinayanj,

¹⁹ wo y'an igibe ki tukki Galmeega kono an ti y' tondo: «Kee minj Almasi Raa yi biire, sanj a etto ko? Kununj ay di dello wede doolo ko?»

²⁰ Aame an iiney a sirpa k'Isa manj, an i-di ruute, an'de: «Kaye Zanj Batis y'ayn'igibo kono ay ki ti tonde: "Kee minj Almasi Raa yi biire, sanj a etto ko? Kununj ay di dello wede doolo ko?"»

²¹ A ume genj minj Isa y'an d'ele beeko a donj k'eeni baadanj, donj kesiyaganj soo soo, wo donj an d'ede siitandani a eedanj, wo konzayi baadanj edayanj y'an di'n ihinte.

²² Sanj y'an di'n gime onamanj, y'ede: «Kun'do a Zanj, kun i-t'ododoy taaya a munda wede kun wulle wo kun illiga enj me: Konzayi an di woliyo kerenj, donj jekese an sooru beehiye, donj bitide an t'ize kamilenj, dunjiyagi an d'ollige, donj unto an di bilde, wo Rabila Majjaanawa an an gizite a donj an k'ede munda ye*.

²³ Wo unjuwo a wede y'a ziida zakidi kono nuuno bini danju!»

*Rootiyo k'Isa a tukki Zanj Batis
(Matiye 11.7-11)*

²⁴ Donj zina ki Zanj Batis an t'ingile manj, sanj Isa y'a iise rootiyo a donj duuru a tukki Zanj, y'ede: «Kun iide k'adda balda woliyo ki moo me? Ki wedusu wede aa alala ere maaye yi t'agisa gettiyo ko? Aha!

* **7:22 7.22** Kun wollo adda mattup ki Ezayi 35.5-6 wo 61.1.

²⁵ De inġkino kun iide wollojo ki moo me? Ki wedusu yi t'usse kallagi majjandani ko? Wo de kane doŋ ossiyo kallagi majjandani wo an lekkiyo togos geŋ, an lekkiyo adda boydī mozagi.

²⁶ De kun iide wollojo ki moo me? Ki nebi ko? Eyye, wo kun ollo n'un di rooto, yoŋ geŋ yi jiire nebi sey.

²⁷ Derec, ono eŋ an riije ti kaaga adda mattup ki Raa a tukki Zaŋ, an'de:

“Kun ollo, nuŋ n'a t'igiba wede zindó y'a ooguma ki poone ti kee,
y'a di t'okkimey urzizá†.”»

²⁸ Isa y'a ruute sey, y'ede: «Kun ollo, n'un di rooto, ti diine duwo doŋ pay erayi an ehe geŋ, wede aase goole a ceere Zaŋ umbo. Wo inġkino toŋ maŋ, wede yoŋ neŋku a jiire adda Moziko Raa geŋ, yoŋ goole yi jiire Zaŋ.

²⁹ Kane doŋ pay ti doŋ seddu jibaaye batum toŋ an di y'illiga, an di zuune Raa yoŋ ki diine, maŋ an d'iyye Zaŋ y'a ti'n zuyye batem.

³⁰ Wo kane Pariziyen ti doŋ suuniyo k'oogoro, an di giigira munda wede Raa yi dehu y'aase a kane me, maŋ an di-tuuge Zaŋ y'a ti'n suyye batem me.»

³¹ Isa y'a ruute sey, y'ede: «Doŋ ankeŋno eŋ n'a t'eese kane aa wee wee? An deeyiso aa wee wee?

³² Kane an deeyiso aa inŋni an ti guune a bere doŋ duuru, an di waakutu eebaŋ, an d'eesiyo: “Kaye ay un di biiha siraro toŋ maŋ, kun ki

† 7:27 7.27 Kun wollo adda mattup ki Malasi 3.1.

d'immira ye! Ay un d'ûure ôoro k'unto tonj maŋ, kun ki d'île ye!"

³³ Injino Zaŋ Batis y'iina geŋ, yi k'ombo mappa ye, toote k'inŋi biŋ yi k'iife ye, wo kun di rootiyo, kun'de: "Yonj i-d'ede siitan a eedí."

³⁴ Wo nuŋ wede an n'ehe aa ulo wede eŋ, n'iina maŋ ni d'ombo ni sobo, wo kun di rootiyo, kun'de: "Kun wollo, wede eŋ y'elkiyo miŋ a ombo ti sobo toote k'inŋi biŋ d'fanjal, yonj lanze ki d'onj sefdu jibaaye wo ti d'onj k'oldíko ongo."

³⁵ Wo Raa'ŋ suuniyo k'ono ere i d'ede, duwo an ti zuune tod'te ki diine t'urzi k'inŋizi pay.»

Isa ti erewo t'isiyo oldíko

³⁶ I d'ede wede soo injino yonj Pariziyen, y'a wiike Isa y'a oomey di yode. Isa y'a t'iide di wede geŋŋo wo an di-guune an d'oomi.

³⁷ I d'ede adda geeger gette, erewo sundutú ti môolo k'isiyo k'oldíko. Aame t'illiga Isa an ti guune ombo di wede Pariziyen geŋŋo maŋ, ti d'umbo ulo dingile an ikkima ki mukkolo sundutú albaatir, adda egey d'onj eediyadanj unse.

³⁸ Ti-t'iide dar k'Isa a ume zondí wo t'a iise môolo, zondí t'a ti'n zuyye ti zumartú, t'a ti'n zippite t'ilaltú, ti-d'ize puuc a zondí i-kaza ottilsatú baadanj a yonj me, wo ti di yirgite egey geŋ a zondí.

³⁹ Aame yo Pariziyen wede i wiike Isa yi wulle injino maŋ, y'a ruute t'adda k'addí, y'ede: «Aame wede eŋ yonj nebi ki kotto maŋ, y'a ti suune erewo ere i y' butte gettinj wee te, tod'te ere an ambu sundutú k'isiyo k'oldíko.»

⁴⁰ In̄kino Isa y'a t'ihina bizí, yi di ruute a Pariziyen, y'ede: «Simo, nuñ oo ede ono n'a di ruote.» Mañ yi di'n gime onamí, y'ede: «Wede dooyiso, ki rooto.»

⁴¹ Isa y'a ruute, y'ede: «I d'ede don̄ sire, an i di kime son̄ko ki wede y'an ele see. Wede son̄ yi di-kime tamma meeda paat, wo son̄ tamma ada paat.

⁴² Aakede kane an k'iine kamatú ye gen̄, wede y'an d'ize beeko, sirwan̄ pay seezan̄ y'an di y'íide. Kane don̄ sire gen̄, wede a yi geyye a di ceere tuuku me?»

⁴³ Simo yi di'n gime onamí, y'ede: «A elkiyadó mañ, yi ize beeko a wede seezī baadan̄ a jiire wo yi-di y'íide gen̄no.» Isa yi di ruute, y'ede: «Ono gen̄ ki ti'n dikke d̄erec.»

⁴⁴ Mañ Isa y'a-gime ki tukk'erewo gettiyo, wo yi di ruute a Simo, y'ede: «Erewo ette ki ti woliyo d̄e'ñ? Nuñ ni-t'íido adda boozá wo ahu ton̄ k'o k'eele ye k'opilso zon̄dó me, wo d̄e tod' t'o t'upile zon̄dó ti zumartú wo t'a zippite t'ilaltú.

⁴⁵ Kee ki ki n' ziid̄a yop k'o k'ize puuc a tobbisadó ye, wo d̄e tod'te t'ume n'iina gen̄ miñ, ti k'iili ye k'isiyo puuc a zon̄dó me.

⁴⁶ Kee egey k'in̄ni k'olibiyee a eedó k'o ki yirge ye, wo tod' t'o di yirgite egey don̄ eediyadan̄ un̄se a zon̄dó.

⁴⁷ Kono kamo n'a di rooto: geyyiso ere baadan̄ t'ize gette i-kaza t'oldíkatú ere baadan̄, tod' t'uune tambobino. Wo a wede ooniyo tambobino k'oldíkadí baata gen̄, yi geyyiso ton̄ baata kay.»

⁴⁸ In̄kino mañ Isa yi di ruute a erewo, y'ede: «Oldíkadí ni t'ize tambobino.»

⁴⁹ Kane d'ofɔŋ i-guune omb'o ti yode'ŋ, wede son yi d'elkiyo adda k'addí k'addí, an'de: «Ita d'ofɔŋ kino eŋ miŋ ti too me, isiyo tambobino k'oldiko toŋ yi d'aaniya me?»

⁵⁰ Wo Isa yi di ruute a erewo, y'ede: «Kono koŋ mi ziipe addí a nuŋ geŋ, m'utte m'aaho ti toose.»

8

Erayi d'ofɔŋ i daaniya Isa

¹ Saŋ maŋ tiŋ geŋ Isa y'a t'iiziga, yi d'ettiyo geeger ti geeger wo ille ti ille, yi kazita Rabila Majjaanawa ki Moziko Raa. Kane sanalliyagid'ofɔŋ koomat makumu sire geŋ a itadí,

² ti erayi miibi d'ofɔŋ y'an ilmito siitandani wo y'an d'elo beeko a endanzaŋ. Kane erayi geŋ Mariyam ere an ti waaku Mariyam ti siido Magdalla, tode ere yi d'ilmo siitandani sarat t'ettú,

³ Zane ere ki Kuuza wede i yeeriyo boy ki mozigo Erod, Suuzan wo erayi d'ofɔŋ ti doolo toŋ ede baadaŋ, kane geŋ an di noogiyo Isa ti sanalliyagí ti beezaŋ.

Ono ombide t'urzi wede korso (Matiye 13.1-9; Markus 4.1-9)

⁴ Ti geeger ere tuuku toŋ, d'ofɔŋ baadaŋ an d'iide tukk'Isa, an di-t'ugiye. Maŋ y'an di'n duuye t'ono ombide eŋŋo, y'ede:

⁵ «I d'ede wedusu soo iŋkino yi t'iide korso buzuní k'adda doomizí. Aame yi sakkisa geŋ, buzu oŋgoŋ a-zilditi a urzi, d'uw'o an aa t'inyilse wo embi an aa di tibbe.

6 Buzu ongon son a-zilditi a ume t'adda'n pangiragi. Kane gen i t'udde man, a biiha kono kuyyo umbo.

7 Don son a-zilditi adda k'ahimagi, kane gen a t'udde wo ahimagi an iiziga man, an di'n ippe.

8 Don ongon son a-zilditi a siido ere beehiye, kane gen a t'udde, an d'ihira wo an d'ehe: ulo muduso soo y'a ehe inni meeda meeda.» Man Isa y'a ruute ti golla awwa, y'ede: «Wede i-d'ede kuwwa k'ollige man, y'ollo koduwo!»

*Oodibe k'ita a urzi k'ono ombide
(Matiye 13.10-23; Markus 4.10-20)*

9 Kane sanalliyagi k'Isa an di y' tunde, an'de: «Ono ombide gen i-kaza moo me?»

10 Yon y'an di'n gime onaman, y'ede: «A kune'n Raa y'un ele suuniyo ki suldi don ombide ki Moziko Raa te, wo a don ongon suldi gen an an rootiyto'n t'ono ombide. Inkinno kane'n an di woliyo, wo munda an ki y' woliyo ye, an d'ollige, wo ono itadan an ki ti suuniyo ye.

11 Kun ollo, ette ita k'ono ombide: Buzu gen, i-kaza ono Raa.

12 Buzu wede i zilditi a biza k'urzi gen, i-kaza duwo don ollige ono Raa. San Meeda siitandani t'ettiyo, ono Raa t'adda k'addan ti t'oddipe kono an ki ti zaape addan a Raa wo an ki t'oone uttiyo ye.

13 Buzu wede i zilditi a ume wede t'adda pangiragi gen, i-kaza duwo don ollige ono Raa, kesiko an di'n seedu t'ulbe unse. Wo de ono sottadan ti ki ti deegu adda k'addan ye, an di zaapu addan ki peedo boolon, wo aame i aaniya

naamiya munda maɗ, urzi zaapu k'addaɗ a Raa an d'ooliyo.

¹⁴ Buzu wede i zilditi adda k'ahimagi geɗ, i-kaza d'uwu d'ɗɗɗ ollige ono Raa, wo de saɗ elkisito, dehuu k'urzi maala wo uɗsuwo lekkiyo duniya i ceeriyo eedaɗ. Inkiɗo an ki d'ohire ye a urzi Raa me.

¹⁵ Ki d'angu buzu wede i zilditi a siido ere beehiye'ɗ, i-kaza d'uwu d'ɗɗɗ ollige ono Raa t'adde tasse wo beehiye. Ono Raa an di'n boohiyo, an seedu zakidi an d'ohire a urzi Raa, an aa d'ooniyo eebaɗ ti doolo.»

Ono ombide a tukki pitila
(Markus 4.21-25)

¹⁶ «Wenda soo toɗ y'a t'oyye pitila kono y'a-t'ossibe bogoro, ise yi-ti t'ele a ita k'onɗali umbo. Ki too maɗ y'a d'odde t'awwa kono d'ɗɗɗ ette k'adda biino an di wolle toore.

¹⁷ Suldi d'ɗɗɗ pay ombide'ɗ, saɗ onniyo soo a t'oodiba ita, wo ono d'ɗɗɗ i ki dehu d'uwu an k'olliga ye geɗ, saɗ onniyo soo an di'n olliga, a t'adde a toore.

¹⁸ Inkiɗo maɗ kun koona mentikagi a urzi k'ollige geɗ me. Derec, a wede i-d'ede'ɗ, an i-t'eela t'eego, wo de a wede i-k'ede ye geɗ, mundaɗi wede boolon y'elkiyo yi t'oona toɗ, an i-t'amba.»

Mekk'Isa ti zembadi
(Matiye 12.46-50; Markus 3.31-35)

¹⁹ Mekk'Isa ti zembadi an t'iide an di y' t'ooney, wo kane an k'aane ettiyo k'ume yode ye kono d'uwu baadaɗ.

20 Duwo an i-di ruute a Isa, an'de: «Meedá ti zembadá kane ti paate, an dehu an ki ti wolle.»

21 Wo de Isa y'an di'n gime onaman, y'ede: «Meedó ti zembadó, kane donj ollige ono Raa wo an sooru eego.»

*Isa toogo i jire maaye baadan
(Matiye 8.18,23-27; Markus 4.35-41)*

22 Onniyo soo Isa ti sanalliyagi an di gili adda tooko, man y'an di ruute, y'ede: «In ti doopo'ŋ ti dar bar* ti nee.» Wo kane an d'ingile.

23 Aame an doopide gen, Isa y'a udige kuy. A kaamiki, i d'iiziga maaye baadan adda bar, tooko i t'oniyo t'ahu, an t'ize oone kono t'an di ti'n sooyiso.

24 Kane sanalliyagi an a d'iide sirpadí, an di y'inne kanj d'ollite, an'de: «Wede dooyisadey, wede dooyisadey, kine in t'unto!» Man Isa y'a t'inne, y'an idfise maaye ti ahu donj i kolzite baadan gen me, wo a kaamiki maaye y'a ziida, ahu an t'udige defdek.

25 Sanj Isa y'an di ruute, y'ede: «Ki moo me kun ki zaapu addugun a nuuno ye me?» Wo kane orgiso t'anni ziida, an ziida giggiran wo an di rootiyto tuddan, an'de: «Yode enj moo wede me, kono yi di rootiyto a maaye ti ahu tonj an d'ollige onami me!»

*Eliyo beeko a wede i-d'ede siitandani a eedi
(Matiye 8.28-34; Markus 5.1-20)*

* **8:22 8.22** Bar gette tod'te a Galile, siidfo ere ti dar bar gette i lekkiyo kane donj Yawudiyagi ye.

26 Saŋ Isa ti sanalliyagí an d'iiney a siifó Gadara, tod'te ti dar bar ti nee a dfaana siifó Galile.

27 Aame Isa yi dfeegu ti tooko geŋ, i d'iide wedusu inŋino ti geeger gettiyo, y'iide'ŋ y'a y'ikkima. Yo wede geŋ i-d'ede siitandani a eedí, ti kaagine yi k'ossiyo kallagi ye, wo yi ki lekkiyo a boy ye, lekkiyadi adda diine muuziyagi.

28 Aame yi wulle Isa maŋ, y'a iise d'ollite, y'a iire zoŋdí wo y'a ruute ti golla awwa, y'ede: «Ki dehu moo a tukki nuŋ me, Isa Ulo ki Raa goole a jiire pay? Ni ki ton-diyo, ki ni dabire ye.»

29 Yi ruute inŋino kono Isa yi ruute siitan: «Mi t'adfo ti tukki yode me!» Siitan gette taŋ baadaŋ ti-ti y' sedfdiyo a siifó. Inŋino maŋ beydí an di kettiso ti zinŋiri wo zoŋdí an t'eliyo adda poole, kono y'a-koone umayí soo, toŋ umbo yi-ti dambu, siitan t'a-di d'enŋilso k'adda balda.

30 Isa y'a yi tunde, y'ede: «Kee sundá wee wee?» Wede geŋ yi di'n gime onamí, y'ede: «Nuŋ sundó Doŋ Duuru.» Yi rootiyo inŋino kono siitandani a eedí baadaŋ.

31 Wo kane siitandani an i d'obe bey a Isa, kono y'an gi di roote an ki d'enŋile k'adda k'oldfe wede aakede buldfume ye.

32 A ume geŋ i d'ede torfo meeda ki kinzir an elso ekki kesse. Kane siitandani an i d'obe bey a Isa kono y'an t'ele urzi an t'ette adda kinzirdari geŋŋo, maŋ y'an d'iyye.

33 Inŋino siitandani t'ekki wede geŋ an t'udfe, an t'iide adda kinzirdari. Wo torfo gette t'awwa t'ekki kesse t'a zide okko, kinzirdari an t'ibi adda bar, an t'inda adda k'ahu.

³⁴ Aame kane donj k'elso an wulle munda wede ize genno man, an d'ukke wo an an t'iide taaya a donj adda geeger wo a donj i lekkiyto a dombi pay.

³⁵ Duwo gen an t'uddito wolliso ki munda wede ize. An iina a sirpa k'Isa man, an y'uuna wede i ede siitandani a eedi wo an t'ufde gen, yon yi-guune a ume zon k'Isa, yi t'usse kalle wo eedi t'iido. Injino kane gen orgiso t'anni ziida.

³⁶ Kane donj i wulle munda wede ize, an an t'iide taaya kan mummino wede i-d'ede siitandani a eedi y'a y'utte me.

³⁷ Injino man kane donj siido pay an i-di ruute a Isa ti siidadan y'a engile, kono orgiso ti'ni ziida baadan. Man Isa yi-ti gili adda tooko, y'a engile.

³⁸ Wede i ede siitandani a eedi wo an t'ufde gen, yi tondiyo Isa kono y'a lekke ti yode, wo Isa y'a y'igibe, y'ede:

³⁹ «Ki-kama di kee wo k'an t'odoy taaya a suldi donj pay Raa y'ize a kee gen me.» Man wede y'a-gime, y'an di-gizite a donj geeger suldi donj pay Isa yi ize a yode gen me.

*Eliyo beeko a erewo wo baldiya k'uto Zayiris
(Matiye 9.18-26; Markus 5.21-43)*

⁴⁰ Isa yi-gimo ti dar bar t'inno man, donj duuru an di y' ziida bey sire kono kane pay an yi delliyo.

⁴¹ Aame gen i d'iina wedusu sundi Zayiris, yon goole boy wede Yawudiyagi ge dooyiso. Y'a iido, y'a iire a zon k'Isa wo yi-d'obe bey y'a ette di yode,

⁴² kono i-d'ede uti tinj soo danjal, ozzinatú ette suma koomat makumu sire, tuddutú eeni t'unto.

Aame Isa y'ette di yode geŋ, dŋŋ baadaŋ an di y' ŋayyu t'ennŋ t'ennŋ.

⁴³ Ti diine dŋŋ duuru i d'ede erewo soo iŋkino ti dabirsa, puuzo obite t'itatú îide ozzine koomat makumu sire. Beytú t'a zikkuwe pay a dŋŋ daawiya, wo umbo wenda soo toŋ yi ki ti diiwe ye.

⁴⁴ Tod' ti-t'îide ti dar k'Isa, t'a-butte bize kallayí. A kaamiki yip obite puuzo a îhira.

⁴⁵ Isa y'a tunde, y'ede: «Wee wee i ni butte me?» Kane pay an di ruute, an'de: «Nuuno ye, nuuno ye.» Maŋ Piyer y'a ruute, y'ede: «Wede dooyisadey, kee dŋwo an ki ŋayyu t'ennŋ t'ennŋ.»

⁴⁶ Wo dŋe Isa y'a ruute, y'ede: «Derec, nuŋ wenda yi ni butte, kono n'a uwwwe toogo a udfŋe ti tuddó.»

⁴⁷ Erewo t'uwwwe maŋ Isa yi ti zuune, iŋkino to t'a iire zoŋdí ti ŋoŋŋirso burbur. A dŋaana dŋŋ duuru geŋ ti di t'îide taaya, ki moo me ti y' butte wo mummino a kaamiki t'a uune bee me.

⁴⁸ Wo dŋe Isa yi di ruute, y'ede: «Úto ki nuŋ, kono koŋ mi ziipe addí a nuuno geŋ, m'utte m'aaho ti toose.»

⁴⁹ Aame Isa y'a ti rootiyto iŋkino geŋ, wede zina y'okko ti di goole boy wede Yawudiyagi ge dooyiso, wo yi di ruute a Zayiris, y'ede: «Utá t'a t'îhe, kee ki y' naate ye baa wede dooyiso me.»

⁵⁰ Wo ono geŋ Isa yi'n illiga, maŋ yi di ruute a Zayiris, y'ede: «Kee k'orgide ye, ki zaapo addá a nuuno dŋŋŋal, utá t'utta.»

⁵¹ Aame an iiney adda boy ki Zayiris maŋ, a dŋŋ duuru pay Isa y'an di-tuuge k'ettiyo k'adda

biino me, iide ti yode kane Piyer, Zan, Zak wo meek'uto ti mekk'uto danjal.

⁵² Kane duwo pay an d'ollite m'olo danjar kono k'uto. Injino man Isa y'an di ruute, y'ede: «Kun ôole ye. Tod' ti k'inda ye, ti moone moone.»

⁵³ Wo kane an di y'okko maade kono an zuune tod' t'inda me.

⁵⁴ Wo yo Isa gen yi ziida beytú, y'a ruute ti golla awwa, y'ede: «Uto ki nun, mi t'onno!»

⁵⁵ A kaamiki undutú t'a gimo wo t'a t'iiziga. Man Isa y'an di ruute, y'ede: «Kun i eelo ombo.»

⁵⁶ Kane maawutú an ziida giggiran, wo Isa y'an di ruute, y'ede: «A wenda soo ton kun i roota ye a munda wede ize en me.»

9

Agisa ki sanalliyagi kane koomat makumu sire (Matiye 10.1-9,11-14; Markus 6.6-13)

¹ Isa y'a-wiike sanalliyagi kane koomat makumu sire, y'an d'ele toogo wo urzi ki lommite siitandani don pay an t'ooney a daanadan, wo k'eliyo beeko a endani duwo.

² San man y'an igibe kazita k'urzi Moziko Raa wo k'eliyo beeko a don k'eeni,

³ wo y'an di ruute, y'ede: «Ki torguwagun munda a beygun kun amba ye, ise dalka, ise eese, ise munda k'ombo, ise sonko, ise wede tuuku ton kalle ki sirwe y'amba ye.

⁴ Aame kun t'iidey adda boy tuuku wo an unni ziidey man, kun di lekkoy angenno bini engilsagun t'ume genno.

⁵ Aame tuuku d'uwu an un ki'n ziidfey ye maŋ, a enŋilsaŋuŋ ti geeger gette, odde zoŋŋuŋ toŋ kun a ti tottigoy, geŋ i-kaza Raa ulbí uŋse ye ti kane me.»

⁶ Inŋino kane sanalliyagi an d'ingile, an d'ettiyo ille ti ille, an di kazita Rabila Majjaanawa wo an d'eliyo beeko a d'oŋ k'eeni a ume tuuku toŋ maŋ.

*Erod ulbí i oodfiyo kono suma k'Isa ti m'ôolo
(Matiye 14.1-2; Markus 6.14-16)*

⁷ Erod yoŋ wede goole yi dokkiyo siido Galile, y'a illiga taaya ki suldi d'oŋ pay isiyto geŋ me. Wo munda y'a roote yi ki suune ye, kono d'oŋ oŋŋoŋ an'de: «Zaŋ Batis yi bildo ti diine d'oŋ unto me.»

⁸ Oŋgo an'de: «I gimo ki siido nebi Eli.» Oŋgo soŋ an'de: «I bildo nebi soo ti diine nebiyagi d'oŋ ti kaaga.»

⁹ Wo Erod y'a ruute y'ede: «Zaŋ miŋ nuŋ batum n'an di ruute a asigiryagi an di-dikke t'eedi me. Wo de wede geŋ miŋ tuuku me, doo miŋ ni d'ollige yi d'isiyto suldi pay geŋ me?» Wo yi dehu urzi Isa y'a-ti y' wolle.

*Eliyo k'ombo a kuuli dupu paat
(Matiye 14.13-21; Markus 6.30-44)*

¹⁰ Kane d'oŋ zina k'Isa an ti gimo maŋ, an i-di t'fiide taaya a naabo pay ere an izo. Maŋ y'a ti'n wiike an d'ingile ti yode, an t'irga siidanŋ goppon ti geeger an ti waaku Betsayda.

¹¹ Wo kane d'oŋ duuru, umayi an di y'illiga wo an di'n diine. Aame d'uwu an iina maŋ, Isa y'anni ziida bey sire, y'an di gizite urzi Moziko

Raa, wo a dɔŋ i dehu beeko tuddaŋ y'an d'ele beeko.

¹² Peedo t'ette k'ooriyo maŋ, kane sanalliyagi koomat makumu sire, an a d'iide sirpa k'Isa wo an i di ruute, an'de: «Doŋ duuru eŋ ki'n agiba, an t'ette k'adda k'illiyagi ti boydi dɔŋ doome go-goppon eŋŋo, kono an di t'ooney ume moone ti ombo, kono kine eŋ adda balda.»

¹³ Wo Isa y'an di ruute, y'ede: «Ombo an eelo kune batum.» Maŋ kane an di ruute, an'de: «Kaye ay d'ede miŋ mappa paat wo puuni sire daŋŋal, koo ki dehu kaye batum ay d'ette ay d'owilo ombo a dɔŋ duuru pay eŋŋo maŋ.»

¹⁴ An ruute in kino kono kane dɔŋ duuru an t'iide kuuli suma dupu paat.

Isa y'an di ruute a sanalliyagi, y'ede: «Duwo eŋ kun ti'n kondita kaŋ ogiysito ada paat, paat.»

¹⁵ Kane sanalliyagi an t'ize aa y'an ruute, an ti'n gundite pay.

¹⁶ Isa y'a-ziki mappa paat ti puuni sire geŋŋo, y'a t'umbe edayi k'awwa ki kandaane y'a ruute koduwo a Raa kono k'ombo gette. Maŋ mappa ti puuni y'a burkite, y'an d'ele a sanalliyagi kono an an di-dokkida a dɔŋ duuru geŋŋo.

¹⁷ Kane pay geŋ an d'iimi wo an d'isse. Wo ombo ere uupite sanalliyagi an ti-tusse, a iide dappa koomat makumu sire.

Isa miŋ yoŋ wee wee?

(Matiye 16.13-21; Markus 8.27-31)

¹⁸ Onniyo soo Isa y'a t'irga siidi ti sanalliyagi, yi tondiyo Raa. Aame geŋ y'anni tunde, y'ede: «Doŋ duuru an rootiyo nuŋ wee wee?»

19 Kane an i di'n gime onamí, an'de: «Doŋ soŋ an'de kee Zaŋ Batis, doŋ oŋgo an'de kee nebi Eli, wo doŋ oŋgo soŋ an'de kee nebi ti diine nebiyagi doŋ ti kaaga i bildo me.»

20 Wo yoŋ y'an di ruute, y'ede: «De kune me, kun'de nuŋ wee wee?» Piyer yi di'n gime onamí, y'ede: «Kee Almasi Raa yi biire.»

21 Maŋ Isa y'an d'undirde kono ono geŋ a wenda soo toŋ an'ni ki roota ye.

22 Wo y'a ruute sey, y'ede: «Geŋ d'erec, nuŋ wede an n'ehe aa ulo wede eŋ, i dehu n'a dabirey baadaŋ. Doŋ i dokkiyo doŋziŋ, deero doŋ sedefe ti doŋ suuniyo k'oogoro pây an di n' kiigirey, duwo an di n' seedey an di n' t'idey, wo onniyo sire k'aduwe maŋ Raa y'a ti n' baldey.»

Urzi daaniya k'Isa

(Matiye 16.24-28; Markus 8.34-9.1)

23 Saŋ maŋ Isa y'an di ruute a doŋ pay, y'ede: «Wede yi dehu y'a daane urzi nuuno maŋ, tuddí batum y'a ti kiigira, onniyo ti onniyo ki unto toŋ y'a oyye y'a t'inda kono nuuno, wo y'a ni daane.

24 In'kino wede tuuku yi dehu boohiyo tuddí k'aggadí maŋ, y'a ti dagga, wo de wede tuuku y'ooliyo tuddí kono nuuno maŋ, y'a t'utta.

25 A wede kofuwatú moo me suldí duniya pay y'anni t'oone, wo tuddí y'a ti dagge ise y'a t'ettye k'ume daggiya me?

26 Aame wede y'isiyo sukiyagi a nuŋ wo a onamó maŋ, nuŋ wede an n'ehe aa ulo wede eŋ, aame n'etto ti daryikadó wo ti daryika ere ki Meegó wo ti ere ki maaleekiyagi doŋ kamileŋ

geŋ, nuŋ toŋ ni-d'isa sukiyagi kay a wede geŋ me.

²⁷ Derec inŋkino wo n'un di rooto: Doŋ ongoŋ ti diine kane doŋ ankenno eŋ an ki ti t'inda ki poone pay ye, an di wolla Moziko Raa te.»

*Ume k'eda k'Isa i-gime tuware kar
(Matiye 17.1-8; Markus 9.2-8)*

²⁸ T'ume Isa y'a ti ruutite onamí geŋ îide suma k'onniyo gessire maŋ, y'a-wiike ti yode Piyer, Zaŋ wo Zak, an d'inŋgile k'ekki mokkolo kono an tondey Raa.

²⁹ Aame yi tonديو Raa geŋ, ume k'edayí a-gime siidí wo kallagí a t'ize tuwardí kar.

³⁰⁻³¹ A ume geŋ a kaamiki, adda toore wede iido ti kandaane'ŋ i d'ede kuuli sire an rootiyto t'Isa, kane geŋ Muusa ti nebi Eli, an rootiso a urzi wede ki d'angu naabadí, y'a-t'indey a Zeruzalem.

³² Piyer ti eebí'ŋ kane an udige kuy. Wo aame an t'inne maŋ, kane an wolliyo toore adđiya ti tukk'Isa wo kuuli sire an t'ihira a sirpadí.

³³ Kane kuuli sire geŋ Isa an y'iili maŋ, Piyer yi di ruute, y'ede: «Wede dooyisadey, beehiye'ŋ kine in di lekke a enno! Ay un d'okkima daabagi ado, a kee soo, a Muusa soo, wo a Eli soo.» Wo yoŋ yi ki y' suune ye munda wede yi rootiyo geŋ me.

³⁴ Aame yi rootiyto inŋkino geŋ, i d'iido dondirso ti di'n ippe kane geŋ me. Aame dondirso ti ti'n ippe maŋ, orgiso t'anni ziidfa.

³⁵ Wo t'adda dondirso an d'illiga golla, t'ede: «Eŋ Ulo nuuno, yode wede ni y' biire. Kun y'ollo!»

³⁶ Aame golla ti rootiyto geɲ, kane an wolliyo'ŋ uupe Isa siidí danɲal. Kane sanalliyagi a munda wede an wulle an d'inniga d'eddek, aame geɲ munda a wenda soo toɲ an i ki ruute ye.

*Eliyo beeko a ulo i-d'ede siitan a eedí
(Matiye 17.14-18; Markus 9.14-27)*

³⁷ Soggo ti soohe an ti d'iige t'ekki mokkolo maɲ, aame geɲ d'ɔɲ duuru an t'iide okkime k'Isa.

³⁸ Maɲ ti diine d'ɔɲ duuru i d'ede wedusu, y'a idili, y'ede: «Wede dooyisadó, ni ki tondiyo, ki wollo sommagi k'ulo nuɲ, kono yoɲ miɲ soo danɲal.

³⁹ Siitan ti y'ambu maɲ, a kaamiki yi d'eesiyo d'ollite, y'a-ti zehiso bar bar wo bizí i d'adfiyta goopiyagi. Tod' ti di y' dabirsa baadaɲ wo ti dehu ti ki y'ooli ye.

⁴⁰ Nuɲ n'a tunde sanalliyagá kono an ti-limmi siitan gette, wo de kane an ki d'iine ye.»

⁴¹ Maɲ Isa y'a t'ihina bizí, y'a ruute, y'ede: «Kune d'ɔɲ ulpi wo kun ki ziipe addugun a Raa ye. Nuɲ ti kaagine ni lekkiyo ti kune, wo de a nuɲ kun ki d'umbe ye! Geɲ n'a ombiɲa ki da-daayum koo ti kune me? Ulá k'a edi keɲɲo.»

⁴² Aame ulo y'ette k'ume k'Isa geɲ, siitan gette t'a ti y' zidde a siido, y'a di zihite bar bar. Wo de Isa y'a t'idfise siitan te kono t'a t'adde ti tukk'ulo me, maɲ ulo'ŋ y'a uune bee, wo yi di y'ele a meegi.

⁴³ Wo duwo pay an ziiɗa giggiraɲ a toogo ere baadaɲ ki Raa gette.

*Ono k'Isa d'ɔɲ ki sirwe k'untadí
(Matiye 17.22-23; Markus 9.30-32)*

Aame kane pay an seedu giggiran botto a munda wede Isa y'ize geɗ, yoŋ y'an di ruute a sanalliyagí, y'ede:

⁴⁴ «Kune'ŋ kun ollo koduwo munda wede n'un roota eɗ me: Nuɗ wede an n'ehe aa ulo wede eɗ, an di n' t'eley a bey duwo.»

⁴⁵ Wo kane ono geɗ itadaɗ an ki'n suuniyo ye, i t'ize ombide inkiɗo itadaɗ an gi di'n suuniyo ye, wo Isa an i d'orgiso kono an di y' tonde a ono geɗ me.

Wee wee goole a jiire?

(Matiye 18.1-5; Markus 9.33-37)

⁴⁶ Kane sanalliyagi an d'iise rootiyto ti tuddaɗ kono an dehu an di suune, ti diinayaɗ miɗ wee wee goole a jiire me.

⁴⁷ Elkisadaɗ gette Isa y'a ti zuune. Inkiɗo maɗ yi wiike ulo ɗeɗku, y'a y'ihira a daanaadí,

⁴⁸ wo y'an di ruute, y'ede: «Wede tuuku yi seedu ulo aa yode eɗ bey sire kono y'umbe a sundó maɗ, geɗ aa yi seedu nuɗ batum. Wo wede tuuku yi seedu nuuno maɗ, geɗ aa yi seedu wede i n'igibo pây. Derec, yo wede ti diine kune pay eɗ yoŋ ɗeɗku a jiire maɗ, geɗ yode wede goole a jiire me.»

Wee wee yoŋ ki kune me?

(Markus 9.38-41)

⁴⁹ Maɗ Zaɗ y'a t'ihina bizí, y'a ruute, y'ede: «Wede dooyisadey, kaye ay di wullo wedusu soo inkiɗo yi lommitte siitandani ti sundá, wo ay di dihe ôhirayí kono yoŋ ti diinayey ye.»

⁵⁰ Wo Isa yi di'n gime onamí, y'ede: «Kun y'ôhira ye, kono wede adugun ye gen yon ki kune.»

Doŋ k'ille soo ki siido Samari an giigira Isa

⁵¹ Aame onniyo ere Isa y'a-kima ki kandaane aa guute goppon maŋ, y'a ziida zakidi y'a t'ette ki Zeruzalem.

⁵² Yi d'igibe doŋ zina an d'uugume poone. Kane an d'ingile, maŋ an t'iide adda k'ille soo ki siido Samari kono an i-di t'okkimey ume deeguzí.

⁵³ Wo kane doŋ k'ille gette an di-tuuge an di y' seeda me, kono yon y'ette ki Zeruzalem.

⁵⁴ Aame kane sanalliyagi Zak wo Zan an illiga injkino maŋ, an di ruute, an'de: «Galmeegey, kee ki dehu maŋ, ay tonde uwo ti kandaane t'a deego t'an uute mendaŋ?»

⁵⁵ Wo de Isa y'an gime, wo y'an di'n iipide. [y'ede: «Kune kun ki suune ye, unde ere tuuku un ede te.

⁵⁶ Derec, nuŋ wede an n'ehe aa ulo wede eŋ, n'iido'ŋ kono n'a ki dagge undiyagi duwo ye, wo n'an utte.»] Maŋ an d'ingile ki ille ti doolo.

Doŋ i dehu daaniya k'Isa

(Matiye 8.19-22)

⁵⁷ Aame kane a urzi gen, i d'ede wedusu soo injkino yi di ruute a Isa, y'ede: «N'a ki daana k'ume wede tuuku kee k'etta gen me.»

⁵⁸ Wo Isa yi-ti'n gime onamí, y'ede: «Boo ti boydfutu wo embi toŋ ti boydzan, wo de nuŋ wede an n'ehe aa ulo wede eŋ, oo k'ede ume ni ki ti t'ele eedó n'a-ki puuke ye.»

⁵⁹ Isa yi di ruute a wede doolo, y'ede: «Ki ni daani.» Wo wede geɗ y'a ruute, y'ede: «Galmee'ki nun, k'o eeli urzi n'a ette n'a t'ottibo meegó d'o.»

⁶⁰ Maɗ Isa yi di ruute, y'ede: «Ki'n oolo kane d'oɗ aa unto an d'ottiba tuddaɗ, wo kee k'engilo kazita k'ono ki Moziko Raa.»

⁶¹ Wede doolo sey y'a ruute, y'ede: «Galmee'ki nun, ni ki daana, wo de k'o eeli urzi n'a di t'eeso d'oɗ boozó d'o.»

⁶² Isa yi di ruute, y'ede: «Wede yi derku ti buɗgari wo y'a geld'e ki daari geɗ, yoɗ beehiykadí umbo ki Moziko Raa te.»

10

Naabo ki sanalliyagi k'Isa kane ada sarat makumu sire

(Matiye 9.37-38; 10.7-16; Markus 6.8-11; Lik 9.3-5)

¹ Saɗ maɗ tin geɗ Galmeeɗa yi biire sanalliyagi ti doolo, kane ada sarat makumu sire, wo y'an ikkipe sire sire, an d'uugume k'adda geegiryagi ti omagi pay d'oɗ yode batum yi dihe y'etta.

² Y'an di ruute, y'ede: «Kane d'oɗ duuru eɗ aa doome goole y'ize k'aydu, wo d'oɗ naabo baata. Injino kun tondo wede doome kono y'a-t'igibo d'oɗ naabo k'aydu.

³ Aɗken kun engilo! Kun ollo, n'un agisa eɗ aakede inɗi dambami k'adda diine sullibagi.

⁴ A beyɗuɗ soɗko kun amba ye, ise eese, ise tobiyagi ti doolo toɗ maɗ. A urzi wenda soo toɗ kun t'eesey ye.

⁵ Aame kun t'iidey adda boy tuuku mañ, ki poone kun d'eesoy: "Toose Raa ti koonaa adda boy enno."

⁶ Aame wede i dehu toose a ume geñ ede mañ, toose kune t'a koonoy eedí. Wo aame wede inokino umbo mañ, toose kune t'a-kamoy ki tuddugun.

⁷ Boy wede unni ziid'ey mañ, kun lekkoy angenno, kun d'oomoy, kun d'ooboy munda wede an un t'eley me, kono wede yi naabiya'n i-d'ede urzi y'a oomi ti bey don y'an naabiya. Kun dettitey boy ti boy ye.

⁸ Aame kun t'iidey adda geeger ere tuuku wo an unni ziid'ey mañ, kun oomoy munda wede an un t'eley me.

⁹ Adda geeger gette, kun an eloy beeko a don k'eeni, wo a don'tu kun an di rootoy, kun'de: "Moziko Raa t'iina goppon ti kune."

¹⁰ Wo aame kun t'iidey adda geeger ere tuuku wo don'tu an un ki'n ziid'ey ye mañ, kun d'engiloy bere don duuru wo kun an di rootoy a don pay, kun d'eesoy:

¹¹ "Kaye odde siid'agun wede a zond'ey ton ay un ti y' tottigo, geñ i-kaza Raa ulbí unse ye ti kune me. Wo geñ ono en kun'ni suuno koduwo: Moziko Raa t'iina goppon ti kune."

¹² Kun ollo, n'un di rooto, onniyo ere Raa yi dekka booro gette, kane don geeger Sodom booradan t'a koonaa soodo ti don ki geeger gettiyo.

¹³ Dabar a kune don geeger Korazen! Dabar a kune don geeger Betsayda! Derec, aame suldi

k'armika donj Raa y'ize di kune geɗ anki y'aase a geeger Tir ti Sidonj maɗ, anki ti kaagine donjan an t'ossite kallagi m'olo wo tuddan an aa di kosse puure, wo an di-kime lekkiyadanj.

¹⁴ Kono kamo onniyo ere Raa yi deƙka booro gette, kane donj geeger Tir ti Sidonj booradanj t'a koonna soodo ti ere ki kune.

¹⁵ Wo kune donj geeger Kapernayim, kun elkiyo minj Raa y'un ti'n sika k'awwa ki kandaane ko? Aha! Raa y'un ti'n deega adda diine donj unto.»

¹⁶ Isa y'an di ruute sey a sanalliyagi, y'ede: «Wede un ollige maɗ, geɗ aa y'ollige nuuno. Wede unni koogire maɗ, geɗ aa yi koogire nuuno. Wo wede i ni koogire maɗ, geɗ aa yi koogire wede i n'igibo.»

Kama ki sanalliyagi kane ada sarat makumu sire

¹⁷ Kane sanalliyagi ada sarat makumu sire geɗ an di-gimo ulbanj onniyo t'unj suwo, wo an di ruute, an'de: «Galmeegey, siitandani toɗ an ayn'ollige aame ay an rootiyo munda ti sundá maɗ.»

¹⁸ Isa y'an di ruute, y'ede: «Nuɗ ni wollejo Meeda siitandani, t'a iiro ti kandaane aakede omile mizzi.

¹⁹ Kun ollo, n'un ele toogo ere kun d'ozire t'ekki mimbayi, t'ekk'ottiyagi wo t'ekki toogo pay ere ki adu, wo munda un d'isa ulsu a kune umbo.

²⁰ Wo beehiye kune ulbugun un isiyo unse kono siitandani an un ollige, wo ki too maɗ beehiye a ceere ulbugun aase unse kono

sumbiyagun raaniyta adda mattup ki Raa a kandaane.»

*Isa ulbí unse
(Matiye 11.25-27)*

²¹ Aame genno batum, Isa Unde Kamilen ti di'n ûune addi t'unṣuwo wo y'a ruute, y'ede: «Mee'ki nuṅ, kee Galmee'ki kandaane ti siido, ni ki tamma kono suldi enj k'an di'n umbida a don suuniyo k'ono wo a don eedan soodo a elkiso gen me, wo k'an t'iidiba ita a don aa inṅi sunṅi. Eyye Mee'ki nuṅ, genj ki dihe suldi a t'ise inṅino.

²² Suldi pay Meego Raa y'o n'ele a beezó. Wenda soo tonj a suune Ulo umbo, i y' suune Meega danṅal, wo wenda soo tonj a suune Meega umbo, i y' suune Ulo wo ti kane donj Ulo yi dehu y'an t'oodiba itadi danṅal.»

²³ Saṅ maṅ Isa y'a-gime ki tukki sanalliyagi wo y'an di ruute a kane siidanj, y'ede: «Unṣuwo a kune a munda wede kun woliyo enno.

²⁴ Kun ollo, n'un di rooto, nebiyagi baadanj ti mozagi baadanj an dihe an di wolle munda wede kun woliyo enno, wo an gi di y' wulle ye. An dihe an d'olliga munda wede kun ollige enno, wo an gi di y'illiga ye.»

*Ono ombide a tukki wede beehiye ti siido
Samari*

(Matiye 22.34-40; Markus 12.28-31)

²⁵ Onniyo soo, wede suuniyo k'oogoro yi dehu yi-d'ekke ikka t'urzi k'ono a Isa. Inṅino maṅ y'a d'iide sirpadi, y'a yi tunde, y'ede: «Wede dooyisadey, n'aase moo me kono n'a t'oona lekkiyo ere ki daayum te?»

26 Isa yi di ruute, y'ede: «An riije adda mattup k'oogiradinj moo me? Moo me ki gariya adda me?»

27 Wede geɗ yi di'n gime onamí, y'ede: «An riije, an'de: "Ki geyyo Galmeega Raazá ti addá pay, ti undá pay, ti toogadá pay wo ti elkisadá pay*." Wo soɗ an'de: "Ki geyyo bakadá aa ki geyyiso tuddá batum†."»

28 Injino maɗ Isa yi di ruute, y'ede: «Onamá ki ni ruute geɗ d'erec. K'iso injino wo k'a lekka.»

29 Wo wede suuniyo k'oogoro yi dehu y'a t'okkima bizí, injino y'a tunde Isa, y'ede: «Bakadó wee wee?»

30 Isa yi di'n gime onamí, y'ede: «I d'ede we-dusu soo injino, yi d'eeɗu ti Zeruzalem y'ambe ki geeger Zeriko. Yo yi-t'iire bey doɗ d'ekkiyo k'urzi, sulfizí an t'uube pay, an di y' gusse, an di y'iili pulpul a siido wo an d'ingile.

31 Saɗ maɗ i d'iido wede seɗeɗe yi d'eeɗu t'urzi geɗɗo kay. Aame y'iina yi wulle wedusu kaɗ moone maɗ, y'a uɗɗe dokki ti yode, y'a ingile.

32 Injino kay i d'iido wedusu yoɗ ti biza bumbu Lebi y'iina a ume geɗɗo, wo aame yi wulle wede geɗɗo maɗ, y'a uɗɗe dokki ti yode, y'a ingile.

33 Saɗ i d'iido Samariten yi t'ette torɗuwo, y'a iina a ume geɗɗo kay. Aame yi wulle wede geɗɗo maɗ, i di t'ize sommagi baadaɗ.

34 Y'a d'iide goppon ki tuddí wo a kundayí yi d'ibiti egey ti toote k'inɗi biɗ, maɗ yi di gittite.

* **10:27 10:27** Kun wollo adda mattup ki Deeterenom 6.5.

† **10:27 10:27** Kun wollo adda mattup ki Lebitik 19.18.

Y'a di y'umbe eego buurizí, y'a-di t'iide k'adda k'ille wo y'a ti y' ziipe a ume d'eegu torgagi, y'a-t'udige d'ok.

³⁵ Soggo ti soohe maṅ, yi d'iidiba tamma sire, yi-d'ele a wede boy wo yi di ruute, y'ede: "Wede eṅ k'a-t'udigo d'ok a eedí. Wo soṅko ette a biita toṅ ki y'oola ye, aame ni-gimo maṅ, munda wede ki dagga kono yode geṅ, nuṅ batum n'a di y' t'ela."»

³⁶ Maṅ Isa y'a ruute sey, y'ede: «A elkiyadá maṅ, ti diine d'oṅ torguwo ado geṅ, wede tuuku baka ki wede d'oṅ k'oogire an yi gusse me?»

³⁷ Wede suuniyo k'oogoro yi di'n gime onamí, y'ede: «Bakadí wede i ize adde kofuwo a yode geṅṅo.» Inṅkino maṅ Isa yi di ruute, y'ede: «Geṅ k'odo, kee toṅ k'aasoy inṅkino kay.»

Isa yoṅ di Mariyam ti Marte

³⁸ Aame Isa kane ti sanalliyagí an sooru a urzi geṅ, an t'iide adda k'ille soo, a ume geṅ i d'ede erewo sundutú Marte tod' t'anni ziidá di tode.

³⁹ To Marte i-d'ede teematú sundutú Mariyam, tod' t'a-guune a sirpa zoṅ ki Galmeega ti d'ollige ono d'oṅ yi dooyiso.

⁴⁰ Marte gette naabo zigile i ti ziidá, t'a d'iide k'ume k'Isa ti di ruute, t'ede: «Galmee'ki nuṅ, kee a-ki kaza munda ye koo, kunuṅ teemadó gette naabo pay t'o d'iili a nuṅ siidó me? Inṅkino ki rooto t'a di n' nooge»

⁴¹ Maṅ Galmeega yi di'n gime onamtú, y'ede: «Marte, Marte, koṅ ulbí i-d'oodfiyo wo mi d'elkiso ki suldi baadan,

⁴² wo munda soo danɗal wede i dehu m'aase me. To Mariyam ti biire munda wede majjaane a jiire, wenda yi k'aane yi ki t'oodiba ye.»

11

Dooyiso k'Isa a urzi tonɗiyo Raa (Matiye 6.9-13)

¹ I d'ede onniyo soo, Isa yi tonɗiyo Raa a ume soo inɗkino. Aame y'a ti ɗiŋge ti tonɗiyo maɗ, wede soo ti diine sanalliyagí y'a yi tunde, y'ede: «Galmee'ki nuɗ, k'ay ti'n dooyi urzi tonɗiyo Raa, aakede Zaɗ Batis y'a duuye sanalliyagí.»

² Isa y'an di ruute, y'ede: «Aame kun tonde Raa maɗ, kun d'eeso:

“Meegey,

kee k'iso ɗuwo pay an di suune kee Raa kamileɗ, Mozikadá k'a-di t'edi.

³ Onniyo ti onniyo k'ay eeli ombadey ere ay di t'ide.

⁴ K'ay t'isi tambobino a oldiko ere ay ize a kee, kono kaye toɗ ay isiyo tambobino a wede tuuku ay ize ulsu kay.

Wo k'ayn'ooli ye adda naamiya daggiya i ceera eedeɗ ay t'etta adda k'oldiko ye.”»

Ombiɗe a urzi tonɗiyo Raa

⁵ Isa y'an di ruute sey, y'ede: «Kun ollo, aakede wede soo ti diinaguɗ i-d'ede lanze, y'a ette ki boozí a didɗo meeda, wo y'a t'eese: “Lanze ki nuɗ, kee k'o eeli mappa aɗo,

⁶ kono wede soo ti diine lanziyagó y'iina ti torguwo di nuuno, wo nuɗ munda k'ombo ni di t'ele umbo.”

⁷ Yo lanžayí ummey t'adda biino y'a t'eese: "Kee ki n'oolo d'eddek, kono t'inñizó biza n'ay t'ippe baa, ay moone, ni k'aane ni ki t'ooziga n'aki t'ele mappa ye."

⁸ Wo kun ollo, n'un di rooto, lanžayí yi t'ooziga yi-t'ela suldi d'on pay yon yi dehu, kono yon lanžayí ye, wo kono yon yi kodfime baadan a munda wede yi dehu me.

⁹ Wo nuñ n'un di rooto: Kun tondo wo munda an un t'eela, kun dehitto wo kun t'oono, kun koppo biza wo an un di-t'ihina.

¹⁰ Wede tuuku yi tonđiyo mañ, munda an i-d'eeliyo, wede yi dehutu mañ, yi d'ooniyo, wo wede yi koppiyo biza mañ, an i di t'ohine.

¹¹ Meege tuuku ti diinagan, aame ulí [yi tunde ombo mañ, yi di t'ele mokkolo me? Koo] yi tunde puuniso mañ, yi di t'ele miipo me?

¹² Koo yi tunde kumilso mañ, yi di t'ele otto me? Aha, umbo!

¹³ Injino mañ kune d'on addugun ulpi ton, kun suune eliyi suldi d'on majjandani a inñigun. Wo geñ tañ miibi a ceere Meega Raa a kandaane y'aane y'an t'ele Unde Kamilen a d'on i yi tonđiyo me!»

Isa ti Belzebul

(Matiye 9.32-34; 12.22-30; Markus 3.22-27)

¹⁴ Onniyo soo, Isa y'a-t'ilmu siitan ere wede'ñ ti t'ippe bizí yi k'orbe ye geñ me. Aame siitan gette ti t'udde mañ, wede geñ bizí a t'ihina, y'a iise ono, wo kane d'on duuru an ziida giggera.

¹⁵ Aame geñ d'on ongo ti diinayan an di ruute, an'de: «Tode Belzebul Meeda siitandani i eliyi toogo ki lommitte siitandani me!»

¹⁶ Don ɔŋɔŋ an dehu an i d'ekke ikka t'urzi k'onamí. Injino maŋ an di y' tunde y'an d'ise munda k'armika, a kize yoŋ Raa yi y'igibo.

¹⁷ Wo Isa y'a zuune elkisadaŋ, injino maŋ y'an di ruute, y'ede: «Moziko ere tuuku d'ɔŋtú an d'eyyiso ti tuddaŋ maŋ, mozikadaŋ a latte, boydizaŋ a di ruugite wede soŋ ekki bakadí bakadí.

¹⁸ Geŋ injino kay, aame Meeda siitandani ti d'eyyiso ti siitandani eebutú maŋ, geŋ an d'eyyiso ti tuddaŋ batum. Wo d'e geŋ ki kotto, mozikatú ti k'aane ti ki lekke ye! Ni rootiyo injino kono kun'de, ni lommite siitandani o eliyo toogo Belzebul.

¹⁹ De injino maŋ, d'ɔŋ a itaɣuŋ an lommite siitandani ti toogo k'aaye? Geŋ kane batum an un kaza munda wede kun rootiyo a tukki nuuno geŋ d'erec ye.

²⁰ Wo d'e geŋ, nuŋ o eliyo toogo Raa ni lommite siitandani me maŋ, geŋ i-kaza Moziko Raa tod' t'iina di kune baa.

²¹ Aame wede'ŋ toogo ti aryagí geŋ boozí y'a ti y' boohe, injino maŋ maaladí wenda soo toŋ y'a ki botte ye.

²² Wo d'e aame i iido wede toogo ti yode wo yi y' jiiire maŋ, aryagi d'ɔŋ pay yi zaapu addí geŋ y'a-t'oobe, wo suldí d'ɔŋ pay y'a siki y'an di dokkida a d'uwu.

²³ Wede yoŋ ki nuuno ye'ŋ, yoŋ aduzó, wo wede y'a ki n' noogiyo ki tussiyo ye'ŋ, yoŋ yi teepiyo ki teepiyo.»

*Kama ki siitan ki tukki wedusu
(Matiye 12.43-45)*

24 «Aame siitan ti tukki wedusu ti t'adfiya maŋ, ti d'eŋgilso k'adda balɗa dehutu k'ume weɗe t'a lekkey, wo ti ki d'ooniyo ye. Inkiŋo ti rootiyo adda k'addutú, ti d'eesiyo: "Ni-kime k'adda bindó ere an di n'ilmo.»

25 Wo a kamatú gette, t'iide'ŋ ti-t'uuney biino rookiyo kamileŋ wo sulɗutú okkime beehiye.

26 Inkiŋo maŋ ti di kama k'adda balɗa, t'a waaku siitanɗani ti doolo sarat bundiɗi a jiiire tode sey. An di-kama kaŋ soo, an t'ettiyo adda biino gettiyo, i-t'isiyo ɓoozaŋ. Inkiŋo yo weɗe geŋ, lekkiyadi ere k'ita i-t'isiyo ooŋe i ceeriyo ere ki poone.»

Uŋsuwo ere a jiiire

27 Aame Isa yi rootiyto inkiŋo geŋ, i d'ede erewo soo inkiŋo ti diine ɗoŋ duuru, ti di ruute ti golla awwa, t'ede: «Uŋsuwo a erewo ere t'a ki zirke adda k'addutú wo k'a uude uɗutú.»

28 Wo yoŋ yi di ruute, y'ede: «Wo uŋsuwo a jiiire a kane ɗoŋ ollige ono Raa wo an di sooru eego.»

Tondiyo ki munda k'armika (Matiye 12.38-42)

29 Kane ɗoŋ duuru an d'ettiyo k'ume k'Isa. Aame an t'ugiye maŋ, y'a iise rootiyo, y'ede: «Ita ɗuwo ɗoŋ aŋkenŋo eŋ, kane ɗoŋ ulpi, an tondiyo munda k'armika a kize Raa yi n'igibo. Wo armika ti doolo Raa y'an k'isa ye, daa ki armika ere Raa y'ize ti kaaga a nebi Zonas ye maŋ.

³⁰ Kun suune Zonas y'a guune munda wede Raa y'an di gize a donj geeger Ninib*. Geñ injkino nuñ wede an n'ehe aa ulo wede eñ, n'a koonaa munda wede Raa y'an kiza a donj ankenno kay.

³¹ A onniyo ere Raa yi dekka booro gette, mohita ere ti siido ki kese dandi† t'a ooziga ki tukki duwo donj ankenno, wo t'an di roota: "Kune'ñ booro t'unni ziida." Ti roota injkino kono tod' t'iizigo ti siidiyagi donj dokki t'ita Raa kono t'a olliga suuniyo k'ono ere ki Salamon, wo a enno i d'ede wede ede y'a jiire Salamon sey.

³² A onniyo ere Raa yi dekka booro gette, donj geeger ki Ninib an d'ooziga ki tukki duwo donj ankenno, wo an di roota: "Kune'ñ booro t'unni ziida." An roota injkino kono aame donj geeger ki Ninib an illiga Zonas yi gizite urzi k'ono Raa man, an di-gime lekkiyadan. Wo a enno i d'ede wede ede y'a jiire Zonas sey.»

*Eda kane toore tudde
(Matiye 5.15; Markus 4.21; Lik 8.16)*

³³ «Wenda soo tonj y'a-t'oyye pitila kono yi-ti t'ombida, ise y'a-t'ossibe bogoro umbo. Ki too man y'a ti dodde t'awwa kono donj ette k'adda biino an di wolle toore.

³⁴ Eda kane aa pitila ki tudde. Aame edaya kane bee man, tudda pay tinj adda toore, wo aame edaya kane bee ye man, tudda pay tinj adda zimolo.

* **11:30 11.30** Kun wollo adda mattup ki Zonas 3.3-5. † **11:31 11.31** *Mohita ere ti siido ki kese dandi*: I-kaza mohita ere ti siido Seba. Kun wollo adda mattup ki 1 Mozagi 10.1-13.

35 Inƙino maɗ ki koona metike kono toore wede a tuddá geɗ, a ki t'ise zimolo ye.

36 Wo aame tuddá pay adda toore daa munda ki zimolo maɗ, tuddá pay gettiɗ adda toore, geɗ aakede pitila ti tooriyo tuddá ti tooratú wede kereɗ geɗɗo.»

*Isa ti Pariziyen wo ti don suuniyo k'oogoro
(Matiye 23.4,6-7,13,25-27,29-31,34-36)*

37 Aame Isa y'a ti dinge onamí maɗ, i d'ede wedusu soo yon Pariziyen y'a ti y' wiike y'a oomey di yode. Isa y'a t'iide k'adda boy, wo an di-guune ombo.

38 Yo Pariziyen y'a ziida giggeri aame yi wulle Isa ki poone y'a t'eese ombo'ɗ, beezí yi k'upile ye aa mongidagi an ruute me.

39 Inƙino maɗ yo Galmeega yi di ruute, y'ede: «Kun ollo, kune Pariziyen! Kune'ɗ kulso ti bogoro kun t'opilso daaraɗ beehiye, wo addugun ôniyo boo ti tama k'oogire wo ti bundiko.

40 Kune don elkisaguɗ umbo, kun suune kereɗ Raa wede ikkima ume ti paate geɗ, ikkima ume t'adda ton yode me.

41 Wo ki too maɗ a kane don an k'ede munda ye, kun an elo t'addugun pay, inƙino kune kun t'isa kamileɗ.

42 Wo dabar a kune Pariziyen! Kune'ɗ a urzi zakka, kun d'eliyo zakka a Raa ki ita suldi don sunni sunni i d'eliyo unsuwo a zaami, ise puutagi don ki zaami ton maɗ. Wo de munda wede kun d'ise ki diine a duwo, ti geyyiso ki Raa, kane geɗ kun d'ooliyo a kese. Ki too maɗ ki poone kane

genno don kun d'ozire eego me, wo suldi don sunni sunni ton kun ki'n ooli ye.

⁴³ Dabar a kune Pariziyen! Kune'n adda boydi don in di dooyiso, kun geyyiso kun koone a ume wede suma, wo a bere don duuru ton, kun geyyiso duwo an un di'n t'eesite ti ottilso.

⁴⁴ Dabar a kune! Kune'n don aakede muuziyagi daa zappu mongali, don an sooru eego daa suuniyo a urzi k'oogoro an t'isiyo ganigi a daana Raa me‡.»

⁴⁵ Wede soo ti diine don suuniyo k'oogoro yi di ruute a Isa, y'ede: «Wede dooyisadey, a onama gen kee ki kalda kaye ti kane pay.»

⁴⁶ Isa yi di'n gime onami, y'ede: «Dabar a kune don suuniyo k'oogoro pay! Kune'n duwo kun di'n isiyo ki toogo an di daane urziyagi k'oogoro don ti doolo kune batum kun a ziipe t'eggun t'ekki don ki Raa, sarkiyatu ooŋe aakede kun zaapu attidi a dar. Wo a attidizan gen, kune ti yilsagun soo ton kun aa ki bottiyo ye ki noogiyadan me.

⁴⁷ Dabar a kune! Kun aabudu muuziyagi majjandani ki nebiyagi ti kaaga, kane don mongidagun an ti'n iide.

⁴⁸ A onamgun ti suldi don kun isiyo gen, i-kaza kun iyye a naabo ere ki mongidagun g'ize te, kono kane an ti'n iide nebiyagi me, wo anken kune kun d'aabudu muuziyagan.

⁴⁹ Kono kamo Raa ti suuniyo k'ono ere i d'ede gette y'a ruute, y'ede: “Nun n'an t'igiba nebiyagi

‡ **11:44 11.44** Kun wollo adda mattup ki Lebitik 5.3 wo Nombire 19.11.

ti doŋ zina, doŋ onŋoŋ ti diinayan an ti'n t'ida, doŋ onŋoŋ an di'n dabira.”

⁵⁰ T'ume k'eesiyo duniya bini aŋki, an îide nebiyagi baadan, wo kono ki puuzadan gette kune duwo doŋ aŋkenŋo Raa y'un ti'n t'ela dangay.

⁵¹ Ki poone an îide Abel, saŋ doŋ ti doolo bini Zakari wede an y'îide adda booro Boy Raa, a diine k'ume sedefe ti Boy Raa. Eyye, wo kun ollo n'un di rooto, kane doŋ aŋkenŋo eŋ Raa yi ti'n t'ela dangay kono ki puuzadan.

⁵² Dabar a kune doŋ suuniyo k'oogoro! Kune'ŋ kun a-t'ippe a urzi wede i d'eliyo suuniyo ki Raa te. Kune batum kun ki sooru eego ye, wo a doŋ i dehu an d'ozire eego kun an t'iigire.»

⁵³ Aame Isa yi t'udde t'adda boy genŋo maŋ, kane doŋ suuniyo k'oogoro ti Pariziyen an di gulkuwe baadan ti yode, wo an di y' tundite a urzi k'ono baadan.

⁵⁴ Inkino geŋ kane an i ekkiyo ikka kono an t'oono munda wede butte adda k'onamí.

12

*Kun koono mentikagi ti doŋ bizaŋ sire sire
(Matiye 10.19-20,26-33)*

¹ Aame geŋ doŋ duuru baadan baadan an t'ugiye, ume an d'ozire toŋ umbo, an t'onŋilse dugganan. Isa y'an di ruute ki poone a sanal-liyagi, y'ede: «Kun koono mentikagi a orme wede ki Pariziyen, i-kaza an d'ede bize wede sire sire.

² Derec, suldi doŋ pay ombide'ŋ, saŋ onniyo soo a t'oodiba ita, wo ono doŋ pay i ki dehu

ɗuwo an k'olliga ye geɗ, saɗ onniyo soo ɗuwo an di'n olliga.

³ Kono kamo sulɗi ɗoɗ pay kun ruute a zimolo geɗ, saɗ onniyo soo ɗuwo an di'n olliga kereɗ, wo munda weɗe kun miline a kuude bakaguɗ adda biino appiya geɗ, saɗ onniyo soo an di y' roota aa an a ti gili t'ekki biino an ɗolle.»

Wedusu weɗe kun i-d'orgiɗe

⁴ «Lanɗiyagi ki nuɗ kun ollo, n'un di rooto: Kun an orgiɗe ye a ɗoɗ i t'owwo tudde, wo saɗ maɗ an k'aane an aa k'ise munda ti doolo sey ye.

⁵ Nuɗ n'un di y' kaza wedusu weɗe kun i-d'orgiɗe me: Kun orgiɗo a Raa, yode weɗe aame kun t'inda maɗ, i-d'ede toogo y'un di'n t'ette k'adda k'uwwo. Eyye, wo kun ollo n'un di rooto, geɗ a yode kun i-d'orgiɗe me.

⁶ Kun suune ooyo paat ɗoo miɗ in t'owile ti soɗko sire kollo, wo ti diinayaɗ soo toɗ Raa i ki dandiya ye.

⁷ Wo soɗ ilali k'eggug genno toɗ Raa yi ti'n kaza pay. Inkiyo kun orgiɗe ye, kono kune zooyaguɗ yi jiiire ooyo baadaɗ!»

Wedo ono uɗɗe ti bizi a ɗaana ɗuwo yoɗ ti Isa

⁸ «Kun ollo, n'un di rooto, weɗe tuuku yi ruuta a ɗaana ɗuwo yoɗ ki nuuno maɗ, nuɗ weɗe an n'ehe aa ulo weɗe enno toɗ, n'a rootey kay yoɗ ki nuuno a ɗaana maaleekiyagi ɗoɗ ki Raa me.

⁹ Wo ɗe weɗe tuuku yi ruuta a ɗaana ɗuwo yi ki n' suune ye maɗ, nuɗ toɗ n'a rootey ni ki y' suune ye kay, a ɗaana maaleekiyagi ɗoɗ ki Raa me.

¹⁰ Wede tuuku yi ruuta munda ulsu a tukki nun wede an n'ehe aa ulo wede enno man, a oldikadi gette Raa yi-t'isa tambobino. Wo de wede tuuku i kaldita Unde Kamilen man, a oldikadi gette Raa yi-k'isa tambobino ye.

¹¹ Aame an un di'n t'iidey k'ume don booro adda boydi don in di dooyiso, ise ki daana don deero, ise ki daana mozagi ton man, ulbugun un t'oodey ye a maana k'ono don kun d'oodibey eggun, ise a munda wede kun di rootey me.

¹² A ume gen min Unde Kamilen t'un di'n dooyey a munda wede kun di rootey me.»

Ono ombide a tukki wede laale elkisadi umbo

¹³ I d'ede wedusu ti diine don duuru yi di ruute a Isa, y'ede: «Wede dooyiso, ki rooto a leemado y'ay ti dokkidi laale ki meegey wede y'ay ili me.»

¹⁴ A wede gen Isa yi di ruute, y'ede: «Wee wee i ni ziipe wede dekkiyo booro a suldugun, ise wede dokkide laalagun me?»

¹⁵ San man y'an di ruute a don pay, y'ede: «Kun koono mentikagi, kun okkibe a suldi pay ye, kono lekkiyo wedusu ere ki kotto gette t'ettiyo t'urzi suldi don ki laale ye, ise yon laalayí baadan ton man.»

¹⁶ Inkino man y'an d'iide taaya t'urzi k'ono ombide, y'ede: «I d'ede wedusu ki laale, i-d'ede dombi majjandani yi-darniyta.

¹⁷ Yo yi rootiyo t'adda k'addi, y'ede: “Nun gen n'aase mummino, n'a obita mudizo a ume too me, ume oo k'ede ye me?”

¹⁸ San y'a ruute sey, y'ede: “Enno munda wede n'aasa me, giyyago en n'a-kossita, n'an aabida ti

doolo deero, mudizó pay ni-t'obita adda wo sulfi dɔŋ ti doolo toŋ maŋ.

¹⁹ Saŋ ni di roota a tuddó batum: hay nuŋ geŋ me, eŋŋo sulfi kaca kaca k'ozzinagi baadaŋ, n'a-puuka, n'a ooma, n'a sifa wo n'aasa uŋsuwo.”

²⁰ Wo Raa yi di ruute, y'ede: “Kee wede elk-isadá umbo, a didɔɔ ettiyo batum nuŋ undá ni t'amba, wo geŋ sulfi dɔŋ pay k'ukume aaye?”»

²¹ Isa y'a ruute sey, y'ede: «Geŋ aasa iŋkino ki wede y'okumso laale a yode batum, wo yi k'okumso laale ki sulfi Raa ye me.»

Zaapu k'adde a Raa
(Matiye 6.25-33)

²² Maŋ Isa y'an di ruute a sanalliyagí, y'ede: «Geŋ kono k'iŋkino n'un di rooto: Kune a lekkiyaguŋ ulbuguŋ un t'ooɔe ye a urzi k'omɔ, ise a urzi k'ossiyo ere ki tudduguŋ toŋ maŋ.

²³ Ki kotto lekkiyaguŋ ere kun lekkiyo ette ti jiire omɔ, wo tudduguŋ ti jiire ossiyo.

²⁴ Kun wollo gaagagi, an ki korso ye, an k'ayɔu ye, an k'ede giyyagi ye wo ume ti doolo k'obite k'ombadaŋ ye, wo Raa yi di'n modɔiyo. Wo kune'ŋ ki kotto kun i jiire embi taŋ baadaŋ!

²⁵ Wee wee ti diinaguŋ, ti ulbe k'ooɔiyo wede i-d'ede geŋ, y'aane y'a d'aagila ti kedise soo onniytagi dɔŋ ki lekkiyadi a duniya ette?

²⁶ Aame a sulfi dɔŋ bo-booloŋ danŋal toŋ kun k'aane ye maŋ, ɔe ki moo me kune ulbuguŋ un d'ooɔiyo a sulfi dɔŋ pay ti doolo a urzi lekkiyaguŋ me?

²⁷ Kun wollo bobbo soole, ti d'ohire, ti ki naabiya ye, ti k'isiyo kallagi ye. Wo kun ollo,

n'un di rooto: Mozigo Salamon ton ti laale wede pay i-d'ede gen, yi k'usse ye kalle wede majjaane aakede bobbo soole soo ton man.

²⁸ In'kino Raa yi-ti y'ossiyo soole wede adda balda an'ki kuti kutin, wo soggo an t'oggiyo adda k'uwo mendí. Gen tan miibi a ceere Raa y'un di'n osse kune batum me! Ki kotto kune zaapu k'addugun a Raa baata!

²⁹ Wo kune ulbugun un ki t'oodo daayum a urzi dehutu k'ombo ti sobo ye.

³⁰ Suldi pay gen, daayum i'ni dehutu kane fon pay adda duniya i ki suune Raa soo fanjal ye genno. Wo Meegugun Raa, yon yi suune suldi gen kun i dehu a urzi lekkiyagun me.

³¹ Ki too man kun deho ki poone Moziko Raa, wo san suldi gen y'un di'n t'ela kay.»

Laale wede a kandaane
(Matiye 6.19-21)

³² «Kune aakede torfo moode ere baata ton man, kun orgide ye! Derec, Meegugun Raa yi wulle man beehiye Mozikadi y'un di-t'ele me.

³³ Suldfugun fon un d'ede kun t'owilto, wo sonko kun an di dokko a fon an k'ede munda ye. Kun soko zaada ere i ki ruumiyo ye wo ti laale wede i ki dagga ye a kandaane, a ummey wede k'oogire yi k'aana yi ki botta ye, a ummey amma ton ti ki ti y' latta ye.

³⁴ Derec, a ume wede laalagun yi lekkiyo gen, addugun ton angenno.»

Don naabo i lekkiyo zeere
(Matiye 24.43-51)

35 «Kun ti ketto toonugun a munda wede kun ise, wo pintilagun oyyisito.

36 Kun lekko aakede don naabo don an delliyo kama ki goolayan ti tarnaape seedu, kono san aame y'iina wo yi guppa biza man, kesiko an i-di t'ihina.

37 Unsuwo a don naabo genno, don goolayan a kamadi yi'ni t'oono kane zeere. Derec injkino wo n'un di rooto: Yon yi-t'ossa suldi naabo, y'a ti'n koono don naabadi me, wo aame gen yon y'an t'ela ombo.

38 Aame yi-kimo a diddo meeda ise ki biza soohe ton man, yi'n uuna kane zeere man, gen unsuwo a kane.

39 Ono en kun ollo koduwo: Aame wede boy gen yi suune peedo ere wede k'oogire y'etto man, yi k'ooli wede k'oogire yi-ki t'ette k'adda boozie ye.

40 Kune ton man kun koono mentikagi, kono nun wede an n'ehe aa ulo wede en, n'etto a peedo ere tuuku kun ki ti suune ye.»

Wede naabo i seedu zakidi a naabadi

41 Injkinon man Piyeer y'a yi tunde, y'ede: «Galmee'ki nun, ono ombide ki'ni rootiyo en a kaye danjal kunun, a duwo pay ko?»

42 Man Galmeege yi di ruute, y'ede: «Injkinon man wede yeeriyo wede i seedu zakidi a naabadi wo i-d'ede elkiyo gen, a yode genno galmeege yi oola attidi pay ki don naabadi ongon me, kono y'an t'ela ombadan aame peedo t'iida man.

⁴³ Uṅsuwo a wede naabo geṅ me, aame galmeegí a kamadí yi y'uuna y'isiyo naabo gettiyo maṅ.

⁴⁴ Derec inḱino wo n'un di rooto: Wede inḱino geṅ galmeegí yi di t'ela attidi ki suldízi pay a beezí.

⁴⁵ Wo de aakede wede naabo geṅ y'ilka adda k'addí, y'iisa: "Galmeegó eṅ yi t'úso", wo yi t'iida taazu dṅ naabo ti doolo kuuli wo erayi, yi t'ussa a ombó ti sobito i jiira eedí.

⁴⁶ Aame geṅ galmeegí y'a aana a onniyo ere wede naabo geṅ yi k'elkiyo ye, wo a peedo ere yi ki ti suune ye. Galmeegí yi di t'ela danḡay ere zakidí wo yi-t'ela aggadí aa ki dṅ i ki zaapu addaṅ a Raa ye.

⁴⁷ Wede naabo wede i suune munda wede galmeegí yi dehu, wo y'a ki t'ikkima tuddí y'a ki t'ize ye naabo ere aa galmeegí yi dehu te maṅ, yoṅ geṅ y'a t'oona kossiyo baadaṅ.

⁴⁸ Wo wede naabo wede yi ki y' suune ye munda wede galmeegí yi dehu me, wo yi t'ize naabo ere y'a t'oone kossiyo maṅ, kossiyadí t'aase baata. A wede suldí baadaṅ an i ele a beezí geṅ, an tonda baadaṅ kay, wo a wede an ziipe addaṅ baadaṅ geṅ, an tonda baadaṅ sey a ceera.»

Isa y'iido ki moo me?

⁴⁹ «Nuṅ n'iido n'a-t'oyye uwwo a duniya te, wo aṅkenṅo eṅ ni dehu t'adde soo, tod' ti ziiḡa baa.

⁵⁰ Nuṅ n'a adḡa t'urzi dabar aakede an ni suyyiso batem, nuṅ biza k'ulbó i zehiso wo a zehita bini danḡiya ki suyyiso batem gettiyo.

⁵¹ Kune kun elkiyo nuṅ n'iido n'un t'ela toose adda duniya ko? Aha, wo n'un di rooto, kono nuuno geṅ ḍuwo tuddaṅ an ti-t'ahinta.

⁵² Ti aṅki eṅ ḍoṅ adda ḅoozaṅ kane paat maṅ, tuddaṅ an ti-t'ahinta, ḍoṅ aḍo ki tukki ḍoṅ sire, wo ḍoṅ sire ki tukki ḍoṅ aḍo.

⁵³ Meege y'a t'ahina ti tukk'ulí wo ulo ti tukki meegí, meede t'a t'ahina ti tukk'ututú wo uto ti tukki mettú, ande t'a t'ahina ti tukk'ere k'ulutú wo ere k'ulutú ti tukk'andutú.»

Suuniyo k'ita sulḍi ḍoṅ i-kaza munda wede aana

(Matiye 16.2-3)

⁵⁴ Isa y'a ruute sey a ḍoṅ duuru, y'ede: «Aame kun wolliyó dondirso ti koliyo ti kese peeḍo k'ooriyo maṅ, a kaamiki kun d'eesiyo: “Mizzi yi koppa”, wo geṅ ki kotto i-t'isiyo.

⁵⁵ Wo aame kun owwiyo maaye yi baahu ti kese ki ḍandí maṅ, kun d'eesiyo: “Ume aṅki y'isa wehini”, wo geṅ ki kotto i-t'isiyo*.

⁵⁶ Kune ḍoṅ biziguṅ sire sire, kun d'aaniya kun di suuniyo ita sulḍi ḍoṅ kun wolliyó t'edaguṅ isiyo a siido wo a kandaane me, wo ḍe ki moo me ita sulḍi ḍoṅ Raa y'isiyo aṅkeṅṅo kun ki'n suuniyo ye me?»

Tôwwo k'ono ti aduzá
(Matiye 5.25-26)

* **12:55 12.55** Di kane Yawudiyagi an wolliyó dondirso ti koliyo ti kese peeḍo k'ooriyo maṅ, an d'eesiyo mizzi yi koppa. Wo aame an owwiyo maaye yi baahu ti kese ki ḍandí maṅ, an d'eesiyo ume aṅki y'iisa wehini, geṅ a di kine inḵino ye.

57 «De ki moo me munda wede ki diine kune batum kun d'ise, kun ki y' suuniyo ye me?

58 Aame ti leemada un ede ono, wo kune a urzi kun ette k'ume wede booro botto gen, ti yode ono kun ti'n oodo. Para man y'a-da t'iida k'ume wede booro man, wede booro y'an gi di t'eley a bey k'asigiryagi, wo kane an ki ti t'eley dangay.

59 Ki kotto n'a di rooto, t'ume gen ki ki t'adfa ye, daa ki munda wede an dehu k'an ki y'ela pay ye man, tammiyagi don sunni sunni ton an a-k'oola ye.»

13

I dehu kun di-kime lekkiyagun

1 Aame gen i d'iido duwo an i-t'iide taaya a Isa, mummino Pilat y'ele urzi don miibi ti siido Galile an di'n iide, aame an isiyo sefeke a Raa gen me.

2 Isa y'an di'n gime onaman, y'ede: «Kune kun elkiyo aame kane don ti siido Galile an ti'n iide injkino gen, i-kaza kane don k'oldiko a jiiire don ti siido Galile ti doolo pay ko?

3 N'un di rooto aha, wo aame kun ki ti gima lekkiyagun ye man, kune ton kun di-t'inda pay aa kane.

4 Wo kane don koomat makumu gessire boy wede sohuru ki Silowe y'an di ti'n ruuge an t'inda gen, kun elkiyo kane don k'oldiko a jiiire don ki geeger Zeruzalem ti doolo pay ko?

5 N'un di rooto aha, wo aame kun ki ti gima lekkiyagun ye man, kune ton kun di-t'inda pay injkino kay.»

Ono ombide a tukk'undumu daa k'innizi

⁶ Saŋ maŋ Isa y'an di ruute ono ombide enno, y'ede: «I d'ede wedusu yi d'iite undumu sundi pigiye adda doome k'inda biŋ. Onniyo soo yo wede geŋ y'a iido yi dehu yi rakke innizi, miŋ umbo yi ki d'uune ye.

⁷ Inkino maŋ yi di ruute a wede naabadí, y'ede: “Ki wollo, pigiye eŋ iide ozzine ado ni d'ettiyo d'ettiyo ni rakke innizi miŋ ni k'ooniyo ye. Inkino ki ti y' dekho, yi t'ambu ume ki bita.”

⁸ Wo wede naabo yi di'n gime onamí, y'ede: “Galmee'ki nun, ki y'oolo y'a-t'ozzine sey k'anŋi me, siido itadí n'a-t'ottiba a t'isa d'olgte, maŋ n'a d'obita iizi.

⁹ Geŋ inkino ozzine ki daana eŋ koo yi t'eha maŋ, umbo pi maŋ k'a ti y' dekhka kollo.”»

Eliyo beeko a erewo a onniyo ere ki puukiyo

¹⁰ Onniyo soo ere ki puukiyo Yawudiyagi maŋ, Isa yi dooyiso d'fuwo adda boy wede Yawudiyagi ge dooyiso.

¹¹ A ume geŋ i d'ede erewo, siitan ti ziidfa diine dartú i-d'ede ozzine koomat makumu gessire, ti lekkiyo ottilso ume t'a t'ohira delele umbo.

¹² Aame Isa yi ti wulle maŋ, y'a ti wiike wo yi di ruute, y'ede: «Erewo no, koŋ te kettiyo ye baa, m'uune bee ti eenizi me.»

¹³ Yoŋ yi di ziipe beezí a tuddutú, a kaamiki t'a t'ihira delele wo t'a iise tamma Raa.

¹⁴ Wo yo goole boy geŋ yi-ti gulkuwe a beeko ere Isa yi ele a erewo a onniyo ere ki puukiyo Yawudiyagi gette. Inkino y'a t'ihina bizi wo y'an di ruute a doŋ duuru, y'ede: «Adda suuk i d'ede onniyo zoot ere ki naabo te. Kune kun dehu

beeko maṅ, kun d'etto adda k'onniytagi genṅo, a onniyo ere ki puukiyadiṅ ye.»

¹⁵ Maṅ Galmeega yi di'n gime onamí, y'ede: «Kune dṅ biziguṅ sire sire, a onniytagi dṅ ki puukiyadiṅ wede tuuku toṅ yi-t'eeziyo ti kuulaye'ṅ burizí koo, ise buurizí koo maṅ, kun an t'eliyo ahu dfee me?

¹⁶ Erewo ette tod'te ti biza bumbu k'Ibirayim, Meeda siitandani ti ti-gitte i-d'ede ozzine koomat makumu gessire, geṅ i k'ise ye ko a onniyo ere ki puukiyadiṅ kino, ni di t'eeze sibatú me?»

¹⁷ A rootiyo k'Isa gette, kane pay dṅ k'olmidayí an ziidá sukiyagi, wo kane pay dṅ duuru geṅ ulbaṅ unse a suldí dṅ pay y'isiyto i ceeriyo eego geṅ me.

*Ono ombife ekk'ulo k'undumu sundí mutard
(Matiye 13.31-32; Markus 4.30-32)*

¹⁸ Maṅ Isa y'a ruute, y'ede: «Moziko Raa tod' ti deeyiso toṅ aa moo me? N'a t'eeze tod'te aa moo me?

¹⁹ Tod' ti deeyiso aa ulo k'undumu soo sundí mutard wedusu y'a t'umbe y'a-giira adda ji-neene. Saṅ a t'udde, a t'ize undumu wo embi an d'appiyta boydí ekki laydayí.»

*Ono ombife a tukk'orme
(Matiye 13.33)*

²⁰ Isa y'a ruute sey, y'ede: «Moziko Raa n'a t'eeze tod'te aa moo me?

²¹ Tod' ti deeyiso aa orme erewo ti-sokiyo booloṅ, t'a-t'obe a moonno baadaṅ lootiyo, wo saṅ orme geṅ moonno yi-ti t'oozige pay.»

Biza bumbu wede peryeye

²² Aame Isa y'ambɛ ki Zeruzalem geɲ, yi d'ettiyo geeger ti geeger, ille ti ille, yi dooyiso ɗuwo.

²³ Maɲ i d'ede wedusu y'a yi tunde, y'ede: «Galmee'ki nuɲ, de geɲ Raa yi d'utta ɗuwo boolon ɗaɲɲal ko?» Inkiɲo Isa y'an di ruute a ɗoɲ duuru, y'ede:

²⁴ «Kun ollo, n'un di rooto, kun elo gotono kun t'odo ti biza peryeye. Derec, ɗoɲ baadaɲ an deha an t'ette ti biza geɲɲo wo an ki d'aana ettiyo ye.

²⁵ Saɲ onniyo t'aana ere wede boy y'a t'ooziga wo biza y'a di-t'ippa ti kerle, maɲ kune kun d'ooɲa ti paate. Aame geɲ kun t'eesa koppiyo a biza bumbɔ, wo kun di roota: "Galmeegey, k'ay t'ohon!" Wo yoɲ y'un ti'n kima onamguɲ, y'a t'eesa: "N'un ki'n suune ye kune ti tunda me."

²⁶ Inkiɲo maɲ kun di roota kun t'eesa: "Kaye ay d'iimito, ay d'iibito ti kee kaɲ soo, k'a duuyite a urziyagi ki geegirzey pây."

²⁷ Wo yoɲ y'un di roota sey: "N'un ki'n suune ye kune ti tunda me. Kun ti leɗɗo dokki ti tuddó me, kune ɗoɲ pay isiyo sulɗi ɗoɲ ki diine ye."

²⁸ Wo aame kun wulley Ibirayim, Isaaka wo Yakup ti nebiyagi pay adda Moziko Raa, wo kune an un ti'n zibbey ti paate maɲ, a ume geɲ kun ɗillitey môolo wo kun d'aadimey sina.

²⁹ Wo i d'etto ɗuwo sey ti kese peedo ti koliyo, ti kese peedo k'ooriyo, ti kese k'awwa wo ti kese ɗandɗi, an di-kooney an d'oomey kaɲ soo adda Moziko Raa.

³⁰ Inkiɲo maɲ ɗoɲ oɲgo aɲkenɲo kane k'ita, saɲ an t'isa ɗoɲ ki biza, wo ɗoɲ oɲgo aɲkenɲo

kane ki biza, saɲ an t'isa ɗoɲ k'ita.»

*Ono k'Isa a tukki Zeruzalem
(Matiye 23.37-39)*

³¹ Aame Isa y'a ti ɗiɲge ti dooyiso maɲ, i d'ede ɗoɲ miibi ti diine Pariziyen, an aa d'iide sirpa k'Isa wo an i-di ruute, an'de: «Kee t'eɲ ki t'oozo k'eɲgilo k'ume doolo, kono mozigo Erod yi dehu t'ôwwadá.»

³² Wo Isa y'an di ruute, y'ede: «Kun'do kun i-ti rootoy a yo wede metike aa boo yi ti daggiya ɗuwo geɲ, kun'de: "Isa y'ede aɲki ti soggo yon y'a limmiti siitandani wo y'a t'ele beeko a ɗoɲ k'eeni, wo a onniyo ere k'aduwe maɲ, naabadí y'a-ti ɗaɲga."»

³³ Wo ni roote eɲ a kune: i dehu aɲki, soggo wo soɲɲo kino geɲ, n'a eɲgila ki ɗaanadó, ki too maɲ ɗerec nebi y'a t'inda a Zeruzalem, a ume doolo ye.

³⁴ Wayya kune ɗoɲ Zeruzalem no, wayya kune ɗoɲ Zeruzalem no! Kune ɗoɲ i t'ôwwito nebiyagi, wo ɗoɲ Raa y'un akkisa kun ti'n kakkisa ti moɲgali kun ti'n t'ôwwo. Nuɲ taɲ baadaɲ n'a dihe n'un ti'n tusse aa ôsso ti tussiyoyi inɲitú adda kambartú, wo ɗe kun ki dihe ye.

³⁵ Inɲkino maɲ boygun Raa y'un di y'oola. Wo kun ollo n'un di rooto, nuɲ kun ki n' wolla ye baa, bini a t'îda onniyo ere kun di roota: "Beeko Raa ti koona a ekki wede ettiyo ti suma Galmeega Raa*."»

* 13:35 13.35 Kun wollo adda mattup ki Soom 118.26.

14

Eliyo beeko a wede k'eeni

¹ Onniyo soo ere ki puukiyo Yawudiyagi mañ, Isa y'a t'iide ombo di wede soo ti diine deero Pariziyen. Kane don a sirpa gen, ersadan a tukk'Isa tak.

² Aame gen i d'ede wedusu tuddi t'iiziga, y'a t'ihira a daana yode.

³ Isa y'a t'ihina bizi, y'a tunde kane don suuniyo k'oogoro ti Pariziyen, y'ede: «To oogiradin tin urzi t'ele kunuñ, ti k'ele ye ko, k'eliyo beeko a wedusu a onniyo ere ki puukiyadin te?»

⁴ Wo a onami gen kane an d'inniga deddek. Inkinu mañ wede gen Isa y'a yi butte, yi-d'ele beeko wo y'a-y'igibe ki boozí.

⁵ Sañ y'an di ruute, y'ede: «Ti diinaguñ en wee wee, aame i-d'ede ulo ise buru yi t'iire adda k'osso a onniyo ere ki puukiyadin mañ, y'a k'ette, t'adda k'osso y'a ki y'adde ye me? Eyye, kesiko y'a-t'adde!»

⁶ Wo a onami gen, kane an di roote munda an ki suune ye.

Beeriyo k'ume konso adda tarnaape

⁷ Isa yi wulle'n don an'ni waaku k'ombo'n, an beeriyo omagi konsito don majjandani. Inkinu y'an di ruute a kane pay gen t'ono ombide enno, y'ede:

⁸ «Aame wenda yi ki wiike a tarnaape ki seedu mañ, k'etta ki koona ume wede suma a jiire ye. Koo ise an wiiko wede goole i jiire kee y'a-koona mañ,

⁹ wo wede unni wiike kee ti yode geŋ, y'a etto y'a di roota, y'a t'eesa: "Ume eŋ ki t'oozo, ki oolo a yode eŋŋo." Inŋino k'a t'ooziga ti sukiyagi, k'etta k'a-kooney a ume k'ita.

¹⁰ Ki too maŋ an ki wiiko geŋ, k'odo ki-koonoy a ume k'ita, inŋino aame wede i ki wiiko y'iina maŋ, yoŋ y'a di roota, y'a t'eesa: "Laŋze ki nuŋ, kee ki t'oozigi, ki-koona a ume ki d'aana a ise majjaane kino." Inŋino maŋ a kee a di t'isa suma a d'aana kane d'oŋ pay ooma ti kee kaŋ soo geŋ me.

¹¹ Derec, wede tuuku tuddi yi ti-koliyo maŋ, Raa y'a y'isa ŋeŋku, wo wede tuddi yi ti-t'isiyo ŋeŋko maŋ, Raa y'a y'isa goole.»

Waaku d'oŋ an k'ede munda ye

¹² Isa yi di ruute sey a wede i y' wiike geŋ, y'ede: «Aame ki dehu ki waake d'uwo an d'oomi di kee, ise a peedo t'ize diine, ise a peedo t'ette k'ooriyo toŋ maŋ, ki waake laŋziyagá ye, zembadá ye, taasiyagá ye wo d'oŋ bey a ita waayadá ye, kono kane geŋŋo toŋ saŋ an gi di waaka kay, inŋino ombadá aakede an a-ti gime.

¹³ Wo ki too maŋ, aame ki waake d'uwo a tarnaape di kee maŋ, ki waako d'oŋ an k'ede munda ye, d'oŋ kesiyagaŋ soo soo, d'oŋ jekese wo d'oŋ koŋzayi.

¹⁴ Geŋ kee ulbá aasa uŋse, kono kane an k'ede munda an a-ki ti y' kima ye. Inŋino a di ti y' kima Raa, a onniyo ere d'oŋ ki diine a d'aanadí an ti bildá maŋ.»

*Ono ombide a tukki tarnaape goole
(Matiye 22.1-10)*

15 Wede soo ti diine don an ti guune ombo, y'illiga ono don Isa yi ruute genno man, yi di ruute, y'ede: «Unsuwo a wede i kooney ombo adda Moziko Raa.»

16 Wo Isa yi di ruute t'ono ombide enno, y'ede: «Onniyo soo wedusu yi d'ize ombo baadan, man yi wiike don baadan.»

17 Aame ombo ettú t'iide man, wede boy y'a igibe wede naabadí kono y'an di kizo a don yi'ni wiike. Wede gen y'iide'η, y'a ruute, y'ede: “Kun'di, ombo ettú t'iide baa.”

18 Injino man kane don pay yi wiike gen, wede son yi-t'isiyo tambobino tambobino. Wede ki poone yi di ruute a wede naabo, y'ede: “Nun ni iwila doome, i dehu n'a ette n'a ti y' wollo do. Kee k'o t'isi tambobino.”

19 Wede doolo yi di ruute, y'ede: “Nun ni iwila bunhari koomat ki naabo sire sire, wo n'ette n'a ti'n naamey. Kee k'o t'isi tambobino.”

20 Wede doolo sey yi di ruute, y'ede: “Nun ankenno ni ziida erewo ni morbiyo, kono k'injino ni k'aane ettiyo ye me.”

21 Wede naabo gen y'a-gime k'ume galmeegí, y'iide'η yi di t'iide taaya a onaman gen me. Aame gen wede boy yi di gulkuwe wo yi di ruute a wede naabadí, y'ede: “K'okko kesiko k'omagi don duwo ge lekkiyo, k'adda k'urziyagi don adda geeger, ki waaki kane don an k'ede munda ye, don kesiyagan soo soo, don konzayi wo don jekese, k'an d'an t'edi kenno.”

22 San man wede naabo gen y'a-gimo k'ume galmeegí, yi di ruute, y'ede: “Galmeeki nun, naabo ere k'o ruute n'aase ni-t'izo, wo ume ede

sey.”

²³ Inkino maɲ wede boy yi di ruute a wede naabadí, y’ede: “K’okko sey ki urziyagi dombi, k’adda jinendani, wo dɔŋ ki t’ooney a d’aanadá geɲ, t’urzi tuuku toɲ ki ti’n waaki an t’edi k’adda boy kono boozó a ôone.

²⁴ Geɲ kun ollo, n’un di rooto, kane dɔŋ ni wiike ki poone geɲ, wenda soo toɲ i k’ooma ye ombadó te.”»

Urzi daaniya k’Isa

(Matiye 16.24-28; Markus 8.34-9.1)

²⁵ Doɲ duuru baadaɲ an daaniya Isa, maɲ y’a-gime ki tuddaɲ wo y’an di ruute, y’ede:

²⁶ «Aame wede yi ni daane maɲ, i dehu nuɲ y’a ni geyye a ceere meegí, meedí, eddí, inɲizí, zembadí kuuli erayi, wo tuddí batum toɲ maɲ. Para maɲ yi k’aane yi ki t’ise sanallusizó ye.

²⁷ Wede tuuku yi k’iyya y’a ki t’inda kono nuuno wo y’a ki n’ daane ye maɲ, yoɲ geɲ yi k’aane yi ki t’ise sanallusizó ye.

²⁸ Inkino aame wede ti diinaguɲ yi dehu y’a ooziga boy sohuru maɲ, ki poone y’a-koone y’a-kize soɲko ki suldfi dɔŋ pay y’owilta, wo y’a wolle aame soɲkadí i-t’ída tôwwo boy maɲ.

²⁹ Wo de aame yi-ziipa ita daɲɲal wo boy y’a ki ti y’iida ye maɲ, dɔŋ pay i wolla geɲ an di y’ t’okka maade,

³⁰ an t’eesa: “Wede eɲ yi-t’iise oozige boy miɲ naabadí y’a-ki ti dɲiɲge ye.”

³¹ Inkino kay, aame mozigo yi dehu y’ette deyyiso mozigo bakadí wede ettiyo ti asigiryagi dupu ada sire geɲ, ki poone y’a-koone y’a wolle

toogadí, aame y'aane deyyiso ti asigiryagi dupu koomat geṅṅo maṅ.

³² Aame yi k'aane ye maṅ, yi-t'igibe doṅ zina ki tukki mozigo bakadí ki poone yoṅ botto dokki geṅ, y'a ti y' tondo toose t'a koone diinayan.»

³³ Isa y'a ruute sey, y'ede: «Geṅ inḱino kay, i dehu wede tuuku ti diinaguṅ sulḱi doṅ pay i-d'ede'ṅ, y'an ooli. Para maṅ yi k'aane yi ki t'ise sanallusizó ye.»

Sumade doṅ daa k'unṣuwadaṅ
(Matiye 5.13; Markus 9.50)

³⁴ «Kane sumade'ṅ munda wede beehiye, wo de aame sumade unṣuwadaṅ i t'ize umbo maṅ, kaṅ mummino k'an ise unṣe sey me?

³⁵ Kane geṅ i k'ise beehiye ki ruumiyo siido ye, ise ki guuru toṅ i k'ise ye, inḱino kane geṅ ki sebbiyo mendaṅ a disse. Wede i-d'ede kuwwa k'ollige maṅ, y'ollo koduwo!»

15

Ono ombife a tukki damu gi digge
(Matiye 18.12-14)

¹ Doṅ sedḱu jibaaye ti doṅ k'oldiko doolo, kane pay an aa d'iide ki sirpa k'Isa kono an di y'olliga.

² Kane Pariziyen ti doṅ suuniyo k'oogoro an d'orbe sunṅi sunṅi a tukk'Isa, an'de: «Wede eṅ doṅ k'oldiko yi di'n seedu bey sire wo yi d'omfo ti kane.»

³ Inḱino maṅ Isa y'an d'iise tôwwo taaya t'ono ombife enṅo, y'ede:

⁴ «Aame wede soo ti diinagun i-d'ede dambami meeda wo ere soo t'a digge man, ki kotto don ada gessat makumu gessat gen yi d'ooli adda balda, y'a-kime dehutu ki ere i digge, bini y'a ti t'oono.

⁵ Wo aame yi t'uuno man, yon ulbi unse baadan, y'a t'ambo a dannayi,

⁶ y'a t'aahe boy, san y'a waake lanziyagi ti don k'ita waayadi, wo y'an di roote, y'a t'eese: "Kun iso unsuwo ti nuuno, kono nun damuzo wede i digge ni y'uuno baa!"

⁷ Kun ollo, n'un di rooto, gen inkino kay aasa unsuwo baadan a kane don a kandaane, kono wede k'oldiko soo yi-gime ti lekkiyadi ere oldo gette. Unsuwo ere a tukki wede soo gette, a ceera ere a tukki don ada gessat makumu gessat kane ki diine wo an ti gime lekkiyadan genno.»

Ono ombide a tukki tamma i digge

⁸ «Wo kun ollo sey, i d'ede erewo soo inkino tammiyagutu koomat wo soo i di t'iire man, gen ki kotto tod' t'a modde pitilatú, binditu t'a rooke, t'a dehite boolo boolon bini t'a ti t'oono.

⁹ Wo aame ti t'uune man, t'a waake lanziyagutu ti don k'ita waayatú, t'an di roote, t'a t'eese: "Kun iso unsuwo ti nuuno, kono nun tammadó ere i digge ni t'uune baa."

¹⁰ Kun ollo, n'un di rooto, gen inkino kay aasa unsuwo baadan a diine maaleekiyagi don ki Raa, kono ki wede k'oldiko soo yi ti kama ti lekkiyadi ere oldo gette.»

Ono ombide a tukki ulo gi digge

¹¹ Isa y'a ruute sey, y'ede: «I d'ede wede soo inkino innizi kuuli sire.

12 Onniyo soo, ulo wede ñeñku yi di ruute a meegí, y'ede: "Baaba, kee k'ó eli aggadó ere sañ ni t'oonaa t'adda laalayá geñño." Injino mañ meegañ y'an di diikida laalayí a inñizí sire geñño.

13 Onniyo miibi k'ita mañ, yo ulo wede ñeñku geñ aggadí y'a t'iwilte pay wo y'a ziidfa sonko, y'a ingile ki siido ere dokki. A ummey geñ yit'iide adda lekkiyo ere k'arbutu, injino maaladí pay y'a t'irbe.

14 Aame maaladí pay yi ti dinge mañ, i d'ize mosogo baadañ adda siido gette, wo yoñ munda a beezí umbo.

15 Aame geñ y'a t'iide naabo di wede soo ki don siido gettiyo, wo yo wede geñ y'a y'igibe k'adda doomizí elso kinzir.

16 Ulo geñ y'a dihe yi d'aadi inñi boriyo don an sebbiso a kinzir, wo wenda soo toñ i di t'ele umbo.

17 Injino mañ a lekkiyadi gette yi d'elkiso adda k'addí, y'ede: "Don naabo meegó baadañ, an d'ombo i di'n palda! Wo nuñ a enño n'unto ki mosogo!

18 N'a-kima di meegó wo ni di rootey, n'a t'eesey: Baaba, ni t'ize oldiko a Raa wo a kee.

19 Ni k'iide k'a ki n' wolle aa ulá ye baa, injino ki n'iso aa wede soo ti diine don naabadá."

20 Mañ y'a t'iiziga, y'a-gime k'ume meegí.

Aame ulo yo dokki booloñ ti boy geñ, meegí y'a yi wulle, wo i di t'ize sommagi baadañ. Y'a ukke okkimayí, y'iide'ñ y'a yi ziidfa yop.

21 Injino mañ ulo yi di ruute, y'ede: "Baaba, ni t'ize oldiko a Raa wo a kee. Ni ki t'iide k'a ki

n' wolle aa ulá ye baa."

²² Wo meegí y'an di ruute a don naabadí, y'ede: "Kesiko, kun ambí kalle wede goole majjaane a jiire wo kun i-t'osso a ulo me. Kun i t'eelo kokkide a yelsadí wo zonfí kun i-t'osso tobiyagi.

²³ Kun soodí ulo buru wede bokkide, kun t'ôodo, in d'ooma wo in d'isa tarnaape,

²⁴ kono ulo nuñ kun wollíyo en, yon aa y'inda wo anken aa yi bilde, yon yi digge wo anken ni y'uune." Man an d'iise isiyo tarnaape.

²⁵ Aame gen ulo kabbadí yon a doome. A kamadí ti doome gen, aame y'iina goppon ki boy man, y'ollige tarkuuse k'otoro ti ommire.

²⁶ Man yi wiike wede soo ti diine don naabo, y'a yi tunde, y'ede: "De ize moo me?"

²⁷ Wede naabo yi di ruute, y'ede: "Gen leemadá aaho me, wo meegá yi d'iide ulo buru wede bokkide, kono ulí yi y'uune yi lekkiyo bee."

²⁸ Inkino man ulo kabba yi di gulkuwe wo yi ki dehu k'adda boy yi k'ette ye. Meegí y'a t'udfo yi di y' selliyo, y'ede: "Ulo ki nuñ, ki t'edi k'adda boy me."

²⁹ Wo ulo yi di'n gime ono meegí, y'ede: "K'ollo kay baaba, nuñ ozzinagi baadan n'a naabiya me, wo nuyyur kan soo ton ni k'ize ye a munda wede k'o rootiyo me, wo a nuñ gogguru soo danjal ton k'o k'eele ye, kono n'a t'ise unsuwo ti lanziyagó me.

³⁰ Wo a ulá wede enno kotto man, yode wede maaladá pay y'a ti diggo y'a t'irbo ti erayi, aame y'iina man a yode ki-d'iide ulo buru wede bokkide!"

³¹ Maṅ meegí yi di ruute, y'ede: "Ulo ki nuṅ, kee daayum ti nuṅ wo suldí pay dṅ oo d'ede toṅ kane ki kee.

³² Wo geṅ i dehu kine in d'ise tarnaape wo in d'ise uṅsuwo, kono leemadá eṅ yon aa y'inda wo aṅkeṅ aa yi bilde, yon yi digge wo aṅkeṅ ni y'uune."»

16

Ono ombide a tukki wede yeeriyo metike

¹ Saṅ Isa y'an di ruute a sanalliyagí, y'ede: «I d'ede wede laale soo inṅkino, yon i-d'ede wedusu yi di yeeriyo laalayí. Wede laale geṅ d'uwu an i d'iido ti rabila, kono wede yeeriyo yi-ti y' daggiya laalayí me.

² Maṅ wede laale y'a wiike wede yeeriyo wo yi di ruute, y'ede: "Kee n'illiga naabadá ere k'isiyo te, k'o t'ôodi taaya a urzi naabadá, kono ki ki yeera ye baa laalayó me."

³ Inṅkino maṅ wede yeeriyo y'a ruute t'adda k'addí, y'ede: "Nuṅ eṅ n'aasa mummino, t'ume naabo yeeriyo galmeegó yi-ti'n addiya geṅ me? Ki derku nuṅ toogadó umbo, wo k'ahultu a nuṅ sukiyagi.

⁴ Geṅ ni suune munda wede n'a isa me. Inṅkino aame t'ume naabo yeeriyo yi n'ud'fa maṅ, dṅ ede an di n' seeda di kane me."

⁵ Inṅkino maṅ kane dṅ i zid'fe seeyagi ki galmeegí, y'a ti'n wiiko soo soo. Yi di ruute a wede ki poone, y'ede: "Kee ginno seezá miibi ki-t'ela a galmeegó me?"

⁶ Yoŋ yi di'n gime onamí, y'ede: "Boŋgali ada sire k'egey k'inŋi k'olibiyee." Wede yeeriyo yi di ruute, y'ede: "Mattup ki seezá ettiyo, kesiko ki koono ki raana boŋgali koomat."

⁷ Saŋ yi di ruute a wede doolo, y'ede: "Wo kee me, seezá miibi ki t'ela me?" Yoŋ yi di'n gime onamí, y'ede: "Suwal meeda pife ki geme." Wede yeeriyo yi di ruute, y'ede: "Mattup ki seezá ettiyo, ki raana suwal meeda afo."

⁸ Wo yo galmeega y'a y'imme wede yeeriyo wede ki diine ye geŋ me, kono y'ize'ŋ metiŋko. Inŋino maŋ kane doŋ duniya a urzi lekkiyo ere ti tuddaŋ gette, kane mentikagi an jiiere kane doŋ ki Raa toorayi a eedaŋ.»

⁹ Isa y'a ruute sey, y'ede: «Wo kun ollo, nuŋ n'un di rooto, kun soŋŋo laŋziyagi ti laale wede kun ooniyo t'urzi wede ki diine ye geŋ me. Inŋino onniyo soo yo laale geŋ ti beyguŋ yi dikka maŋ, kane laŋziyagi an un di'n seedey adda boyfi doŋ duwo an di lekkey ki daayum.

¹⁰ Wede a naabo ere neŋko booloŋ yi ti seedu zakidi geŋ, a naabo ere meeda toŋ duwo an zaape addaŋ a yode kay. Wo wede a naabo ere neŋko booloŋ yi ki ti seedu zakidi ye geŋ, a naabo ere meeda toŋ duwo an ki zaape addaŋ a yode ye kay.

¹¹ Inŋino maŋ, aame kune a laale wede kun ooniyo t'urzi wede ki diine ye eŋ, kun ki y' ziida zakidi ye maŋ, Raa toŋ yi k'aane y'un ki t'ele a beyguŋ ye laale wede ki kotto me.

¹² Wo aame a laale wede ki kune ye kun ki y' ziida zakidi ye maŋ, Raa toŋ y'un ki t'eley ye laale wede ki kune me.

13 Wede naabo soo ton umbo a aane a naabe ti galmaawi sire me, ise man son y'a y'olmida wo y'a-geyye soo me, wo ise man y'a di kette ti wede soo me wo son y'a yi kiigira. Kun k'aane kun ki ti daane ye, urzi Raa wo urzi sonko sirwan pay me.»

Urzi Moziko Raa

14 Aame kane Pariziyen an illiga ono don pay Isa yi ruutite genno man, an di y' koobyito kono kane sonko an ti geeyiso.

15 Isa y'an di ruute, y'ede: «Kune a daana duwo kun ti t'isiyo tuddugun aa don ki diine, wo Raa addugun yi'ni suune, kono munda wede duwo an yi woliyo goole gen, Raa yi y'azzuru a daanadi me.

16 Ono don an riine ti kaaga adda mattup k'oogoro Muusa ti don ki nebiyagi gen, urzizan a iide bini aaniya Zan Batis. T'ume gen an di kazita Rabila Majjaanawa ki Moziko Raa, wo wede tuuku ton yi d'eliyo gotono kono yi-t'ette k'adda.

17 Wo kun ollo koduwo, oone a kandaane ti siido an t'engile me, wo oone baadan sey a arku raaniya soo wede nenku a jiiire k'oogoro ette y'a dagge me.

18 Wede tuuku eddi yi ti biira wo y'a ziida erewo ti doolo man, Raa yi y' woliyo yon wede i moone t'ere bakadi. Wo wede yi ziida erewo ere kulatu yi ti-biire man, Raa yi y' woliyo yon wede i moone t'ere bakadi.»

Ono ombife a tukki wede laale kane ti Lazar

19 San man Isa y'an d'iide taaya, y'ede: «I d'ede wede laale soo inkino kallagi y'ossiyo ki

ramica zooyatú ooṅe, daayum yi lekkiyo togos adda k'unṣuwo wo daayum yi d'isiyo ombo baadaṅ aa ki tarnaape, ḍuwo an d'ombo.

²⁰ I d'ede wedusu i-k'ede munda ye sundí Lazar, tuddí kundayi risimik kaṅ moone a biza bumbu ki wede laale geṅṅo.

²¹ Yoṅ y'a dihe y'a oomi ombo ere i soldite t'ekki taabul ki wede laale geṅṅo toṅ umbo, wo ḍe kane gahiti toṅ an d'ettiyo an di daldutu kundayzí.

²² Wede i-k'ede munda ye y'inda maṅ, maaleekiyagi an t'umbe undí ki sirpa k'Ibirayim. Saṅ wede laale toṅ y'a inda, an t'ittiba.

²³ Wo kaṅ unde y'a t'iide k'adda diine ḍoṅ unto, wo a ume geṅ yi dabirsa baadaṅ. Maṅ y'a umbe edayí k'awwa, y'a wulle ti dokki Ibirayim wo Lazar a sirpadí.

²⁴ Injino y'a idili, y'ede: "Ibirayim mee'ki nuṅ, k'iso adde koduwo a nuṅ, k'agibi Lazar yi d'oṅko ahu a biza yilsadí, y'o di zozza a bizó, ilzó a t'orsa kono ni dabirsa baadaṅ adda k'uwwo ette."

²⁵ Wo Ibirayim yi di ruute, y'ede: "Ulo ki nuṅ, ki suune aame kee adda duniya lekkiyadá ki tuuze tuuziyo, wo Lazar y'uune dabar baadaṅ. Wo aṅkeṅ Raa yi ti y' zille a eṅṅo me, wo kee ki-t'iide adda dabar baadí.

²⁶ Wo soṅ i d'ede olḍe sohuru wo goole aa bulḍume a diine kune ti kaye me. Injino maṅ ḍoṅ i dehu ette t'eṅṅo k'ume kune, an k'aane ye, wo ḍoṅ t'ume kune an dehu an d'etto k'ume kaye, an k'aane ye."

²⁷ Wede laale y'a ruute, y'ede: "Injino maṅ

mee'ki nuŋ, ki wollo sommagó k'agiba Lazar ki boy meegó,

²⁸ kono oo d'ede zemba paat, y'a ette y'an di tookey kuudaŋ, kono kane toŋ an ki d'etto k'ume dabar enno ye."

²⁹ Ibirayim yi di ruute, y'ede: "Zembadá an d'ede mattup k'oogoro Muusa ti doŋ ki nebiyagi, onamaŋ an'n olligey."

³⁰ Wede laale yi di ruute, y'ede: "Geŋ i k'iide ye Ibirayim mee'ki nuŋ, wo aame wede ti diine doŋ unto y'iida y'an uuney maŋ, aame geŋ an di-kimey lekkiyadaŋ."

³¹ Wo Ibirayim yi di ruute, y'ede: "Aame mattup k'oogoro Muusa ti doŋ ki nebiyagi, onamaŋ an ki dihe an k'olliga ye maŋ, ki kotto kane an k'ambe ye aame wede ti diine doŋ unto y'a balde y'a ette toŋ maŋ."»

17

Urzi k'oldiko ti tambobino (Matiye 18.6-7; Markus 9.42)

¹ Isa y'an di ruute a sanalliyagi, y'ede: «Derec, kane suldi daayum ede doŋ i-t'eliyo d'uwu adda k'oldiko me, wo de dabar a yode wede i t'eliyo bakadi adda k'oldiko.

² A wede in'kino geŋ, dabar ere an i di kette assa meeda a golladi an ti y' se'de adda bar gette, soodo sey ti ere yi t'ooney a daana Raa te, aame yi t'eliyo adda k'oldiko wede soo ti diine kane doŋ tasse a urzi zaapu k'adde a nuuno maŋ.

³ Kun koonaa mentikagi!

Aame leemadá yi t'iza oldfiko a kee maṅ, k'odo ki y'oonoy, ki rootoy munda wede y'a ize geṅ ti golla ere tasse, wo aame yi-k'illigey oldfikadí yi ti zuuney yi-gimey lekkiyadí maṅ, k'ooyo ki t'iso tambobino te.

⁴ Wo aame leemadá yi t'iza oldfiko a kee wo saṅ y'a iido ki tuddá, y'a t'eese: "Leema ki nuṅ, nuṅ oldfikadó ni ti zuune n'a-kime lekkiyadó", inḱino inḱino adda k'onṅṅu taṅ sarat toṅ maṅ, k'ooyo ki t'iso tambobino te.»

Zaapu k'adde a Isa

⁵ Doṅ zina Galmeega an i di ruute, an'de: «Zaapu k'addey a kee baata, k'ayni noogi t'a t'ihira.»

⁶ Galmeega y'a ruute, y'ede: «Ki kotto, aame kune zaapu k'addugun a nuṅ t'aase neṅko aa ulo k'undumu sundí mutard toṅ maṅ, kun aane kun i di roote a undumu eṅ, kun t'eese: "T'umayá eṅ ki-d'eeto ki koonoy adda bar", ki kotto y'a olliga onamgun, y'a-d'eete.»

Naabo ere in d'ise

⁷ «Kun ollo, aakede wede soo ti diinagun i-d'ede wede naabo yi derku ise y'elso moode koo maṅ. Aame yi wulle wede naabo y'aahiya ti doome maṅ, ki kotto yi-ki roote ye: "Kesiko k'okki ki-koono ombó me.»

⁸ Ki too maṅ yi di roote, y'a t'eese: "K'o isi ombó, wo kallagá k'a booyo ki-t'ossi d'ofon ti doolo, ombó k'o d'eli, k'o d'eeli sobo koore ni t'iima wo n'aa t'iiba maṅ. Saṅ a kaabadá kee k'a ooma wo k'a siba kollo.»

⁹ Wede geŋ yi roota d'ey koduwo a wede naabadí, a naabo ere yi ruute y'aase, yi t'ize gette? Aha, yi-ki roota ye koduwo me.

¹⁰ Geŋ ki kune toŋ in'kino: Aame naabagun ere an un ruute kun ti t'ize pay maŋ, kun rooto kun'de: "Kaye doŋ naabo ay k'ede urzi duwo an ay ki roote koduwo ye, ay ize munda wede an ay ruute ay d'ise danjal."»

Eliyo beeko a doŋ bitide kane koomat

¹¹ Aame Isa yo a urzi y'ette ki Zeruzalem geŋ, y'a udde ti diine siido Samari kane ti Galile.

¹² A ettiyadi k'adda k'ille soo in'kino gette, doŋ bitide koomat an t'iide an a di y' t'ikkimo. Kane an t'ihirte ti dokki*

¹³ wo an d'iise dollite, an'de: «Isa, kee wede dooyisadey, k'iso adde koduwo a kaye.»

¹⁴ Isa y'anni wulle wo y'an di ruute, y'ede: «Kun'do, tuddugun kun an ti kazoy a doŋ sedefe†.» Aame an'te k'ume doŋ sedefe botto geŋ, a urzi bitidayan a nukkiŋ an t'ize kamilen.

¹⁵ Wede soo ti diinayan yi wulle y'uune bee maŋ, y'a-gime k'ume k'Isa, yi-tamma Raa ti golla awwa.

¹⁶ Y'iide'ŋ y'a dikke a zoŋ k'Isa, y'a t'uttile zumayí a siido, wo y'a ruute koduwo a Isa. Wo yo wede geŋ Samariten.

* **17:12 17.12 An t'ihirte ti dokki:** Kane doŋ bitide geŋ an t'ihirte ti dokki kono di kane Yawudiyagi, duwo an'ni wolleyo kane doŋ bitide geŋ doŋ kamilen ye a daana Raa me. In'kino maŋ an k'ede urzi an ki d'ette ki sirpa duwo ye. Kun wollo adda mattup ki Lebitik 13.45-46. † **17:14 17.14** Kun wollo adda mattup ki Lebitik 14.2-3.

17 Injino Isa y'a ruute, y'ede: «Kane koomat geŋ an ki t'ize kamilen̄ ye ko? Wo kane dɔŋ gessat uune bee too me?»

18 Wenda a elke y'a-kimo y'a t'imme Raa umbo daa ki torgusu eŋno ye maŋ?»

19 Maŋ Isa yi di ruute, y'ede: «Ki t'oozo, k'eŋgilo. Kono kee ki ziipe addá a nuŋ geŋ, k'utte.»

Aaniya ki Moziko Raa

20 Onniyo soo kane Pariziyen̄ an di tunde Isa, an'de: «Woogo Moziko Raa t'aana me?» Yoŋ y'an di'n gime onamaŋ, y'ede: «Aaniya Moziko Raa, tod'te urzi wede aa munda kun gi di wolla t'ersaguŋ ye.

21 Duwo an ki roota ye: “Kun wollo tod'te a eŋno!”, ise “Tod'te a ummey me!” Derec kun suuno, Moziko Raa tod'te a diinaguŋ.»

22 Injino maŋ Isa y'an di ruute a sanalliyagi, y'ede: «Saŋ onniyo t'aana ere kun di deha kun ti n' wolle onniyo soo toŋ maŋ, nuŋ wede an n'ehe aa ulo wede eŋ me, wo umbo kun ki n' wolla ye.

23 Aame geŋ duwo an un di roota, an t'eesa: “Kun wollo yoŋ a eŋno!”, ise “Yoŋ a ummey!” Wo kune kun'ta ye, kun t'okkita ye.

24 Wo aa kun woliyo mizzi y'omile biɓiɓi i-ti tooriyo kandaane pay geŋ, onniyo ki nuŋ wede an n'ehe aa ulo wede eŋno toŋ, t'aasa injino kay.

25 Wo de ki poone i dehu n'a dabire baadaŋ wo dɔŋ ankenno eŋ an di n' kiigira.

26 Munda wede ize ti kaaga a ozzinagi dɔŋ ki Nowe geŋ, a onniytagi dɔŋ ki nuŋ wede an n'ehe aa ulo wede eŋno toŋ, aasa injino kay.

27 Duwo an d'ombo, an sobo, an seŋdu ti tuddaŋ bini onniyo ere Nowe yi-t'iide adda tooko ere meeda a jiiere. Maŋ mizzi goole y'a guppe, ahu an t'iimi siido, inŋkino duwo geŋ pay an t'inda adda k'ahu‡.

28 Wo soŋ munda wede ize a ozzinagi Lot geŋ a aana inŋkino kay: duwo geŋ an d'ombo, an sobo, an d'owilte, an t'owilte, an d'aatiya wo an d'ossige boydi.

29 Wo a onniyo ere Lot yi t'ufde ti geeger Sodom maŋ, Raa ti kandaane y'a guppe ubali k'uwwu ti moonu ki suupire, an t'iide duwo pay§.

30 Geŋ aasa inŋkino kay a onniyo ere nuŋ wede an n'ehe aa ulu wede eŋ, ni kiza tuddó geŋ me.

31 A onniyo gette, wede y'a ti gili yi-guune t'ekki danggayadi* wo suldzí yi iili adda maŋ, yi-dēego sokiyo ye, yi t'ombo. Inŋkino kay wede yoŋ adda doome maŋ, yi kima ki boozí ye.

32 Kun elko a taaya k'ere Lot†.

33 Wede yi diha boohiyo tuddí k'aggadí maŋ, y'a ti dagga, wo wede y'iila tuddí kono nuuno maŋ, y'a t'utta.

34 Kun ollo, n'un di rooto, a diddo gettiyo batum doŋ sire an moone oŋgalzaŋ soo, wede soo an di y'amba wo wede soŋ an di y'oola.

‡ 17:27 17.27 Taaya ki Nowe k'a ti t'oone adda mattup ki Zenez

6.9-7.24. § 17:29 17.29 Taaya ki Lot k'a ti t'oone adda mattup

ki Zenez 19.24-25. * 17:31 17.31 **Yi-guune t'ekki danggay:**

I-kaza a siido k'Izirayel geŋ duwo danggaydayzaŋ geŋ awhizaŋ patal kono a ume muno an a di koliyo t'eego, an di lekkiyo wo an d'isiyo naabadaŋ. † 17:32 17.32 Kun wollo adda mattup ki

Zenez 19.26.

³⁵ Erayi sire an massu kaɗ soo, ere soo an ti t'amba wo ere soo an di t'oola.

³⁶ Kuuli sire kane adda doome soo, wede soo an di y'amba wo wede soɗ an di y'oola.»

³⁷ Inkiɗo maɗ kane sanalliyagi an di y' tunde, an'de: «Galmeegey, a ume too me aasa me?» Wo yoɗ y'an di ruute, y'ede: «A ume wede nuune yi t'udiga geɗ, zumbi toɗ ti t'ogiya aɗgeɗɗo.»

18

Ono ombife a tukki mandaayawa ti wede booro

¹ Isa yi dehu y'an di kize a sanalliyagi kono an di tonde Raa daayum an ki t'orme ye. Inkiɗo y'an di rootiyo t'urzi k'ono ombife eɗɗo,

² y'ede: «Adda geeger soo i d'ede wede dekkiyo booro, yoɗ yi k'orgiso a Raa ye wo yi k'ottilso a wenda ye.

³ Wo adda geeger gette i d'ede mandaayawa soo inkiɗo, ti d'ettiyo daayum ki tukki yode geɗ me, ti d'eesiyo: “Kee k'ay t'isi booradey ti wede k'olmidayó me.”

⁴ Inkiɗo aaze onniytagi baadaɗ wede geɗ yi ki dehu yi-k'ise booratú ye. Wo saɗ y'a ruute adda k'addi, y'ede: “Derec, nuɗ a Raa ni-k'orgiso ye, wo a wenda soo toɗ ni-k'ottilso ye.

⁵ Wo to mandaayawa ette nuɗ ti ti n'ormiyo, inkiɗo booratú ni di t'ise, para maɗ ti kodfime baadaɗ t'o ti kossa eedó.”»

⁶ Saɗ Galmeege y'a ruute sey, y'ede: «Kun ollo koduwo ono ki wede dekkiyo booro wede ki diine ye yi rootiyo.

⁷ Wo yo Raa booro ki don yi biire, yi ki ti defke ye ko aame kane an i moolo onnu wo didfo man? Ki noogiyadan y'a-t'osse ko?

⁸ Kun ollo, n'un di rooto, kesiko booradan y'an ti-defke. Wo nun wede an n'ehe aa ulo wede en, aame ni-kimo gen, n'iido duwo ni-t'oona dey ko don i ziipe addan a nun a siifo me?»

Pariziyen ti wede sedfu jibaaye

⁹ I d'ede duwo ongon an elkiyo kane don ki diine a daana Raa, wo an di koogire don ongon pay. Inkinoman Isa yi rootiyo ono ombide sey a tukki kane genno, y'ede:

¹⁰ «I d'ede don sire inkinoman an t'iide ton-diyo Raa k'adda booro Boy Raa. Kane gen wede son Pariziyen, son wede sedfu jibaaye.

¹¹ Yo Pariziyen gen y'a t'ihira yi ton-diyo Raa t'adda k'addi, y'ede: "Eyye Raa ki nun, n'a di roote koduwo kono nun aa don ongo ye, kane don k'oogire, don ki diine ye, don i moonite t'erayi ise ti kuuli k'eeban, wo son nun aa wede sedfu jibaaye enno ye.

¹² Adda suuk ni lekkiyo onniyo sire daa k'ombo, ni d'eliyo zakka a Raa ki sulfizó don pay n'ooniyo me."

¹³ Yo wede sedfu jibaaye'n y'a t'ihira dokki, edayi k'awwa ki kandaane ton yi ki dehu yi k'ambe ye, wo y'a-t'ibi beydi a giggiri, y'a ruute, y'ede: "Eyye Raa ki nun, ki wollo sommagi ki nun wede k'oldiko enno."»

¹⁴ Isa y'a ruute sey, y'ede: «Kun ollo, n'un di rooto, yo wede sedfu jibaaye'n y'a aahe ki boozí, Raa y'a yi wulle yon ki diine, wo ki bakadi Raa

y'a yi wulle yoŋ ki diine ye. Derec, wede tuuku tuddí yi ti-koliyo maŋ, Raa y'a y'isa ñeŋku, wo de wede tuddí yi ti-t'isiyo ñeŋko maŋ, Raa y'a y'isa goole.»

Isa ti inñi sunni

(Matiye 19.13-15; Markus 10.13-16)

¹⁵ Duwo an di ziko inñi sunni a Isa kono y'an di zaape beezí a eedaŋ. Kane sanalliyagi an wulle inkiŋo maŋ, an ki dehu ye, an di'n eddisito duwo geŋ me.

¹⁶ Wo de Isa y'a ele urzi kono inñi an i-d'ette sirpadí, wo y'a ruute, y'ede: «Kun oolo inñi eŋ an d'etto ki tuddó, kun ti'n eegire ye, kono Moziko Raa tod'te ki doŋ i deeyiso aa kane kino.

¹⁷ Derec inkiŋo wo n'un di rooto: Wede tuuku Moziko Raa yi ki ti seedu aa yi seedu ulo ñeŋku ye maŋ, yi ki t'etta ye.»

Isa ti wede laale

(Matiye 19.16-30; Markus 10.17-31)

¹⁸ I d'ede wede inkiŋo i-d'ede gooliko y'a tunde Isa, y'ede: «Wede dooyisadey kee wede beehiye, n'aase moo me kono n'a t'oona lekkiyo ere ki daayum te?»

¹⁹ Isa yi di ruute, y'ede: «Ki moo me ki rootiyo nuŋ wede beehiye me? Beehiye Raa soo danŋal, wenda ti doolo umbo.

²⁰ Kee urziyagi k'oogoro ki'ni suune doŋ an'de: Ki moone t'ere bakadá ise ti kule bakatú ulu, ki tôwwo wedusu mirsi ulu, k'oogire ulu, ki rootiyo k'ono butte a tukki bakadá a daana booro ulu, wo ki elo suma a meegá ti meedá.»

21 Wede geɗ yi di'n gime onamí, y'ede: «Kane geɗ pay ni'ni seedu t'ume nuɗ obulsu to.»

22 Aame Isa y'illiga in̄kino maɗ yi di ruute, y'ede: «Kee a ki biite munda soo sey: suldi ɗoɗ a-d'ede'ɗ ki t'owiltoy pay wo soŋko k'an d'eloy a ɗoɗ an k'ede munda ye, in̄kino k'a t'ooney laale wede ki kotto a kandaane. Saɗ k'a t'edi wo k'a ni daana.»

23 Aame wede geɗ y'illiga in̄kino maɗ, y'a t'ize sommagi dondoɗ kono yoɗ laalayí baadaɗ.

24 Isa yi wulle wede geɗ yi t'ize sommagi dondoɗ maɗ, y'a ruute, y'ede: «Ki kotto ooɗe baadaɗ a ɗoɗ maala an t'ettey adda Moziko Raa te!

25 Derec kun suune, ooɗe a zinjzo ti-t'adde ti buldo rippile me, wo geɗ ooɗe baadaɗ a ceere sey a wede laale yi-t'ettey a Moziko Raa te.»

26 Kane ɗoɗ i y'ollige an di ruute, an'de: «In̄kino maɗ, geɗ a utta wee wee?»

27 Yo Isa y'an di'n gime onamaɗ, y'ede: «Munda wede ɗuwo an k'aane ye geɗ, a Raa i-k'ooɗe ye, y'aane.»

28 Maɗ Piyer y'a ruute, y'ede: «Aɗken̄ k'ollo, kaye'ɗ sulɗizey pay ay d'iilo wo ay di daaniya kee.»

29 Isa y'an di ruute, y'ede: «Derec in̄kino wo n'un di rooto: Wede tuuku yi iila ɓoozí, ise eddí, zembadi kuuli, maawí wo in̄nizí kono Moziko Raa maɗ,

30 a lekkiyo ere aɗken̄no ette kane geɗ y'anni t'oona baadaɗ a ceera, wo saɗ maɗ adda duniya ere ki ɗaana y'a t'ooney lekkiyo ere ki daayum.»

Ono k'Isa don k'aduwe a urzi k'untadi ti baldiyadi

(Matiye 20.17-19; Markus 10.32-34)

³¹ Isa y'a ti'n wiike sanalliyagi kane koomat makumu sire ki sirpadi, wo y'an di ruute, y'ede: «Kun ollo, in ti kili ki Zeruzalem wo a ummey suldi pay don nebiyagi an riije a tukki nunj wede an n'ehe aa ulo wede en, a-t'ettye baa.

³² Injino man nunj duwo an di n' t'eley a bey don kane Yawudiyagi ye, an di n' t'okkey maade, an di n' kilditey wo an pidfitey lee a tuddo.

³³ An di n' gorpipay ti marpa, san an aa di n' t'idey, wo onniyo sire k'aduwe man, Raa y'a ti n' baldyey.»

³⁴ Wo kane sanalliyagi munda soo ton an ki zuune ye, ita k'ono gette an t'ize ombife, wo an ki zuune ye munda wede Isa yi rootiyo me.

Eliyo beeko a wede koosiyo a Zeriko

(Matiye 20.29-34; Markus 10.46-52)

³⁵ Onniyo soo Isa y'iiney goppon ki geeger Zeriko man, i d'ede wedusu koosiyo yi guune a biza k'urzi wo yi d'ahultu.

³⁶ Wede gen y'illiga tarkuuse ki don duuru engile genno man, y'anni tunde, y'ede: «De tarkuuse ki moo me?»

³⁷ Kane an i di ruute, an'de: «Gen Isa wede ti geeger Nazaret engile me.»

³⁸ Man y'a iise d'olle, y'ede: «Isa kee Wede ti biza bumbu Dawut, k'iso adde koduwo a nunj!»

³⁹ Kane don i sooru ki daana an di y'eddisito kono y'a anniga, wo de yon y'a d'olle i ceeriyo ki ceeriyo, yi d'eesiyo: «Kee Wede ti biza bumbu

Dawut, k'iso adde koduwo a nuṅ, k'iso adde koduwo a nuṅ!»

⁴⁰ Isa y'a t'ihira, wo y'an di ruute, y'ede: «Wede geṅ kun oo ti y'arkidī.» Wo aame an i-ti y'irkido maṅ, Isa y'a yi tunde, y'ede:

⁴¹ «Kee ki dehu n'a-d'ise moo me?» Wede geṅ yi di'n gime onamí, y'ede: «Galmeegey, ni dehu edayó a-t'ihina.»

⁴² Maṅ Isa yi di ruute, y'ede: «Edayá a-t'ohon k'a wollo! Kono kee ki ziipe addá a nuuno geṅ, k'utte.»

⁴³ A kaamiki edayí a t'ihina, maṅ y'a diine Isa, yi tamma Raá. Kane dṅ duuru pay an wulle inṅino maṅ, an tamma Raá kay.

19

Isa ti Zaase

¹ Isa yi t'iide adda geeger Zeriko, wo yi-doopida y'engile ki daana.

² Maṅ a ume geṅ i d'iido wedusu sundí Zaase, yoṅ goole dṅ sedḍu jibaaye wo yoṅ ki laale.

³ Yi dehutu urzi y'a ti y' wolle yo Isa miṅ wee wee, wo urzi y'a ti y' wolle umbo kono duwo baadan an i-t'iigire, yoṅ kupili.

⁴ Inṅino maṅ y'a ukke ki daana, y'iide'ṅ y'a di gili ekk'undumu aa moote, kono Isa y'adda tin geṅṅo, y'a ti y' wolla.

⁵ Aame Isa y'iiney a ume k'undumu geṅṅo maṅ, y'a umbe edayí k'awwa wo yi di ruute, y'ede: «Zaase, kesiko ki-d'eegi, anki eṅ i dehu n'a-d'egey a di kee.»

6 Kesiko t'ekk'undumu Zaase yi-ti d̄iigo, an d'aahe boozí wo y'a yi ziiɗa Isa t'ulbe un̄se.

7 Aame d̄uwo an wulle in̄kino maɗ, kane pay an d'orbite sun̄ni sun̄ni ti tuddaɗ, an'de: «Kun wollo wede eɗ, y'a d̄iige a di wede k'oldiko!»

8 Wo Zaase y'a d'iide k'ume Galmeega, yi di ruute, y'ede: «Kee k'ollo Galmee'ki nuɗ, laalayó n'a-dookiɗa omagi sire, ume soo n'an di-dokkiɗa ki waawiye a d̄oɗ an k'ede munda ye. Wo aame ni-t'umbe soɗko ki wenda daa k'urzutu toɗ, ni-di t'ela t'a aagila taɗ pide.»

9 In̄kino maɗ Isa y'a ruute a tukki Zaase, y'ede: «An̄ki eɗ d̄oɗ boɗ Zaase an uune uttiyo ere ki kotto, kono yode Zaase toɗ ti biza bumbu k'Ibirayim*.

10 Derec, nuɗ wede an n'ehe aa ulo wede eɗ, n'iido'ɗ dehuu ki d̄oɗ i digge adda k'oldikadaɗ wo n'an t'ele uttiyo.»

*Ono ombide a tukki d̄oɗ naabo aɗo
(Matiye 25.14-30)*

11 A kane d̄oɗ illiga ono geɗ, Isa y'an di ruute ono ombide sey kono y'iina goppon ti Zeruzalem, wo toɗ kane an elkiyo Moziko Raa t'aana an di wolla a kaamiki geɗɗo.

12 In̄kino maɗ y'a ruute, y'ede: «I d'ede wedusu in̄kino ti biza bumbu wede goole, y'a in̄gile ki siido dokki ombo moziko, saɗ y'a-kimo.

13 Ki poone y'a eɗgile geɗ, yi wiike d̄oɗ koomat ti diine d̄oɗ naabadí, wo y'an d'eele a wede soɗ

* **19:9 19.9 Zaase toɗ ti biza bumbu k'Ibirayim:** I-kaza yi ziipe addi a Raa aa ki Ibirayim.

tamma soo soo ki dap ere zooyatú ooñe†, wo y'an di ruute, y'ede: "Kun di naabo eego, t'aa d'aagal bini kamadó."

14 Wo kane ñon siidadi an y'olmide, inkino an d'igibe ñuwo k'itadi kono an di rootey, an t'eesey: "Kaye wede en ay ki dehu y'a k'ise mozigayey ye."

15 Wo aame wede geñ yi t'iimo moziko yi-gimo mañ, y'anni wiike kane ñon naabadi ñon y'an dikki soñko gette, kono y'a-wolle naabadañ an aa uune t'eego moo me.

16 Wede ki poone y'a iina wo y'a ruute, y'ede: "Galmee'ki nuñ, ti tamma ere k'o ele gette, n'aa d'uune a ñide tamma koomat ki dap."

17 Mozigo yi di ruute, y'ede: "Geñ koduwo kee wede naabo beehiye, kee a naabo ere boolon gettiñ k'a ti ziidfa zakidi, ankeñ n'a-ki ti zaapo wede goole t'ekki geegiryagi koomat."

18 Wede ki sirwe y'a iina wo y'a ruute, y'ede: "Galmee'ki nuñ, ti tamma ere k'o ele gette, n'aa d'uune a ñide tamma paat ki dap."

19 A yode geñño ton mozigo yi di ruute, y'ede: "Kee n'a-ki ti zaapo wede goole t'ekki geegiryagi paat."

20 Wede ti doolo y'a iina, y'a ruute, y'ede: "Galmee'ki nuñ, ettiyo tammada ki dap te, nuñ n'a-gitte a buude, n'a ziipe a teddise.

21 N'a orgiso kono kee wehini a naabo me, ki-t'ambu munda wede i ki ziipe kee ye, wo ki d'aydu a ume wede ki ki giira ye ton mañ."

† 19:13 19.13 Ankeñño tamma ki dap soo, i-kaza dupu sire.

²² Maṅ mozigo yi di ruute, y'ede: "Kee wede naabo ulsu, n'a d'efkke booro a eedá ti ono d'of udfde ti bizá geṅ me. Ki suune nuṅ wehini a naabo me, munda wede i ki ziipe nuuno ye toṅ ni-t'ambu, wo ni d'aydu a ume wede ni ki giira ye maṅ.

²³ Inkino ki moo me soṅkadó k'o gi di ziipe adda baṅki ye me, t'o d'aagila, a kamadó geṅ n'iido n'a-t'ambe ti jugulu."

²⁴ Maṅ y'an di ruute a kane d'of a sirpadí geṅ, y'ede: "Tammadí ki dap te kun ti soodo, kun i elo a wede i-d'ede tamma koomat."

²⁵ Maṅ kane an di ruute, an'de: "Galmeegey, yoṅ i-d'ede baa tamma ki dap koomat te."

²⁶ Yoṅ y'a ruute, y'ede: "Kun ollo, n'un di rooto, a wede i-d'ede geṅ, an i-t'eela t'eego, wo de a wede i-k'ede ye geṅ, mundazí wede booloṅ y'elkiyo yi t'oona toṅ an i-t'amba.

²⁷ Wo d'of kane adu ti nuṅ, an ki dihe n'a k'ise mozigayan ye geṅ, kun ti'n waaki keṅṅo kun ti'n t'ida a d'aanadó."»

Isa y'aa t'ette ki Zeruzalem

(Matiye 21.1-11,15-17; Markus 11.1-10; Zaṅ 12.12-16)

²⁸ Aame Isa y'a ti ruute inkino maṅ, y'an t'uugume a d'of duuru kono y'a-kili ki Zeruzalem.

²⁹ Isa y'iiney goppon t'illiyagi sundaṅ Betpaze wo Betani, a sirpa mukkolo ere an ti waaku mukkolo k'Inda k'Olibiye. A ume geṅ yi d'igibe d'of sire ti diine sanalliyagi,

³⁰ wo y'an di ruute, y'ede: «Kun'do k'adda k'ille ere a d'aanagun gettiyo. Kun iiney, aame

geŋ kun t'ooney ulo buuru kettiyo, wenda kan soo toŋ yi ki gili ye. Kun t'eezi, kun o-t'arkidfi.

³¹ Wo aame wenda y'unni tunday, y'iisey: "Kun ti y'eeziyo moo me?" maŋ, kun d'eesoy: "Buuru eŋ i dehu Galmeega."»

³² Kane d'oŋ y'an agisa'ŋ an d'ingile, an iide'ŋ an di'n uoney suldfi'ŋ pay aa Isa y'an ruute.

³³ Aame an iise eeziyo k'ulo buuru maŋ, kane d'oŋzi an di ruute, an'de: «De kun t'eeziyo ulo buuru eŋ ki moo me?»

³⁴ Kane an an di'n gime onamaŋ, an'de: «Buuru eŋ i dehu Galmeega.»

³⁵ Maŋ ulo buuru an i-d'iide a Isa, an a-ti gikkite kallagaŋ d'oŋ deero a dar k'ulo buuru wo Isa an a-ti y' gili eego.

³⁶ A urzi y'ettiyo geŋ, d'uwu an di gikkite kallagaŋ d'oŋ deero, yi sooru eego‡.

³⁷ Aame y'iina goppon ti Zeruzalem a ume d'eegu ti mukkolo k'Inda k'Olibiye maŋ, kane sanalliyagi baadaŋ geŋ pay ulbaŋ a ûune t'uŋsuwo, an d'iise tamma Raa ti golla awwa a suldfi k'armika d'oŋ pay an wullite geŋ me.

³⁸ Kane an d'eesiyo:
«Beeko Raa ti koonaa a ekki mozigo wede ettiyo ti suma Galmeega Raa!
Toose t'a koone a kandaane wo tamma a Raa t'awwa a kandaane§!»

³⁹ I d'ede Pariziyen miibi ti diine d'oŋ duuru, an i-di ruute a Isa, an'de: «Wede dooyisadey, sanalliyagá ki'n eddiso, an d'anniga!»

‡ **19:36 19.36** Kakkisa kallagi a urzi kono yi sooru eego geŋ, i-kaza yoŋ wede an'ni ottilso baadaŋ. § **19:38 19.38** Kun wollo adda mattup ki Soom 118.26.

40 Wo Isa y'an ti'n gime onaman, y'ede: «Kun ollo, n'un di rooto, aame kane an inniga man, mongali toŋ an di dillita!»

Môolo k'Isa kono Zeruzalem

41 Aame Isa y'a t'ette ki geeger Zeruzalem wo yi ti wulle man, y'a iise môolo kono tode,

42 y'ede: «Wayya, wayya! Kune doŋ ki Zeruzalem, nuŋ ni dihe baadaŋ kune batum, onniyo gette aŋki urzi wede kun di t'oone toose kun yi zuune man! Wo de umbo, aŋkenno edagun Raa y'un t'ippe, urzi toose kun ki y' wolle ye baa.

43 Inkino saŋ onniytagi an aana eggun, aame geŋ doŋ k'adugun an kilita siido a-doola geeger gette pay ki deyyisagun, an un ti'n gootika t'ume tuuku toŋ man.

44 Kane an un ti'n damba kame kamec ti boydugun pay, makkolo soo toŋ t'ekki bakatú an k'oola ye, kono kune onniyo ere Raa y'iido tuddugun, kun ki dihe kun ki di y' suune ye.»

Isa ti doŋ suuk a booro Boy Raa

(Matiye 21.12-13; Markus 11.15-19; Zaŋ 2.13-16)

45 Saŋ Isa yi-t'iide a booro Boy Raa, wo y'a iise lommitte doŋ isiyo suuk*.

46 Y'an di ruute, y'ede: «Kun ollo, ono eŋ an riine ti kaaga adda mattup ki Raa, an'de: “Boozó

* **19:45 19.45** Isiyo suuk adda booro boy Raa, ki suldi doŋ k'eliyo sefeke a Raa ulu ye. Wo kane an ti diile, an oogire d'uwu t'urzi koliyo zooye suldi. Inkino man Isa y'an iise lommitte.

en y'a koonaa boy wede ki tonɗiyo Raa†.” Wo ɗe kune, kun di y'ize urmi k'ombiɗe ɗonj k'oogire‡!»

⁴⁷ Isa genj onniyo ti onniyo yi dooyiso ɗuwo a booro Boy Raa. Kane deero ɗonj seɗeɗe ti ɗonj suuniyo k'oogoro wo ti ɗonj deero Yawudiyagi genj, an dehuɗu urzi ki tōwwaɗi,

⁴⁸ wo ɗe urzi an ki y'ooniyo ye, kono kane ɗonj pay an ollige baadaɗ dooyisaɗi gette.

20

T'urzi k'aaye Isa yi dooyiso me?

(Matiye 21.23-27; Markus 11.27-33)

¹ Onniyo soo Isa yi dooyiso ɗuwo wo y'an kazita Rabila Majjaanawa a booro Boy Raa. Maɗ kane deero ɗonj seɗeɗe, ɗonj suuniyo k'oogoro ti ɗonj i dokkiyo Yawudiyagi, an d'iido tuddi

² wo an i di ruute, an'de: «Kee k'ay ki ti rooti ɗoo, k'isiyto sulɗi enj t'urzi k'aaye? Wo urzi enj a ele wee wee?»

³ Isa y'an di'n gime onamaɗ, y'ede: «Nuɗ tonj n'un di'n tondo a munda soo. Onamó kun o ti'n kami:

⁴ Aame Zaɗ ɗuwo y'anni zuyye batem genj, urzi iido ti Raa kunuɗ ti ɗuwo ko?»

⁵ Maɗ an d'iise rootiyto ti tuddaɗ, an'de: «Aame kine in ruuta: “Iido'ɗ t'urzi Raa” maɗ, yonj y'a roota: “Injino ki moo me kun ki d'umbe a ono Zaɗ ye me?”

⁶ Wo aame kine in ruuta: “Iido'ɗ t'urzi ɗuwo” maɗ, ɗonj duuru pay an in ti'n kakkita ti moɗgali

† 19:46 19.46 Kun wollo adda mattup ki Ezayi 56.7. ‡ 19:46 19.46 Kun wollo adda mattup ki Zeremi 7.11.

ki tôwwadiŋ, kono kane an zuune adda k'addan Zaŋ yoŋ nebi.»

⁷ Inŋkino maŋ Isa onamí an i-ti'n gime, an'de: «Ay ki suune ye wenda i ele urzi me.»

⁸ Maŋ Isa y'an di ruute, y'ede: «Nuŋ toŋ maŋ n'un ki y' roote ye kay, wede o ele urzi ni d'isiyto suldi enj me.»

*Ono ombide a tukki doŋ naabo doome ulpi
(Matiye 21.33-46; Markus 12.1-12)*

⁹ Saŋ maŋ Isa y'a iise rootiyo a doŋ duuru t'ono ombide enno, y'ede: «I d'ede wedusu inŋkino yi d'iite doome k'inda sundan biŋ, maŋ doome geŋ y'an d'ele duwo an di naabe saŋ yoŋ aggadí y'a t'amba. Wo yoŋ tuddí y'a inŋgile torguwo, y'a ki kimo kesiko ye.

¹⁰ Aame onniyo rakku t'iina maŋ, y'a igibe wede naabadí soo ki tukki doŋ naabo doome geŋno, kono an i di t'elo aggadí ere k'inŋni biŋ an rikke te. Aame y'iiney maŋ, kane doŋ naabo doome'ŋ wede naabadí an di y' ziida, an di y' gusse, an aa di y'igibe beezí guguba.

¹¹ Wede doome'ŋ yi d'igibe wede naabadí ti doolo, wo yode geŋno toŋ an di y' ziida, an di y' gusse, an a-ti y' gildite, an aa di y'igibe beezí guguba.

¹² Wo yi d'igibe wede naabadí k'aduwe sey, yode geŋno toŋ an i-t'eelite kundayi, wo t'adda doome an aa di y'ilmi.

¹³ Inŋkino maŋ wede doome k'inda biŋ y'a ruute t'adda k'addí, y'ede: “De n'aase mum-mino me? N'a t'igiba ulo ki geyyisadó, a yode geŋ koo an i otiley maŋ.”

14 Wo dfe aame kane dɔŋ naabo doome'ŋ ulo an yi wulle maŋ, an d'iise rootiyto ti tuddaŋ, an'de: "Enno ulo wede doome i oopa me! In y'ôodo konô doome eŋ in d'ooa a kine."

15 Maŋ ulo geŋ an di y' ziidfa, t'adda doome an di y'irkide ki toogo ki paate, wo an di y'ïide.»

Maŋ Isa y'a ruute, y'ede: «Wo aŋkeŋ wede doome k'inda biŋ y'an d'isa mummino?

16 Yoŋ y'a etto, dɔŋ naabo doome geŋ y'a ti'n t'ïda wo doome k'inda biŋ y'an t'ela a dɔŋ naabo doolo, saŋ aggadí y'a t'amba.» Aame kane dɔwo an illiga ono geŋno maŋ, an di ruute, an'de: «Aha, inkiŋo geŋ i k'isa ye!»

17 Wo Isa yi di'n wolliso adda k'edayaŋ wo y'an di ruute, y'ede: «I-kaza moo me ono dɔŋ an riine ti kaaga adda mattup ki Raa, an'de:

"Mokkolo ere dɔŋ k'oozige boy an di zidde mentú gette,
tode gettiyo a t'ize mokkolo ere majjaanawa a
jiire k'oozige boy*" te?

18 Wede tuuku y'a t'iira ekki mokkolo gettiyo maŋ, y'a-damba, wo aame mokkolo gette ti-di t'iira a wenda maŋ, t'a ti y' ñoguma.»

19 Kane deero dɔŋ sedefe ti dɔŋ suuniyo k'oogoro, an di zuune kereŋ Isa yi rootiyo ono ombide geŋ ti kane me. Inkiŋo maŋ an di dihe an di y' seeda aame geŋno batum, wo dfe an d'urgide a dɔŋ duuru.

*Eliyo jibaaye a mozigo goole ki Romen
(Matiye 22.15-22; Markus 12.13-17)*

* 20:17 20.17 Kun wollo adda mattup ki Soom 118.22.

²⁰ Maŋ kane geŋ Isa an di y'iise gerdiyo. Wo an i d'igibe ɗuwo an ti t'ize tuddaŋ aa ɗoŋ ki diine, kane an dehu an di y' seedfey t'urzi tondiso, kono aame yi ti ruuta butte maŋ, an t'oona urzi an i-di y' t'ela a bey goole siido.

²¹ Kane an di y' tunde, an'de: «Wede dooyisadey, ay suune ono ɗoŋ ki rootiyto wo ti dooyisada kane a urzizaŋ, ki'ni woliyo ɗuwo pay kaŋ soo wo ki dooyiso urzi Raa t'ono ɗoŋ ɗerec.

²² Aŋkeŋ, a urzi k'oogiradiŋ miŋ jibaaye a mozigo goole ki Romen geŋ k'eliyo kunuŋ, k'eliyo ye ko?»

²³ Wo Isa metiŋkadan y'a ti zuune, wo y'an di ruute, y'ede:

²⁴ «Kun o k'eeli tamma soo n'a ki wolle ɗo. Undiso ti suma ekki tamma ette k'aaye?» Kane an i di'n gime onamí, an'de: «Ki mozigo goole ki Romen.»

²⁵ Maŋ Isa y'an di ruute, y'ede: «Inkino maŋ munda wede ki mozigo goole ki Romen yon ki yode kun i y'elo, wo munda wede ki Raa yon ki yode kun i y'elo.»

²⁶ A onamí ɗoŋ yi rootiyto a ɗaana ɗuwo geŋ, an ki d'iine seedfuzi ye, wo a ono ɗoŋ y'anni gime geŋ kane an ziida giggiraŋ wo an d'inniga ɗeɗɗek.

Balɗiya tiŋ ede ko?

(Matiye 22.23-33; Markus 12.18-27)

²⁷ Doŋ miibi ti diine ɗoŋ an'ni waaku sundaŋ Saduseyeŋ, an d'iide sirpa k'Isa. Kun suune kane Saduseyeŋ an rootiyto ɗoŋ i t'inda an ki ti balɗa ye. Inkino Isa an di y' tunde, an'de:

28 «Wede dooyisadey, Muusa yi riije ti kaaga adda mattup k'oogoro munda wede in d'ise me, y'ede: "Aame wede yi ziida erewo wo y'a inda daa magiṇe maṇ, mandaayawa gette leemadi y'a ti seeda kono an t'ehe inṇi a suma ki wede inda genṇo†."»

29 Inṇino aakede i d'ede zamba kane sarat. Wede ki poone y'a ziida erewo wo y'a inda daa magiṇe.

30 Wede ki sirwe y'a ti ziida wo y'a inda daa magiṇe,

31 saṇ wede k'aduwe toṇ inṇino. Kane sarat geṇ an di duude pay, wo an t'inda wenda soo toṇ yi k'uune magiṇe ye.

32 K'ita maṇ tode toṇ t'aa d'inda kay.

33 Inṇino maṇ a onniyo ere doṇ i t'inda an ti balda geṇ, ti diine kane zamba geṇ erewo gette t'aasa k'aaye, kono kane sarat pay geṇ miṇ kulutu me?»

34 Isa y'an di ruute, y'ede: «Kuuli ti erayi an sedfa tuddaṇ adda duniya ettiyo.

35 Wo de ki kane doṇ Raa yi'ni wulle an iide ki baldiya ti diine doṇ unto wo an di lekka a duniya ere ki daana gette, kane kuuli ti erayi an ki sedfa tuddaṇ ye baa.

36 Kane geṇ an ki t'inda ye baa, kono an t'ize aa maaleekiyagi. Kane inṇi Raa, kono ti unto an ti bilde.

37 Wo a urzi baldiya ki doṇ i t'inda geṇ, Muusa yi ruute kereṇ adda taaya ki beyga k'undumu oggiyo uwo dala dala gette, aame geṇ y'a yi

† 20:28 20.28 Kun wollo adda mattup ki Deeterenom 25.5-6.

wiike Galmeega Raa, “Raa k’Ibirayim, k’Isaaka wo ki Yakup‡.”»

³⁸ Isa y’a ruute sey, y’ede: «Raa geŋ yoŋ Raa ki dŋoŋ unto ye, yoŋ Raa ki dŋoŋ zeere, kono a yode kane pay geŋ zeere§.»

³⁹ Doŋ suuniyo k’oogoro miibi ti diinayaŋ an i-di ruute, an’de: «Wede dooyisadey, onamá ki ruute geŋ a urzizaŋ.»

⁴⁰ An rootiyo iŋkino kono an urgide, an di y’ tondite ti doolo sey me.

Almasi yoŋ ulo k’aaye?

(Matiye 22.41-45; Markus 12.35-37)

⁴¹ Isa y’an di ruute, y’ede: «Mummino me duwo an di rootiyo Almasi Raa yi biire, y’adfo ti biza bumbu Dawut me?

⁴² Wo yode Dawut batum y’a ruute ti kaaga adda mattup ki Soom*, y’ede:

“Galmeega Raa yi di ruute a Galmeegó, y’ede: K’edi ki-koona a ammidadó kino,

⁴³ bini dŋoŋ k’aduzá n’an isa aa munda ki bita ti dandí zoŋdá.”

⁴⁴ Inkino maŋ Dawut yi yi waaku Almasi “Galmeega.” De geŋ mummino Almasi y’a adfo ti biza bumbu Dawut danŋal me†?»

‡ **20:37 20.37** Kun wollo adda mattup ki Egzod 3.6. § **20:38 20.38** *Raa geŋ yoŋ Raa ki dŋoŋ unto ye, yoŋ Raa ki dŋoŋ zeere:* I-kaza kane dŋoŋ afo Ibirayim, Isaaka wo Yakup geŋ an t’inda ti kaagine ozzinagi baadaŋ, ki poone Raa yi di roota a Muusa botto. Aame yi rootiyo kane zeere maŋ, geŋ i-kaza baldiya ede.

* **20:42 20.42** Kun wollo adda mattup ki Soom 110.1. † **20:44 20.44** *Mummino Almasi y’a adfo ti biza bumbu Dawut danŋal me:* Geŋ i-kaza y’etto ti sirpa Raa, ti biza bumbu Dawut danŋal ye.

*Ondirso a ɗuwo a tukki ɗoŋ suuniyo k'oogoro
(Markus 12.37-40)*

⁴⁵ Isa y'an di ruute a sanalliyagí a ɗaana ɗoŋ pay i y'ollige, y'ede:

⁴⁶ «Kun koona mentikagi ti ɗoŋ suuniyo k'oogoro! Kane an geyyiso sooru ti kallagi deero a arga boy, wo a bere ɗoŋ duuru an geyyiso ɗuwo an an di'n t'eesite ti ottilso. Adda ɓoyɗi ɗoŋ in di dooyiso, an geyyiso an koone a ume wede suma, wo adda tarnaapagi a ume k'omɓo toŋ, an geyyiso an koone a ume wede suma pây.

⁴⁷ Kane geŋ bey mandayɗayi an t'omɓo pay, wo soŋ an eesiyo tondiyo Raa maŋ ki noko nokot kono ɗuwo an di'n wolle. Kane geŋ booradan t'a kooney wehini a ceerey.»

21

*Mandaayawa i-k'ede munda ye
(Markus 12.41-44)*

¹ Saŋ Isa y'a umbe edayí, maŋ yi wolliyo ɗoŋ laale an eliyo soŋkiyagan a Raa, a ume wede an d'eliyo soŋko a booro Boy Raa.

² Wo yi wulle soŋ mandaayawa i-k'ede munda ye, tod' t'ele soŋko sunni sunni sire.

³ Maŋ Isa y'a ruute, y'ede: «Derec inŋkino wo n'un di rooto: Mandaayawa i-k'ede munda ye ette, tod' t'ele a jiiire ki kane ɗoŋ oŋgo pay.

⁴ Derec, kane ɗoŋ laale pay geŋ an ele t'adda soŋko ere an uupe oopiyo, wo ɗe tod'te k'umbatú'ŋ t'a d'ele pay soŋko ere ii guute ki lekkiyatú te.»

*Ono d'ofɔŋ a urzi ruugiyo Boy Raa
(Matiye 24.1-2; Markus 13.1-2)*

⁵ I d'ede d'ofɔŋ miibi an di rootiyo a tukki Boy Raa, an'de: «Yo boy eŋ, mongalí ti oozigayí wo ti suldi d'ofɔŋ d'uwɔ an i ele a Raa, kane pay majjandani.» Wo Isa y'a ruute, y'ede:

⁶ «Boy kun yi wolliyo eŋ, saŋ onniytagi an d'aana mukkolo soo toŋ t'ekki bakatú i ki lekka ye, pay a ruuga.»

*Onniytagi d'ofɔŋ etto ki dabar
(Matiye 24.3-8; Markus 13.3-8)*

⁷ Injino maŋ kane an di y' tunde, an'de: «Wede dooyisadey, de suldi geŋ an aana woogo me? Wo moo me munda wede a kiza onniyo kino suldi geŋ an aana me?»

⁸ Isa y'an di'n gime onaman, y'ede: «Kun koono mentikagi, kun oola tuddugun a d'uwɔ an un ti'n dagga ye. Derec, i d'etto d'ofɔŋ baadan an t'ambo sundó, wede tuuku toŋ y'a t'eesa: "Nuŋ Almasi Raa yi biire!", wo soŋ "Peedo t'iide!" Kane geŋ kun'ni daana ye.

⁹ Kun d'olliga tarkuuse ki arka goppon, wo kun d'olliga rabila k'oozige deyyiso dokki. Aame geŋ kun addira ye. I dehu suldi geŋ an d'aane d'oo, wo aame geŋ a ki t'isa kaamiki dangiya duniya ye botto.»

¹⁰ Saŋ y'an di ruute, y'ede: «Doŋ siido soo ti siido soo te an deyya ti tuddan, d'ofɔŋ mozigo soo ti mozigo soo me an deyya ti tuddan kay.

¹¹ I d'isa nonjirsito siido ti toogo, wo adda siidiyagi baadan toŋ i d'isa mosogo wo endani d'ettiso, soŋ i d'isa a kandaane suldi d'ofɔŋ k'a

addira, wo suldi dɔŋ k'a seeda giggerá i-kaza munda etto.

¹² Wo de ki poone suldi dɔŋ pay eŋ an d'aana geŋ, kune an un di'n seɗɗa wo an un di'n dabira. An un di'n t'etta k'ume dɔŋ booro adda boydi dɔŋ in di dooyiso, an un ti'n t'ela adda daŋgay, wo an un di'n t'etta daana mozagi wo daana dɔŋ deero siido kono kun umbe a sundó.

¹³ Geŋ un t'isa a kune urzi wede kun di roota a suldi dɔŋ kun wulle wo kun illiga a tukki nuuno.

¹⁴ Kun zaapo addugun a ono ni roota eŋ me: A munda wede kun d'oodiba eggun geŋ, kun okkima tuddugun ki poone ye.

¹⁵ Aame geŋ nuŋ batum un t'eley ono a ceerey kun di'n rootey ti suuniyo k'ono ere dɔŋ k'adugun an k'aane an un ki ti'n kidɗita ye, an ki rootey ono eŋ butte ye.

¹⁶ Kune maawugun, zembagun, taasiyagun wo lanziyagun geŋ, kane batum unni t'ela bey dɔŋ deero, wo an ti'n t'ida dɔŋ baadan ti diinagun me.

¹⁷ Kune dɔŋ duniya pay an un di'n olmiɗa kono kun umbe a sundó,

¹⁸ wo ililso k'eggun soo toŋ i ki dagga ye.

¹⁹ Kun soodo zakidi bini daŋgu, inkinno t'urzi geŋ kun t'oona lekkiyo ere ki daayum.»

Booro a tukki Zeruzalem

(Matiye 24.15-21; Markus 13.14-19)

²⁰ «Aame kun wulla geeger ki Zeruzalem asigiryagi an di ti d'uula maŋ, kun suuno aame geŋ onniyatú t'iide, tod'te an di damba kame kamec.

²¹ Inkinno maŋ kane dɔŋ adda siido Ziide an t'ombo k'ekki moŋgali, kane dɔŋ adda geeger

Zeruzalem an t'adfo, wo kane don a dombi iduule geeger gette an etta ye k'adda geeger te.

²² Derec, onniytagi geɗ an koona ki booro Raa, aame geɗ a aana kono a-t'etta a ono don pay an riine ti kaaga adda mattup ki Raa.

²³ A onniytagi geɗ aasa dabar baadan a kane erayi don mahuwagi ti don innizan an oodiyo! Derec, adda siido gette aasa dabar baadan, wo kulkuwo Raa t'a deega a tukki don siido gettiyo.

²⁴ Don ongo an ti'n t'ida ti kasigara, don ongo an ti'n sedfa bulagi ki siidiyagi pay adda duniya, wo kane don Yawudiyagi ye, Zeruzalem an d'onyilsa zonfan bini dangu k'onniytagi don Raa y'an dikke.»

*Kama ki yo wede an y'ehe aa ulo wede
(Matiye 24.29-31; Markus 13.24-27)*

²⁵ «Kun ollo, ekki peedo, ekki tere wo ekki moldali ton, i d'isa suldi don a kiza munda. Adda siidiyagi pay duwo an d'addira, an di-t'ela elkiso baadan a tarkuuse wede ki bar wo ti wede ki ahu i kolzite geɗ me.

²⁶ Duwo an di-t'inda k'orgiso ti elkiso a munda wede aana adda siido pay, kono suldi don an d'ede toogo a kandaane, Raa y'a ti'n gozziga.

²⁷ Inkinno man an di n' wolla nuɗ wede an n'ehe aa ulo wede en, n'a aana ekki dondirso ti toogo ere pay wo ti daryika ere o d'ede.

²⁸ Aame suldi geɗ an iisa ettiyto man, kun t'ohor kan ohire, kun t'ambo eggun awwa, kono addiyagun goppon.»

*Ono ombife a tukki tormo
(Matiye 24.32-35; Markus 13.28-31)*

29 Saɗ Isa y'an di ruute ono ombide enno, y'ede: «Kun wollo tormo wo ti inda don ongo pay.

30 Aame kun wolliyo inda geɗ puutagizaɗ eesiyo roobiyo maɗ, kune batum kun suune adda k'addugaɗ kizini yoɗ goppon.

31 Geɗ inkiɗo kay, kun wulla suldi geɗ an iina maɗ, kun suuno Moziko Raa tod'te goppon.

32 Derec inkiɗo wo n'un di rooto: Don ankenno eɗ an ki ti t'inda pay ye, ki poone suldi pay geɗ an d'aana me.

33 Kandaane kane ti siido an t'engila, wo kane onamo an ki t'engila ye, an di lekka ki daayum.»

Kooke a urzi metinjo

34 «Kun koona mentikagi, peefagaɗ kun ti t'engile a isiyto tarnaapagi, ti sobito wo a elkisito suldi don ki lekkiyo duniya ye. Para maɗ onniyo ere Raa yi deka booro t'aana aame kun ki ti delliyo ye.

35 Tod' t'etto aakede lebidɗo, kono t'a di t'ippa a tukki don adda duniya geɗ pay.

36 Kun lekko zeere, kun tondo Raa daa puukiyo. Inkiɗo kun t'ona toogo kono kun t'alda ti suldi don pay aana k'ita, wo aame nuɗ wede an n'ehe aa ulo wede eɗ n'iina maɗ, n'un di'n t'ona kune kaɗ ohire a daanado me.»

37 Isa geɗ a onnu yi-t'ettiyo dooyiso duwo k'adda booro Boy Raa, wo a diddo maɗ yi-t'ettiyo yi d'onniyo ekki makkolo ere an ti waaku makkolo k'Inda k'Olibiye.

38 Ti soohe walak maŋ, kane doŋ duuru an t'ettiyo an di y'ooniyo a booro Boy Raa kono an di y'olliga.

22

*Dehutu k'urzi ki tôwwu k'Isa
(Matiye 26.1-5,14-16; Markus 14.1-2,10-11)*

1 Tarnaape wede an d'ombo mappa daa k'orme, an yi waaku Pak ki Yawudiyagi geŋ, a guute goppon.

2 Aame geŋ kane deero doŋ sedefe ti doŋ suuniyo k'oogoro an dehutu urzi ki tôwwu k'Isa, wo an d'orgiso a doŋ duuru me.

Ziidas ti deero doŋ sedefe

3 Inŋino Meeda siitandani ti-t'iide eedí Ziidas wede an yi waaku sundí soo Iskariyot, yoŋ wede ti diine sanalliyagi kane koomat makumu sire geŋ me.

4 Yoŋ y'a iide an di ruuto ti deero doŋ sedefe wo ti deero doŋ boohiyo Boy Raa, a urzi wede mummino y'an di y' t'ela Isa a beezan me.

5 Kane ulban a t'ize unse baadan wo an i di ruute an i-t'eela soŋko.

6 Aame geŋ Ziidas y'a iyye, maŋ y'a iise dehutu k'urzi wede kan mummino y'an di y' t'ela Isa a beezan wo kane doŋ duuru an ki suuna ye me.

*Dehu k'ume k'isiyo k'ombo ere ki Pak
(Matiye 26.17-19; Markus 14.12-16)*

7 Adda tarnaape ki Yawudiyagi wede an d'ombo mappa daa k'orme geŋ, onniyo t'a iina ere an di waldutu inŋi dambami an d'isiyo ombo ere ki Pak ki Yawudiyagi te.

⁸ Injino maŋ Isa y'a igibe Piyer kane ti Zaŋ, wo y'an di ruute, y'ede: «Kun'do kun in isoy ombo tarnaapayin ki Pak kono in d'ooma.»

⁹ Maŋ kane an di y' tunde, an'de: «De a too me kee ki dehu ay in d'isey ombe te?»

¹⁰ Yoŋ y'an di'n gime onamaŋ, y'ede: «Kun ollo, aame kun aa t'ettey k'adda geeger, kun t'ikkimey ti wedusu yi t'eezo ahu ti dingile, kun di y' daanoy bini adda boy wede y'a t'ettey.

¹¹ Wo kun t'iidey maŋ, a wede boy kun i di rootoy, kun d'eesoy: “Wede dooyisadey yi ki ton-diyo, too te biino ere y'a ooma ombo tarnaapayin ki Pak ti sanalliyagi me?”

¹² Wo yoŋ biino y'un di kizey tod'te dildil t'awwa t'ekki bakatú, sulfi pay adda okkime. Geŋ a ume geŋŋo kun d'isoy ombo te.»

¹³ Maŋ kane an d'ingile, an iide'ŋ sulfi an di'n uuney pay aakede Isa y'an ruute, injino ombo tarnaape ki Pak an t'ize.

Isa y'ombo ombo tarnaape ki Pak ti sanalliyagi

(Matiye 26.26-29; Markus 14.22-25; 1 Korent 11.23-26)

¹⁴ Aame peedo t'iide maŋ, Isa y'a-guune ombo ti doŋ zindi

¹⁵ wo y'an di ruute, y'ede: «Nuŋ ti kaagine ni dihe t'addó pay ombo tarnaapayin ki Pak ette n'a oomi ti kune, ki poone n'a dabira geŋ me.

¹⁶ Geŋ kun ollo, n'un di rooto, ombo ette ni k'ooma ye baa, bini urzutú a-t'etta kereŋ a aaniya Moziko Raa.»

17 Injino maɲ y'a t'umbe kop, y'a ruute koduwo a Raa, maɲ y'ede: «Kun soodo kop eɲ, kun di dokko wede soɲ yi goomo goomo.

18 Geɲ kun ollo, n'un di rooto, n'a t'iibe ti aɲki, ki daana ni ki siba ye baa toote k'inɲi biɲ me, bini aaniya Moziko Raa.»

19 Saɲ y'a t'umbe mappa, y'a ruute koduwo a Raa kono k'ombo gette, maɲ y'a burke, y'an d'ele sanalliyagi wo y'a ruute, y'ede: «Ette tuddo ere ni t'ela kono kune, kun d'iso injino kono kun d'elka a nuuno.»

20 Aame an t'iimi maɲ, ki kop toɲ injino, y'a t'umbe y'an d'ele wo y'a ruute, y'ede: «Kop ti sobo adda ette, tod'te taasua ere aware Raa yi ketta ti duwo t'urzi puuzado, to t'oba kono kune.

21 Wo kun ollo, wede yi ni t'ela bey don k'olmidayo, yon a enno, y'ombo ti nuɲ kaɲ soo.

22 Derec, nuɲ wede an n'ehe aa ulo wede eɲ n'a t'inda, geɲ a-t'etta a munda wede aa Raa yi dehu, wo de dabar a wede yi ni t'ela bey don k'olmidayo.»

23 Injino maɲ an d'iise tondiso ti tuddaɲ, an'de: «De geɲ ti diinayin wee wee aasa munda injino me?»

Wee wee goole a jiire me?

(Matiye 18.1; 20.25-28; Markus 9.34; 10.42-45)

24 Saɲ maɲ kane sanalliyagi an d'iise niikiyto baadaɲ ti tuddaɲ kono an dehu an di suune, ti diinayaɲ miɲ wee wee goole a jiire me.

25 Maɲ Isa y'an di ruute, y'ede: «Kane mozagi siidiyagi pay an d'ombo t'ekki donzaɲ ti toogo, wo kane don an d'ede urzi ki dokkiyo ekki

ɗoŋzan, an dehu ɗuwo an di'n waake "Ɗoŋ k'isiyo beehiyko."

²⁶ Wo ki kune inƙino ye. Ki too maŋ wede goole a jiire ti diinaguŋ y'a t'ise aa wede ñeŋku a jiire, wo wede yi dokkiyo ɗuwo y'a t'ise aa wede naabo a ɗuwo.

²⁷ Wo a elkiyaguŋ maŋ, wede goole a jiire wee wee, wede i-guune ombo kunuŋ, wede i naabiya a yode geŋŋo ko? Kun suune, goole wede i-guune ombo. Wo kun wollo, aŋkeŋŋo nuŋ a diinaguŋ eŋ aa wede i naabiya a kune.

²⁸ Kune kun ziidfa daayum zakidfi a ita nuŋ adda suldfi ɗoŋ ooŋe o iido me.

²⁹ Wo Meegó y'o ele Moziko a nuŋ, inƙino kay nuŋ n'un di-t'ele a kune.

³⁰ Inƙino maŋ kun d'oomey kun di siɓey ti nuŋ kaŋ soo adda mozikadó, wo kun di konditey ekki kaakidagi moziko, kun ɗekkey booro a tukki boha bumbiyagi koomat makumu sire ki ɗoŋ k'Izirayel.»

Tookiyo kuude ki Piyer

³¹ Galmeeega y'a ruute, y'ede: «Simo, Simo, kee k'ollo, Meeda siitandani ti tunde urzi ti Raa wo yi-d'ele, kune pay t'un ti'n tonɗile aakede an tonɗilso geme.

³² Wo ɗe nuŋ n'a tunde Raa kono kee, kono zaapu k'addá a nuŋ a ki dagge ye. Wo aame ki-gimo a nuuno maŋ, zembadá k'an eelo togo.»

³³ Maŋ Piyer yi di ruute, y'ede: «Galmee'ki nuŋ, n'iyye n'a t'ette ti kee, ise k'adda dangay, ise n'a t'indey ton maŋ.»

³⁴ Isa yi di ruute, y'ede: «Piyer k'ollo, n'a di rooto, anki a didfo ki poone uzu y'a kookila geŋ, k'a roota ki ki n' suune ye, suune ye taŋ afo.»

Okkime tudde ki sanalliyagi k'Isa

³⁵ Maŋ Isa y'an di ruute sey, y'ede: «Aame n'un igibe isiyo naabadó daa soŋko, daa k'eese wo daa tobiyagi geŋ, munda unni biito ko?» Kane an i di'n gime onami, an'de: «Munda ay ki'n biito ye.»

³⁶ Yoŋ y'an di ruute, y'ede: «Wo ankenno eŋ wede i-d'ede soŋko maŋ y'a t'ambe, wede i d'ede eese toŋ inkiŋo kay, wo wede i-k'ede kasigara ye maŋ, kallayi wede goole y'a t'owol, wo yi d'owili kasigara te.

³⁷ Geŋ kun ollo, n'un di rooto, eŋ ono foŋ an riine ti kaaga adda mattup ki Raa, an'de: "Yoŋ an aa ti y' gize ti foŋ tôwwo d'uwu kaŋ soo*." Geŋ inkiŋo i dehu o d'aane. Maŋ ono foŋ an riine a tukki nuŋ geŋ, a-t'etta.»

³⁸ Kane sanalliyagi an di ruute, an'de: «Galmeegey, kasigara ede, sire ettiyo.» Yoŋ y'an di'n gime onamaŋ, y'ede: «Geŋ îide baa.»

*Tondiyo Raa ekki mukkolo k'Inda k'Olibiye
(Matiye 26.36-41; Markus 14.32-38)*

³⁹ Maŋ t'adda geeger Isa yi-t'ufde, y'a inŋile k'ekki mukkolo k'Inda k'Olibiye aa yi d'isiyo daayum, wo kane sanalliyagi an di y' diine.

⁴⁰ Aame y'iiney a ume geŋno maŋ, yoŋ y'an di ruute, y'ede: «Kun tondo Raa kono kun ki t'ooro adda naamiya daggiya ye.»

* 22:37 22.37 Kun wollo adda mattup ki Ezayi 53.12.

⁴¹ Wo yon y'aa lidfe dokki ti tuddan suma wede y'a seɗfe mukkolo, man y'a-dikke wo yi tonɗiyo Raa, y'ede:

⁴² «Meegó, ki dehu man dabar ette k'o ti ledfo ti tuddó me, wo ton man a ki t'ise aa nun ni dehu ye, wo a t'ise aa kee ki dehu.»

⁴³ Man i d'iido maaleeka ti kandaane yi d'eele toogo a Isa me.

⁴⁴ Isa ulbí i-d'oodiyo baadan, man yi tonɗiyo Raa ti toogo a jiiire sey, wo ranndá a t'ize aa puuzo i zozziso a siido.

⁴⁵ Aame yi-tunde Raa man, y'a t'iiziga y'a-gime ki tukki sanalliyagi, y'an di'n uuney kane an udige kono an t'ize sommagi dondon.

⁴⁶ Yon y'an di ruute, y'ede: «Ki moo me kun moone me? Kun t'oozo wo kun tondo Raa, kono kun ki t'ooro adda naamiya daggiya ye.»

*Seedu k'Isa ki tôwwadí
(Matiye 26.47-55; Markus 14.43-49)*

⁴⁷ Isa onamí y'a ki ti'n dinge ye botto, aame gen kane don duuru an t'udfo. Yode wede an yi waaku Ziidas, yon ti diine sanalliyagi kane koomat makumu sire gen, y'an t'uugumo a don duuru me. An iiney man, y'a d'iide sirpa k'Isa y'a yi ziida yop kono yi-d'ise puuc a tobbisadí.

⁴⁸ Isa yi di ruute, y'ede: «Ziidas, nun wede an n'ehe aa ulo wede en, k'an di n' t'ele bey don k'olmidayó t'urzi k'isiyo puuc a tobbisadó ko?»

⁴⁹ Aame kane don a ita k'Isa an wulle munda wede isa genno man, an di y' tunde, an'de: «Galmeegey, ay ti'n dokko ti kasigara ko?»

⁵⁰ Maṅ wede soo ti diinayan y'a-diikida wede naabo ki mozigo goole d'ɔŋ sedefe, kuudí a díkke.

⁵¹ Wo de Isa y'a ruute, y'ede: «Kun oolo, geŋ iide baa.» Inkiyo yo y'aa butte a kuudí wede geŋno wo yi-d'ele bee.

⁵² Inkiyo maṅ a kane deero d'ɔŋ sedefe, deero d'ɔŋ boohiyo Boy Raa wo ti d'ɔŋ i dokkiyo Yawudiyagi iido seefuzí, Isa y'an di ruute, y'ede: «De ki moo me kun d'ettiyo tuddó wo tuddugun kun t'ikkimo ti kasigaryagi wo ti dalyagi, aa nun wede k'oogire me?»

⁵³ Para maṅ nun miŋ daayum ti kune a booro Boy Raa, wo kun gi di n' ziiɗa ye. Wo de ankeŋno ette peedagun, peedo ere ki d'ɔŋ toogo adda zimolo an d'ise naabadaŋ.»

Piyer y'a kiigira Isa

(Matiye 26.57-58; Markus 14.53-54)

⁵⁴ Maṅ Isa an di y' ziiɗa, an ti y' dukke, an di t'iide k'adda boy ki mozigo goole d'ɔŋ sedefe. Wo Piyer yi di'n daaniya ti dokki.

⁵⁵ Duwo an di mudde uwwo a diine booro boy, wo Piyer y'a zunke yi kookiyo uwwo ti kane.

⁵⁶ Aame yi zunke yi kookiyo uwwo geŋ, i d'ede ere naabo t'a yi wulle, wo ti di y' wolliso tebeŋ adda k'edayí, maṅ t'a ruute, t'ede: «Wede enno toŋ yon ti yode kaŋ soo.»

⁵⁷ Wo Piyer y'a yi giigira, yi di ruute, y'ede: «Erewo no, nun ni ki y' suune ye.»

⁵⁸ Taŋ boolon maṅ i d'iido wede ti doolo, y'a yi wulle wo y'a ruute, y'ede: «Derec, kee toŋ wede soo ti diine kane sanalliyagi k'Isa!» Maṅ Piyer yi

di'n gime onamí, y'ede: «Ato, nuṅ ti diine kane ye.»

⁵⁹ A likke bini maṅ, i d'iido wede ti doolo yi-kodfime, yi d'eesiyo: «Ki kotto wede eṅ yoṅ ti yode kaṅ soo, kono yoṅ ti siidfo Galile.»

⁶⁰ Maṅ Piyer yi di'n gime onamí, y'ede: «Aha, munda wede ki rootiyo geṅ a nuuno ye.» Wo a kaamiki aame y'a ti rootiyo botto geṅ, uzu y'a ñile.

⁶¹ Galmeega y'a gilde ki tukki Piyer wo yi di y' woliyo tebeṅ adda k'edayí. Inkinno maṅ Piyer y'a ilke a ono d'oṅ Galmeega yi-ruute, y'ede: «Anki eṅ ki poone uzu y'a ôola geṅ, k'a roota ki ki n' suune ye, suune ye taṅ adfo.»

⁶² Maṅ t'adda boy Piyer yi-t'udfde ti paate wo y'a iise môolo baadaṅ.

Kaldita wo kossiyo k'Isa

(Matiye 26.67-68; Markus 14.65)

⁶³ Duwo d'oṅ i boohiyo Isa an di y'okko maade wo an di y' kossiyo.

⁶⁴ Edayí an i-t'ippe wo an di y' tondiso, an'de: «Kee nebi maṅ, ki y'unto wede i ki diine me!»

⁶⁵ Wo an i-d'irbita ono baadaṅ ti doolo d'oṅ ki kaldita.

Isa a daana deero d'oṅ booro

(Matiye 26.59,63-65; Markus 14.55,61-64)

⁶⁶ Aame ume i t'umpile maṅ, kane d'oṅ i dokkiyo Yawudiyagi, deero d'oṅ sefeke ti d'oṅ suuniyo k'oogoro, an t'ugiyee pay an di-t'iide Isa ki daana deero booro Yawudiyagi,

⁶⁷ wo an di y' tunde, an'de: «Almasi Raa yi biire, kee ko? K'ay ki ti rooti dfo.» Yoṅ y'an di'n

gime onamañ, y'ede: «Aame n'un ruuta mañ, kun k'amba ye onamó me,

⁶⁸ wo aame n'unni tunda toñ mañ, onamó kun ki ti'n kima ye.

⁶⁹ Wo ti añki eñ, nuñ wede an n'ehe aa ulo wede eñ, n'a-kooney a ammade Raa toogadí t'a jüre pay.»

⁷⁰ Kane pay an di ruute, an'de: «Inkino mañ kee Ulo Raa ko?» Yoñ y'an di'n gime onamañ, y'ede: «Aa kune batum kun ruute, eñ miñ nuuno.»

⁷¹ Inkino mañ an di ruute, an'de: «In ki dehe wenda ti doolo wede illiga y'in ki roote sey ye baa! Kine in illiga bize yode batum i ruute me.»

23

Isa a ðaana Pilat

(Matiye 27.2,11-14; Markus 15.1-5)

¹ Mañ kane ðoñ i t'ugiye an t'iiziga pay, an di-t'iide Isa ki ðaana Pilat, yoñ Romen goole siido.

² A ume geñ kane an d'iise sakiysa k'Isa, an'de: «Wede eñ kaye ay y'uuney ðoñ siidfadey yi ti'n daggiya, y'an rootiyo jibaaye an ti toogo k'eliyo a mozigo goole ki Romen me, wo soñ yi t'ize yode batum Almasi Raa yi biire, yoñ mozigo Yawudiyagi.»

³ Pilat y'a yi tunde, y'ede: «Kee mozigo Yawudiyagi ko?» Isa yi di'n gime onamí, y'ede: «Geñ aa ki ruute.»

⁴ Inkino mañ Pilat y'an di ruute a kane deero ðoñ sedefe ti ðoñ duuru, y'ede: «Wede eñ nuñ munda k'ulsu a eedí ni k'uune ye, wede i di t'ide booro t'a yi seeda me.»

⁵ Wo kane an di kodfime, an'de: «Yon t'urzi dooyisadí don pay y'an t'eliyto ono bini a-t'ooziga deyyiso. Yon y'iiso ti siido Galile, y'a t'uukey siido Ziide pay, wo anken y'aa d'iina a enno.»

Isa a daana mozigo Erod

⁶ Aame Pilat y'illiga ono genno man, y'a tunde, y'ede: «Wede en yon ti siido Galile ko?»

⁷ Wo aame yi zuune Isa yon ti siido ere mozigo Erod Antipas man, Pilat yi di y'igibe a Erod, kono a onniytagi gen yode Erod ton a Zeruzalem.

⁸ Aame Erod yi wulle Isa man, ulbí aaze unse baadan, kono yon y'ollige rabiladí ti kaagine wo yi dehu y'a ti y' wolle. Inkino yi zaapu elkisadí yi-d'isa munda k'armika y'a-wolla.

⁹ Erod y'a yi tundite tan baadan, wo yo Isa yi-k'ohine bizi ye.

¹⁰ Kane deero don sedefe, ti don suuniyo k'oogoro, kane a sirpa an di rootiyto ono ti golla zakifi.

¹¹ Erod kane ti asigiryagi an di y'okko maade wo an di y'ambutu saa saac. An i-di t'usse kalle majjaane, man yi di y'igibe a Pilat.

¹² Erod ti Pilat gen ti poone kane adu, wo ti onniyo gette an t'ize lanziyagi.

Booro k'Isa ki towwadi

¹³ Inkino man Pilat y'a-tusse kane deero don sedefe, deero Yawudiyagi wo ti don duuru,

¹⁴ wo y'an di ruute, y'ede: «Wede en kun oo d'iido'n kun'de, duwo pay yi ti'n daggiya. Inkino ni y' tunde a daanagun a ono don kun rootiyto

a tukki yode geŋ me, wo nuŋ munda ulsu a eedí ni k'uune ye a t'íde booro t'a yi seeda me.

¹⁵ Erod geŋno toŋ munda ulsu yi k'uune ye a eedí me, inkiño y'ay ti y' gimo. Kono k'in kino, wede eŋ munda ulsu yi k'ize ye wede a t'íde k'unto me.

¹⁶ Inkiño maŋ n'an t'ela urzi a asigiryagó an ti y' gorpipa ti marpa doo miŋ, saŋ an i-d'eeza kollo.»

¹⁷ Yi ruute inkiño kono aa an d'isiyo daayum a tarnaape Pak ki Yawudiyagi, i dehu Pilat y'an d'adde wedusu soo t'adda dangay.

¹⁸ Wo pay kaŋ soo an d'iise d'ollite, an'de: «Wede geŋ ki y'óodo! K'ay t'adfi Barabas!»

¹⁹ Yo Barabas geŋ an yi ziida dangay kono yoŋ wede an t'eelite ono a duwo an d'iiziga deyyiso adda geeger ki tukki Romen, wo soŋ y'íide wedusu.

²⁰ Pilat y'an d'iise rootiyo sey a doŋ duuru kono yi dehu Isa yi-d'eeze.

²¹ Wo kane an di d'ollite, an d'eesiyo: «Ki ti y' taako ekk'undumu wede zaapu t'ekki bakadí kaŋ tontilko! Ki ti y' taako ekk'undumu wede zaapu t'ekki bakadí kaŋ tontilko!»

²² Maŋ Pilat y'an di ruute k'aduwe, y'ede: «Wede eŋ munda ulsu miŋ y'ize moo me? Nuŋ maŋ munda ulsu ni k'uune ye a eedí i di t'íde k'unto me. Inkiño n'an t'ela urzi an ti y' gorpipa ti marpa doo miŋ, saŋ an i-d'eeza kollo.»

²³ Wo kane an di kodfime d'ollite ti golla awwa, an d'eesiyo: «Isa ki ti y' taako ekk'undumu wede zaapu t'ekki bakadí kaŋ tontilko!» Maŋ Pilat i-di t'íide a d'ollitadan gette.

²⁴ In̄kino yon̄ booro y'an ti-d̄ikke a munda wede Yawudiyagi an tondiyo me.

²⁵ Barabas wede kane an dehu geṅ, Pilat y'a y'ud̄de, yode wede an ti y'ele adda dangay kono y'an t'eelite ono a d̄uwo an d'iiziga d̄eyyiso ki tukki Romen̄, soṅ y'iide wedusu geṅ me. Wo yo Isa y'an di y'ele a bey k'asigiryagi, an d'ise munda wede kane Yawudiyagi an dehu.

*Taakiya k'Isa ekk'undumu
(Matiye 27.32; Markus 15.21)*

²⁶ Maṅ Isa an di-t'ette k'ume taakiyadi. A urzi an a-t'ikkima ti wede soo in̄kino yon̄ ti geeger Siren̄, sundi Simo, y'aahiya doome. Kane asigiryagi an di y' ziid̄a, an i-d'ele undumu wede zaapu t'ekki bakadi kaṅ tontilko, y'a t'umbe a dannayi wo yi daaniya Isa.

²⁷ Doṅ duuru baadaṅ ki siido gette an di y' daaniya, ti diinayan̄ erayi an a-t'ibi beydaṅ a giggiraṅ wo an di d̄ollite m̄olo kono k'Isa.

²⁸ Maṅ Isa y'a gilde k'ume k'erayi geṅṅo wo y'an di ruute, y'ede: «Kune erayi Zeruzalem no, kun ôole ye kono nuṅ me, ki too maṅ kun ôolo'ṅ ki kune wo ki in̄ṅigun̄.

²⁹ Derec, onniytagi saṅ maṅ an d'aana, aame geṅ an di roota: "Un̄suwo a kane erayi doṅ kartiyagi, a kane doṅ an k'ehe ye wo an k'uude in̄ṅi ye botto."

³⁰ In̄kino maṅ d̄uwo an di roota, an t'eesa: "Mongali an ay di ti'n ruugi!" wo soṅ an t'eesa: "Kessagi an ay ti'n ombidi!"

³¹ Aame d̄uwo an o isiyō kino a nuṅ wede aakede undumu zeere eṅ me maṅ, an d'aana

moo me a kane ñon aakede inda ñon meedi me*?»

³² An a-dukko a ita k'Isa ñon sire ti doolo, kane ñon k'oogire, an ti'n t'ide ti yode kan soo.

³³ An iiney a ume wede sundi «osse k'eego» man, a ume geñ Isa asigiryagi an ti y' tiike ekk'undumu wede zaapu t'ekki bakadi kan ton-tilko. Wo an a-tiike ti yode ñon k'oogire sire, wede son t'undumzi a kese k'ammidadi wo son t'undumzi a kese geeladi.

³⁴ Injino man Isa y'a ruute, y'ede: «Mee'ki nun, k'an t'iso tambobino, kono an ki suune ye munda wede an isiyo geñ me.» Wo asigiryagi an di dikkida kallagi k'Isa t'urzi k'arbu teltel muntelliyo.

³⁵ Kane ñon duuru an t'ihira angenno, an di woliyo. Kane deero Yawudiyagi an di y'okko maade, an d'eesiyo: «Yon ñon doolo y'an utte de, anken y'utto tuddi batum, aame yo Almasi Raa yi biire kotto man!»

³⁶ Kane asigiryagi ton an di y'okko maade, an a d'ettiyo goppon ki sirpadi, an i-d'eliyo toote suddo k'inni k'inda bin y'a sibe,

³⁷ wo an d'eesiyo: «Aame kee mozigo Yawudiyagi kotto man, k'utto tudda batum!»

³⁸ T'ekk'eedi an tiike pakirte wo an a-ti riine, an'de: «Yode en mozigo Yawudiyagi.»

* **23:31 23.31** Ono k'Isa yi rootiyo a tukki **Undumu zeere** wo **Inda ñon meedi**: I-kaza undumu zeere yode Almasi batum, wede i-k'ede oldfiko munda ye ton an di y' dibire bini unto. Inda meedi kane Yawudiyagi ñon k'isiyo k'oldfiko, geñ tan baadan a jire dabar ere an t'ona te.

39 Ti diine don k'oogire sire an ti'n tiike ekk'inda gen, wede son y'a gilde Isa, y'ede: «Kee Almasi Raa yi biire kotto man, k'utto tudda batum wo kaye pay!»

40 Wo yo wede son y'a y'idfise, yi di ruute, y'ede: «Kee a Raa ki-k'orgiso ye, kee wede booro ti ki ziida k'unto ti yode en kan soo.

41 Ki kine dabar ette derec, kono in ooniyo munda wede in ize t'urzi naabadij, wo yo wede en munda ulsu yi k'ize ye.»

42 San y'a ruute sey, y'ede: «Isa, k'a n'elko aame ki-kimo ki mozikada gen me.»

43 Man Isa yi di'n gime onami, y'ede: «Derec injkino wo n'a di rooto: Anki en kee ki-t'etta ti nuj adda jenne.»

Unto k'Isa

(Matiye 27.45-56; Markus 15.33-41)

44-45 Aame peedo t'ize diine man, ti ki tooriyo ye, ume a t'ize zimolo dil a likke bini eesiyo peedo lohe. Wo alboy wede i dfikke adde Boy Raa son k'adda son ki paate, a t'ihina tar a diinayi.

46 Isa y'a idili ti golla awwa, y'ede: «Mee'ki nuj, n'a-d'elo undó a beezá†.» Aame y'a ti ruute injkino man, y'a-t'ihe.

47 Goole k'asigiryagi meeda ki Romen yi wulle munda wede ize me. Man y'a imme Raa wo y'a ruute, y'ede: «Ki kotto wede en yon ki diine.»

48 Kane don duuru pay iide wolliyo gen, aame an wulle munda wede ize man, kane an di-gime, beydan an a-t'ibi giggiran kono an molo.

† 23:46 23.46 Kun wollo adda mattup ki Soom 31.6.

49 Wo kane pay lanziyagi k'Isa ti erayi donj i yi diino ti siidfo Galile, an t'hirte ti dokki an di wolliyo munda wede isiyo.

*Isa adda muuzo
(Matiye 27.57-61; Markus 15.42-47)*

50-51 I d'ede wedusu sundí Yusup yonj ti geeger ki Yawudiyagi sundutú Arimate. Wede genj yonj beehiye wo ki diine, yi zaapu elkisadí a ettiyo Moziko Raa. Yonj wede ti diine deero booro Yawudiyagi, wo yi k'iyye ye a munda wede donj deero booro ongo an dihe an d'ise a tukk'Isa, wo sonj a naabadañ ere an ize te.

52 Yo y'a iide y'a uuney Pilat, y'a yi tunde a nuune k'Isa.

53 Pilat yi-d'iyye, mañ Yusup y'a ti y' dñige nuune t'ekk'undumu wede zaapu t'ekki bakadí kañ tontilko me. Y'a ñilpe ti sotor tuwarwa zooyatú ooñe, yi-t'ele adda muuzo, tod'te aa urmi an ittiba mukkolo, a ume isire wenda kañ soo tonj an k'eele ye.

54 Suldí genj ize onniyo jima, duwo an okkime tuddañ kono onniyo ere ki puukiyo Yawudiyagi ti t'eesa‡.

55 Kane erayi donj i diino Isa ti siidfo Galile genj, Yusup an di y' diine, an di wullo muuzo wo mummino an ziipe nuune k'Isa me.

56 Sañ mañ an di-gime k'adda geeger, an iide'ñ an d'iwilo egey ti puutagi k'inda donj eediyadan

‡ 23:54 23.54 Di Yawudiyagi, onniyo t'eesiyo ti peedfo t'ambe k'ooriyo ere ki anki bini peedfo t'ambe k'ooriyo ere ki soggo. Wo onniyo ere ki puukiyo tonj injino kay, genj injino nuune k'Isa an di dihe an t'ottiba ki poone peedfo t'a oora genj me.

unŕe, an aa di gilse ki rorriso a nuune k'Isa. A onniyo ere ki puukiyo Yawudiyagi maŕ, an di buuke aakede oogoro ti rootiyo.

24

Baldfiya k'Isa

¹ Onniyo dumas ti soohe walak maŕ, erayi an di ziki egey doŕ kalsiya eediyadaŕ unŕe a beydaŕ, an d'ingile ki biza muuzo.

² An iiney maŕ, an wolliyo zumbulu wede an a-t'ippe a biza muuzo'ŕ doŕkilso a kese.

³ Kane an t'iide k'adda muuzo, wo nuune Galmeega Isa an ki y'uuney ye.

⁴ Kane erayi an d'uhibe, a kaamiki a daanadaŕ i d'iido kuuli sire ti kallagi i ralita.

⁵ Inŕkino kane orgiso t'anni ziida, an di nukkite, wo de kuuli doŕ sire geŕ an an di ruute, an'de: «Ki moo me kun wekku wede zeere a diine doŕ unto me?»

⁶ Yoŕ umbo a enno me, Raa yi ti y' bilde. Kun elko a ono doŕ y'un ruute aame yo botto a siido Galile, y'ede:

⁷ "I dehu nuŕ wede an n'ehe aa ulo wede eŕ, an di n' t'ela a bey doŕ k'oldiko, an ti n' taaka ekk'undumu wede zaapu t'ekki bakadi kaŕ tontilko, wo onniyo sire k'aduwe maŕ n'abalda."»

⁸ Inŕkino maŕ kane erayi geŕ an di'n ilke ono doŕ Isa y'an ruute geŕ me.

⁹ Kane ti biza muuzo an di-gime, wo an iide'ŕ an an t'iide taaya gette pay a kane doŕ koomat makumu soo wo a kane sanalliyagi doŕ ongo pay.

10 Kane erayi ɗoŋ iide ki biza muuzo geŋ, Mariyam ere ti siifo Magdalla, Zane wo Mariyam ere mekki Zak. Wo erayi ɗoŋ ti doolo ɗoŋ iide ti kane geŋ, taaya gette an an t'iide pay a ɗoŋ zina k'Isa me.

11 Wo kane a onamaŋ geŋ an di'n wulle erayi aa ɗoŋ maadagi, onamaŋ an ki d'umbe ye.

12 Wo toŋ maŋ Piyer y'a t'iiziga y'a ukke ki biza muuzo. Y'iiney maŋ, y'a t'uttile yi ŋooniyo k'adda, yi wolliyon sarwilagi ɗaŋŋal, maŋ y'a ziida gaggiri a munda wede ize geŋ me, wo y'a-gime ki boozí.

A urzi k'Emayus

13 A onniyo gettiyo batum i d'ede sanalliyagi sire an ambe k'adda k'ille sundutú Emayus, tod'te suma kubbaara paat ti Zeruzalem me.

14 Kane an di rootiyto tuddaŋ a suldi ɗoŋ pay ize geŋ me.

15 Aame kane an rootiyto wo an niikiyto ti tuddaŋ geŋ, yode Isa batum y'a iide, y'a-ti giyye ti kane an di sooru kaŋ soo.

16 Kane an di y' wolliyto, wo munda an t'eegirso ki suuniyadi me.

17 Maŋ Isa y'anni tunde, y'ede: «Kune kun di sooru ɗe, kun di niikiyto a tukk'amme?» Injino maŋ kane an t'ihira, sommagi dondoŋ.

18 Wede soo ti diine kane sire geŋ sundi Kiliyopas, yi di ruute, y'ede: «Kee siida ɗaŋŋal ko, wede i lekkiyo a Zeruzalem wo i ki suune ye munda wede ize adda k'onniytagi ɗoŋ k'ita en me?»

¹⁹ Yoŋ y'anni tunde, y'ede: «De ize moo me?» Kane an i di'n gime onamí, an'de: «Munda wede i-iina a tukk'Isa wede ti geeger Nazaret. Yoŋ geŋ nebi wede toogo, wo y'a ti gize toogadí t'urzi naabadí wo t'urzi k'onamí a dfaana Raa wo a dfaana d'uwu pay.

²⁰ Kane deero d'ŋ sedikadiŋ ti d'ŋ dokkiyadiŋ an an di y'ele a bey d'ŋ k'olmidayí kono booro t'a yi seeda ki t'ŋwo, wo an ti y' tiike ekk'undumu wede zaapu t'ekki bakadí kaŋ ton-tilko.

²¹ Kaye ay ziipe elkisadey a yode, yoŋ wede soo y'an adfa d'ŋ k'Izirayel ti bey d'ŋ k'aduzan. Wo t'ekki suldi pay geŋ, onniyo aŋki ette k'aduwe t'ume suldi geŋ ize me*.

²² Wo toŋ erayi miibi ti diinayey an ayn'iddira. Aŋki ti soohe walak an d'ingile ki biza muuzo.

²³ An iide'n, nuune k'Isa an ki y'uune ye. Kane an di-gimo, an ay t'iide taayadan te an'de, maaleekiyagi an'n iido tuddan wo an di ruute, an'de: "Yoŋ zeere."

²⁴ Ti diine kaye ay sooru kaŋ soo geŋ, d'ŋ miibi an d'ukke ki biza muuzo wo an d'uuney miŋ pay a-t'iide aakede erayi an ruute. Wo yoŋ miŋ umbo, an ki y' wullo ye.»

²⁵ In'kino maŋ Isa y'an di ruute, y'ede: «Kune d'ŋ elkisagun attidi, kun k'ambu kesiko ye ono d'ŋ pay nebiyagi an ruutite geŋ me.

* **24:21 24.21 Onniyo aŋki ette k'aduwe t'ume suldi geŋ ize me:** I-kaza di kane Yawudiyagi an elkiyo wedusu y'unto maŋ, undi ti lekkiyo a sirpa nuune onniyo sire k'aduwe geŋ, yi ki bilde ye maŋ geŋ umbo ki dfaanadí baa.

²⁶ Ki kotto i dehu Almasi Raa yi biire geŋ y'a dabire inŋkino d'oo miŋ, saŋ yi t'etta adda daryikadí kollo.»

²⁷ Saŋ y'an di gizite kereŋ suldí d'oŋ pay an riinŋite ti kaaga a tukki yode adda mattup ki Raa geŋ me, y'a iise ti mattup k'oogoro Muusa bini y'a-ti d'ingge ti mattupiyagi d'oŋ pay ki nebiyagi.

²⁸ Aame kane an iiney goppon ti ille ere an'te maŋ, Isa yi d'isiyo aakede y'ingile ki d'aana inŋkino.

²⁹ Wo kane an di kod'dime, an d'eesiyo: «Kee k'oopo ti kaye kino, peed'o t'a t'ooriyo ume y'ize.» Inŋkino maŋ yi-t'iide adda boy, y'a uupe ti kane.

³⁰ Y'a-guune omb'o ti kane, y'a t'umbe mappa, y'a ruute koduwo a Raa, maŋ y'a burkite, y'an d'ele.

³¹ Aame geŋ edayaŋ a t'ihina, kane an di y' zuune Isa me, wo a kaamiki ti d'aanadaŋ y'a nukkiŋe.

³² Kane an d'iise rootiyto ti tuddaŋ, an'de: «Aame kine a urzi wo yoŋ y'in rootiyto a tukk'ono d'oŋ an riinŋite ti kaaga adda mattup ki Raa geŋ, ki kotto in d'uww'e munda a biza k'ulbiŋ me.»

³³ Maŋ kesiko kane an t'iiziga, an di-gime ki Zeruzalem. An iide'ŋ an di'n uuney kane sanalliyagi koomat makumu soo geŋ an t'ugiye ti d'oŋ an sooru soo,

³⁴ wo kane an an di ruute a d'oŋ sire geŋ, an'de: «Ki kotto Galmeega yi bilde, yi gize tuddí a Simo!»

³⁵ Wo kane batum an an t'ûide taaya a munda wede ize a urzi, wo mummino kane Isa an di y' zuune a ume wede y'an fɔrkiso mappa geŋ me.

Isa yi kaza tuddí a sanalliyagí

³⁶ Aame kane onamaŋ botto an a ki ti'n dŋnge ye geŋ, a kaamiki yode Isa batum y'a gize tuddí a diinayaŋ, wo y'an di ruute, y'ede: «Toose ti koono ti kune.»

³⁷ Kane an d'iddira, orgiso t'anni ziida baadaŋ kono an elkiyo an wulle'ŋ beyye.

³⁸ Wo Isa y'an di ruute, y'ede: «Moo me kun orgiso me? Moo me un d'ede niikiyo adda k'addugun me?»

³⁹ Kun wollo beydó ti zoŋdó, eŋ miŋ nuŋ! Kun ni botto, wo kun wollo beyye'ŋ i-k'ede tukiŋo ye osse ye, wo nuŋ oo d'ede aakede kune kun woliyo.

⁴⁰ Yoŋ y'a ti dŋnge onamí maŋ, y'an di gize beydí ti zoŋdí.

⁴¹ Wo kane onamí an k'ambu ye botto kono addaŋ ûune t'unŋsuwo wo an ziida giggiraŋ. Inkiŋo maŋ yoŋ y'anni tunde, y'ede: «A eŋŋo un ede munda k'ombo ko?»

⁴² Kane an i di burko puuniso gayirsa an i-d'ele.

⁴³ Yoŋ y'a ziida wo y'a t'iimi a daanadaŋ.

⁴⁴ Saŋ y'an di ruute, y'ede: «Aame nuŋ botto ti kune geŋ, eŋŋo munda wede n'un ruute me: I dehu ono dŋŋ an riije a tukki nuŋ adda mattup k'oogoro Muusa ti ono dŋŋ ki nebiyagi wo adda mattup ki Soom geŋ, kane pay a aane kono a-t'ette a ono mattupiyagi geŋŋo.»

⁴⁵ Injino maŋ yon y'an t'ihina eedaŋ, kono an di seefa ita k'ono doŋ an riije ti kaaga adda mattup ki Raa,

⁴⁶ wo y'an di ruute, y'ede: «Enno munda wede an riije me, an'de: Almasi Raa yi biire, y'a dabira bini y'a t'inda, saŋ onniyo sire k'aduwe maŋ Raa y'a ti y' balda ti diine doŋ unto me.

⁴⁷ Geŋ i dehu an di kizite ti sundi a ita duwo pay, an di t'eeŋe ti Zeruzalem, an an di roota a duwo an di-kima lekkiyadaŋ wo an t'oona tambobino k'oldikadaŋ.

⁴⁸ A suldi pay geŋ kune kun illiga wo kun wulle.

⁴⁹ Wo nuŋ ni-t'igibo a eggun munda wede Meego Raa yi ruute y'un t'ela. Wo kune'ŋ, kun lekko adda geeger bini toogo ere i deego t'awwa ti kandaane t'un di'n ôona.»

Enjilso k'Isa k'awwa ki kandaane

⁵⁰ Saŋ t'adda geeger Isa y'an t'udde ti paate, an d'ingile k'ume wede goppon ti ille ki Betani. A ume geŋ y'a ziki beydi wo y'an di ziipe beeko.

⁵¹ Aame y'an zaapu beeko geŋ, kane y'an di'n iili, yon Raa y'a y'umbe k'awwa ki kandaane.

⁵² Aame geŋ kane an di-dikke wo an t'uttile a daanadi, saŋ an di-gime ki Zeruzalem t'unjuwo baadaŋ.

⁵³ Kane an d'ettiyo daayum k'adda booro Boy Raa, wo an di tamma Raa.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: Guerguiko (Mukulu)

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

523c1c0a-f8ac-5d2f-aebe-7063b0de6b23